



# THAVMATVRGVS P O L O N V S,

Scu  
DE VITA ET MIRACVLIS  
S. HYACINTHI CONFESSORIS  
ORDINIS FF. PRÆDicatorVM,

Commentarius

F. ABRAHAM BZOVII  
S. THEOLOGIÆ MAGISTRI,  
ORD. PRÆDicatorVM.

*Flores mei fructus honoris & honestatis. Ecclesiast. 24. cap.*



V E N E T I I S,

---

Apud Societatem Minimam, 1606.

*Superiorum permissu.*

272  
SANCTO SANCTORVM DEO VNI ET TRINO  
ALMÆ DEIPARÆ VIRGINI MARIÆ  
D. HYACINTHO ODROVANSIO  
SANCTI PATRIARCHÆ DOMINICI DISCIPVLO  
ET SOCIO,  
PROPAGATORI RELIGIONIS PRÆDICATORVM  
IN SEPTENTRIONE,  
RVSSIÆ, PRYSSIÆ, LITVANIÆ, LIVONIÆ, APOSTOLO  
TVTELARI POLONIÆ,  
THAVMATVRGO ORBIS,  
TERRÆ CÆLORVMQVE SPLENDORI,  
OB VITAM IN DEPLORATA VALETVDINE, ET IN  
VORTICOSI FLVMINIS VADATIONE PERI-  
CVLOSA ALIQVOTIES,  
OLIM ET NVPER MIRACVLO SERVATAM,  
DONATAMQVE.  
F. ABRAHAM BZOVIVS, VOTI CAUSA,  
PANXIT, D. O. C.  
R O M Æ  
ANNO SALVTARI  
1606, Cal. Maijæ.

Illustrissimo Domino

D. STANISLAO MINSKI,  
PALATINO LANCICIENSI  
CAPITANEO PLOCENSI,  
Regni Poloniae Procancellario,  
D. Colendissimo,

*F. Abraham BZouius S.T. Mag. Ord. Præd. D.C.*



ITAM & admiranda operum Diui Hyacinthi Odrouansij, Celsitudini Tuae mitto, Princeps Illustrissime, Thesera & argumentum opusculi, vi quadam aperte ad te impellebant. Thau-

maturgi Poloni vita, sermonis vitta, hic à me in fasciculum deuincta, cui prius aut iustius debebatur, quam Tibi, qui pro ea illustranda, labori indefesso, sumptibus immensis non pepercisti? Legatio illa Tua, apud Clementem Octauum Summum Hierarcham, foeliciter administrata, Decus perenne olim à Regibus, Præsulibus, Proceribus Regni pientissimis, à tot sæculis desideratum, huic Sancto peperit: nempe vt studio tuo in Apotheosim Sanctorum relatus, non vnius Septentrionalis, sed vniuersæ Ecclesiæ Tutelar



decerneretur, nec solius Sarmatiæ, sed orbis noti  
& ignoti, summis laudibus attolleretur: Benefi-  
cium hoc publicum in Regnum, Religionem,  
Ecclesiam, a te, patrimonio amplissimo ob cam  
rem profuso collatum, nulla ætas antiquabit,  
nulla lingua non deprædicabit. Iam verò magna  
& admiranda facinora Hyacinthi an te non de-  
cebant in multigena virtute demirandum? Te  
priuatim intueor? Pietas Religioni implexa, ca-  
stissima puritati conscientiæ iuncta, moderatio  
vitæ totius comitate grata, te Hyacinthi verum  
esse cultorem indice produnt. Is rectè Diuos co-  
luit, qui eos imitatus est. Te Togatum suspicio?  
Prudentia in consiliorum altitudine, iustitia in  
æquilibrio veri & recti, grauitas, maiestas, con-  
stantia, illudq; amplum virtutis theatrum, varijs  
ornamentis instructum, te lato clauo illustrem,  
Principem salutis, publicæq; mentis & legis Po-  
lonæ custodem esse voluerunt. Causæ hæ inquā  
fuerunt Serenissimo Sigismūdo Regi, te vt inter  
ex nostro orbe Polono selectos Procures, sapien-  
tia, moribus, & vario vsu rerum spectandos de-  
ligeret, lateri fidum consiliarium, Reipublicæ co-  
lumen & lumen. Silentio colo hunc tuum splen-  
dorem, Vir Illustrissime, quem vt nulla nubes no-  
bis subducatur, nulla nox recondatur, ominor & vo-  
neo. Romæ Calend. Maijs. 1606.

Comme-

**C**ommentarios duos, alterum de vita & miraculis S. Hyacinthi, alterum de rebus praeclare gestis Prouincia Polonia Ordinis Prædicatorum, editos à R. A. P. Magistro Abrahamo Bzonio, ex commissione Reuerendissimi P. N. Magistri Ludonici Thella totius Ordinis Prædicatorum Vicarij Generalis, legi, & quantum mihi uidetur, existimo pios, eruditos, utiles: nihilque contra Orthodoxam Fidem, aut bonos mores continere: dignosque planè esse qui publicè typis excudantur.

F. Thomas Maluenda Magister  
Ord. Prædicatorum.

**I**dem iudicium ego quoque habui cum prædictos Commentarios ex commissione eiusdem Reuerendissimi Patris Vicarij legerem: ac manu propterea mea propria subscribens supradictam Adm. R. P. Magistri F. Thoma Maluenda sententiam, iudiciumque confirmo.

F. Petrus Philippus ord. Præd. &  
S. Theologia professor.



**AVCTORES EQVAVM**  
**monumentis, eruta infra scripta.**

Processus Canonizationis Sancti Hyacinthi.  
Guilelmus Blancus Episcopus Grassen. & Vencien.  
Leander Bononiensis.  
Ferdinandus Castellan.  
Iulius Nigronus.  
Hilarion Rangonus.  
Cinus Campanus.  
Martinus Cromerus.  
Matthias Miechovius.  
Frater Seuerinus Magister.  
Ioannes Duglassius.  
Epistolæ & diplomata nonnulla.  
Annales Ecclesiæ Cathedralis Cracouien.  
Sertum gloriæ Sancti Hyacinthi.  
Camillus Ballianus.  
Frater Stanislaus Lector Cracouienf.



# INDEX CAPITVM

Quæ in hoc opere continentur.



Ortus Sancti Hyacinthi Odrouanſi, Cōfeſſoris, cap. I.	pag. 1
Nomen Sancti Hyacinthi, cap. II.	3
Pueritia Sancti Hyacinthi, Cap. III.	6
Maturior ætas Sancti Hyacinthi, Cap. IV.	8
Tyrocinium S. Hyacinthi in religione Predicatorū, C. V.	11
Progreſſus virtutum Sancti Hyacinthi à voto emiſſo, Cap. VI.	13
Repedat Sanctus Hyacinthus in Poloniam, à S. Patre Dominico diſmiſſus ex Vrbe, Cap. VII.	16
Cracouiam ingreditur Sanctus Hyacinthus, Religionis Prædicatoria in Septentrione ampliſcandæ gratia, Cap. VIII.	18
Ratio viuendi Sancti Hyacinthi in Polonia, Cap. IX.	20
Sanctus Hyacinthus ſuſcitāt mortuos, Cap. X.	22
S. Hyacinthus cæcos illuminat, & dæmōnes pellit, Cap. XI.	24
Propagatio Ordinis Prædicatorum in Septentrione per Sanctum Hyacinthum, Cap. XII.	26
S. Hyacinthus Vandalum ſiccis pedibus traſiſcit, Cap. XIII.	28
Sanctus Hyacinthus paralyticam ſanat, aliſque languoribus medetur, Cap. XIV.	30
Propagatio Religionis Chriſtianæ per S. Hyacinthum, Cap. XV.	32
Opera Diui Hyacinthi in Ruſſiæ conuerſione, & lucta illius cum dæmōne, Cap. XVI.	35
Diuus Hyacinthus à furorē Barbarorum vindicat Sanctiſſimam Eucharistiā, & Iconam Beatiffimæ Virginis, Cap. XVII.	37
Sanctus Hyacinthus ſegetes grandine iſtas redintegrat, Cap. XVIII.	39
Sanctiſſima Virgo Deipara apparet S. Hyacintho, Cap. XIX.	41
Teſtamentum S. Hyacinthi in extrema agritudine, Cap. XX.	43
Felix tranſitus S. Hyacinthi, Cap. XXI.	46
Miracula à morte S. Hyacinthi, Cap. XXII.	48
S. Hyacinthus in Apotheoſim Sanctorum reſertur Eccleſie ritū ſolemnem, à Summo Pontifice Clemente Octauo, Cap. XXIII.	52
Bulla Canonizationis S. Hyacinthi.	53
Oſſa Beati Hyacinthi pullulantia ex Mauſoleo ſuo in Eccleſia Sanctiſſimæ Trinitatis, Cap. XXIV.	64

**G**LI Eccellentissimi Signori Capi dell'Illustrissimo Consiglio di X. infra scritti, hauuta fede dalli Signori Reformatori del Studio di Padoua, per relation delli doi à ciò deputati, cioè del Reuerendo Padre Inquisitore, & del Circ. Secretario del Senato Zuane Maranegia con giuramento, che nel libro insitolato *Thaumaturgus Polonus de vita & miraculis S. Hyacinthi*: & in un' altro ancora insitolato, *Propago Dini Hyacinthi*, da essi veduti & letti, non si troua cosa alcuna contra le Leggi, & sono degni di Stampa, concedono licentia, che possino esser Stampati in questa Città.

*Dat. die 8. Augusti, 1606.*

*D. Marco Contarini.*

*D. Zuane Moro.*

*D. Anzolo Correr.*

*Capi dell'Illustriss. Conf. di X.*

*Illustrissimi Conf. X. Secretarius  
Bartholomæus Cominus.*

*Registrato nell'off. cons. la biassem. à c. 155.  
Gio. Franc. Pinardo Secret.*



# VITA, ET MIRACVLA

## S. HYACINTHI ODRUVANSII

P O L O N I.

*Discipuli Sancti Patriarchæ Dominici & Socj,  
Propagatoris Religionis Prædicatoria in Septentrione.  
Apostoli Ruthenorum, Lituanorum, Liouonum, & Borussiae.  
Tutelæ, Polonia, &  
Thaumaturgi Orbis.*

Auctore  
FRATRE ABRAHAMO BZOVIO,  
S. Theologiæ Magistro, Ordinis Prædicatorum.



### C A P V T P R I M V M.

*Ortus Sancti Hyacinthi Odruvansij Confessoris.*



ADMIRANDA operum, quibus Diuus Hyacinthus æternitatem felicem sibi promeruit, mihi scripturo, ab ipsis incunabilis ordiendum fuerat, quibus, ut in illum dicere possit. Felix origine: felix imitatione. Origine. Neque enim, non nullo a Deo ornatur dono, cui illustre obtigit genus, quippe ex quo non exigua adiumenta virtutis. quod magis, si Progenitores sapientiæ, iustitiæ, probitatis, & Religionis Theatrum, quod æmulationi, non admirationi solum, ab ijs natorum. Tales Hyacintho obtigerunt. Vt si etiam ipsi, ex innumero mortalium numero, eos deligendi data fuisset optio, non facile inueniret, quos illis anteponendos iudicaret. Pietate mentis, celsitudine animi, virtutis studio, beneficentiæ gloria, rerumque immortalitate gestarum.

Pater fuit Hyacintho, Eustachius, Saulis Comitis Odruvansij F. Natus est ab eo Sanctus Puer, in villa Camien. ( Latinis Saxum est ) Ducatus

A tus



tus Oppolienſis, qui tunc Poloniae ſceptis iunctus erat, Dioceſis Vartiſianenſis: anno a Salvatore Nato, octuagelimo tertio, ſupra milleſimum cepteſimum.

Familia Comitum Odroanſiorum in Regno Poloniae, Illuſtriſſima, nulli alteri nobilitate ſecunda, ſemper feraciſſima fuit virorum magnitudine ſapientiae & virtutum cumulo clariſſimorum. Primus huius ſtirpis Parens Saulius, Diui Hyacinthi Atauus: ingētibus firmiſſimiſq; immanium Tartarorum, manu exigua, partim ſtratis, partim proſtigatis copiis, ſibi perennem laudem, poſteris nomen familiae dedit. libertate pacta maxuna, vniuerſae Poloniae. Auxit proſapiae decus Saulius eius filius, prope diuino, omnibusq; virtutum ornamentis expolito animo. quod induſtria & fortitudine, Chriſtianae fidei hoſtibus, ad occidentem non difficilem aditum præcluſit, & ſines Sarmatici Imperij non modo protexit, ſed & longius porrexit. Auxerunt ſtirpis gloriam, Euſtachius & Iuo huius Filij. vterq; Pietatis cultu, ſapientiae ſplendore, vitae integritate, & doctibus animi excellis inſignes. ille militari ſago, hic toga Senatoria & Episcopali, eſſulgens. Iuo Cracouiensis Antistes, ob hoc non inter morituram memoriam ſibi peperit, quod pro Eccleſia ſua multos exantlauerat labores, bina peregrinatione ad urbē ſuſcepta. in quarum ſecunda Mutinae in Italia diem clauſit extremum. Deinde quod eidem Eccleſiae dignitatem Archiepiſcopalem neglectam, ingentibus curis recuperauerat. quod hanc opibus non contemnendis auxit. quod templum illud magnificentiſſimum Diuae Deiparae in foro Cracouiensi, aliaq; innumera alibi ſumptibus, & operis eximijs exaſedificauit. quod Xenodochia multa ad pauperes alendos in ſua Dioceſi reliquit. quod ad meliorem normā ritus & mores tum cleri tum populi reduxit. quod ſeptentrioni vniuerſo religionem inuexit illam, ex qua tantus quidem vtriuſque ſexu, vel ſanctitate vitae, vel doctrinae puritate, vel vtraque re excellentium, numerus emanauit, vt vel ſolis ijs Sarmatica Eccleſia, ſi nullos haberet alios, ſatis illuſtrata eſſe cenſeatur. Superauit horum merita, & Famam Hyacinthus Euſtachij Filius, ſælix imitatione, & æmulatione ſelicioꝝ. Nobilitatem plerique malitiae velamen, imo & occaſionem habeat. De poteſtate enim licentiam facientes, habenas omnes ingenio ſuo, & libidini ſeu cupidini laxant. Hyacinthus eam accepit, columnen, & inſtrumentum rectitudinis. Poſſe ſe multa ratus, ſed intra ſapientiae, & iuſtitiae orbitas. In ſemine cauſam eſſe ſcimus ſtirpiū atque arborum: ſic etiam maiorum Hyacinthi ſatu, eidem egrae virtutis indolem ingeneratam fuiſſe nouimus. Deinceps ſcimus quid ſecum ineunte ætate expendebat. Antecellorum enim, ante ſuis conſpectibus, poſitis imaginibus, illorum vitam examinabat. quibus inſtrumentis honores adepti ſint immortales, & qua ex re gloriam ſibi pepererunt ſempiternam inquirebat. Maiores mei (ita fabulabatur) rebus

rebus præclare gestis, opinionem Diuinæ cuiusdam affinitatis, apud reliquos, sibi conciliarunt. Non igitur mihi degenerandum est ab eis, non fordibus, non ignauia, non scelere obscurandum est clarum genus, sed virtute illustrandum. Non amentia & temeritate conuellendum, & in turbam vilissimorum hominum coniiciendum; sed prudentia, consilio, fortitudine, animi robore, summaque contentione subleuandum, & conseruandum est. Lumen gentis longe citius quam naturæ postulat cursus extinguere, nefas mihi esto. naturale bonum mihi insertum, vitio alicuius graue consuetudinis interimere, sit mihi piaculum. Persequenda illa facta mihi erunt, quæ Patribus meis tantos adiunxerunt honores. Ex virtutis studio, Saul meus proanus adeptus est gloriam. Mihi quoque honestas vnice colenda est, insolentia fugienda, vitæ inepria, non vino & lustris obruendus animus, non luxuriæ labe obscuranda fama, non vitio quasi exitiali veneno, mors mihi cōsciscenda. Sauli auo, æquitaris cultura, & magnitudo animi, nobilitatis titulos cōparauit. retinenda quoque mihi erit iustitia; enitendum mihi, ne iniquitas aut iniuriæ, aut indignæ contumeliæ, me ex honoris possessione deiciant, ad magna, & excellentia mihi quoque aspirandum, ne torpor, gloriæ & honorem maiorum virtute partam mihi detrahat. Sapientiæ sublimitate, euectus est ad celestem sedem Iuo Patruus, illis quoque disciplinis meum imbuam animum, quibus instructus, facillime possim Reipub. Christianæ, consilio, prudentia, solerti studio, magnam opem in magnis rebus proferre.

Hac ratione, Hyacinthus nobilitatem sibi nihil cogitanti se arbitrabatur, atque ad præclara semper suscipienda, & complectenda semper protendebatur. Euenit, vt nobilis genere, bonitate, & facilitate esset nobilior, illustris anorum gloria, sed proprijs meritis illustrior, florens maiorū factis, sed suarū virtutū lectissimis ornamentis florentior, Patre liberali, honesto, sed sua probitate, & puritate insignior. Fælix origine. Fælix imitatione. Fælicior emulatione maiorū ad maxima & amplissima, Flos Odrouansis pulchritudinis virtute venustissimus Hyacinthus.

## CAPVT SECVNDVM.

*Nomen Sancti Hyacinthi.*

Sacro Fonte, rulit nomen præclarum Hyacinthus, non forte fortuna, sed Diuina monitione. quæ Eustachium Patrem in eam impulit mentem, vt illud nomē, Hyacinthus, puero imponerat, quia eius & mores fururos deceret, & magnitudini virtutis atque laudis ipsius maxime conueniret. Hoc enim siue a gemma, siue a flore Hyacintho ducatur, rite Sancto infanti quadrat. Siue etiam ethimon ipsius spectes e Græ-



co translatus: thessera est probitatis, & Sanctitatis qua effloruit Hyacinthus. Zinthis Græcis a quo originem habet Hyacinthus, significat mobilem, & flexibilem ad omnes formas. Ob eam rem, & gemma illa, quæ ad quamvis aeris mutationem vel clarescit, vel obscuratur, Hyacinthi agnomen accepit. & Flos ille qui primo vere agmen aliorum post se ducens, violaceum, cœlestem, subpurpureumq; refert ex radice multicolorem, eodem nomine gaudet. Propter varios quos ex motatione solis refert colores. Hyacinthus ergo idem erit, quod æmulator omnium virtutum, qui contentione sedula, vel ad omnes inueatur, vel omnes adeptus fuerit, Diuinorum ornamentorū perfectiones. Iactabunt alij, propter Diuinorum secretorum cognitionem, Seraphicorum titulos sibi attributos. alij Catholicorum, Fidei & Religionis Defensorum, & Victorum, propter auctam pietatem, vel protectam Ecclesiam, usurpabunt. Parthenij, Casti, Pij, Zelantes, Compositi, humanæ delitiæ, Cultores iustitiæ, Patientes, Inuidi, Illuminati, Sancti, Contemplatiui, Patres Patriæ, Publicolæ, & alijs Symbolis, insignes, erunt in ore omnium. Hyacinthi nomenclatura, has omnes complectitur, sicut & omnium horum, quibus propter admirabilem totius decoris, & honestatis elegantiam, propter animi excellentem magnitudinem, splendorem iustitiæ, puritatis candorem, & sanctitatis pulcherrimam speciem, hæc magnifica, & admirationis plena iudicia sunt epitheta, assecutus est, quin & multos multis partibus superauit. Quapropter dum Eustachius supremi Numinis afflatu nomen puero Hyacinthus indidit, non potuit magis augustum, & magis illustre, post Diuinum, & Deiparæ Virginis nomen inuenire, quod ei splendore, maiestate, & decore amplissimo æquiparari possit. Quod enim Hyacinthum appellauit; præiudicet forte futurum illum talem, qui ingenuas artes, naturæ secreta, Diuina mysteria, & Cœlestem supremarum mentium disciplinam, insigni eruditione adipisceretur, adeptamq; vel communicaret, vel etiam in Ecclesia Fidelibus participatam, tueretur. Quod Hyacinthum nuncupauit, præfagebat, quod ille auspicio suo Ecclesiam Septentrionalem, laboribus defendere, & propagare; errorum zizania ex latissimis partibus Aquilonis, & Orientis euellere, Fidei lumen ad idololatrias inferre, res Christianas oppressas erigere, & stabilire, immanissimum salutis nostræ hostem fundere, & de eo gloriosa reportare trophæa, quandoque deberet. Quod Hyacinthi titulum ei affinxit. Significauit virum, qui suo tempore, morum verecundia, & probitate, mentis candore, corporis castimonia, mansuetudine animi, iustitiæ zelo, rerum fluxarum contemptu, austeritate vitæ, cæterarumq; virtutum claritate amorem omnium in se excitauit. Illum appellauit, dum Hyacinthum vocauit. qui nec carnis nouit vllum vsum, nec mundi blandas voluptates expertus, nec flagitio mortali contaminatus vnquam fuit, qui

in

in viam paradisi multos verbo, & opere deduxit, qui multo studio pietatem coluit, qui sua se voluntate priuauit, qui animum cupiditate Diuinitatis inflammatum gestauit, qui tota contentione ad Cœlestium cōsortium aspirauit, qui, vt breuiter dicam, præstanti dignitate, & magno quodam Diuinitatis participatæ splendore plurimos anteuiuit, omniumq; virtutum gloria maximus & florentissimus exiit. Valeant Publicolarum vani tituli. Hyacinthus Publicolam significat, quod multos vinculis peccatorum colligatos, seruituteq; Dæmonum pressos, in publicam libertatem asseruit. Eant benefactorum nomina. Hyacinthus benefactorem designat, qui innumeris beneficijs, non modo Septétrionem & Orientem, sed fere nunc vniuersum orbem miraculorum opificio ornauit. Non inuidemus alijs, gladiatorum & fulminum belli epitheta. Hyacinthus & fulmen & gladium signat, illud propter alacritatē & promptitudinē, qua in reb. gerendis, inque curanda salute humana utebatur: iste propter inuicti animi robur, quo Satanam deuicit, quoque Rempub. Polonam immensis cladibus alijs super alias toties afflictam, potenti protexit intercessione. Catholicorum nomen alij sibi venditabant, Hyacinthus quoque Catholicum significat, quod Catholicam fidem longe lateq; prædicauit; quodq; non oppida, non vrbes tantum, sed Prouincias, sed Regna vastissima, eiecto infidelitatis Principe, in Ecclesiæ vniuersalis gremium accepit & dedit. Porro si Hyacinthi nomenclaturam a gemma vel a flore duxeris; vt in his ambobus, singulari dignitate præstat Hyacinthus, sic in puero præstantissimum quid designabit. Gemma Hyacinthus, inuictam fere sibi vendicat soliditatem, quippe qui adamanti tantum concedat. & sublimi quadā est insignitus qualitate, qua ad Cœli mutationem (Solino teste) utpote Cœli consors transmutatur. & plurimarum vi occulta est medela ægritudinum. Flos vero, cum verno tempore hyemis rigores propelluntur, & terra nouum induta splendorem, videtur aurea sæcula referre, præcursor & prænuncijs est aliorum; in venustissimo florum agmine primus, discolor, nempe ceruleus, cœlestis, subpurpurascensq; characteres, Ah quasi dolentis ex se effingens, sanctus quoque puer, magnum Familiæ Odrouanflorum decus, insigne Religionis Prædicatorum & Ecclesiæ ornamentum, præstantissimum ad instar micantis Hyacinthi Orbis lumen, ob inuictam animi fortitudinem, qua nulli aduersitati cessit, ob perpetuam erga cœlestia charitatem, qua se in omnia virtutum lumina efformabat. ob singularem, & nunquam perituram vim, qua morbos, quibus ad extremum usque spiritum conficiuntur homines, depellebat, ob Principatum in arcola vetustissimorum ex sanctimonia florum, quos in Septentrione & Oriente, post gelidum Bruma Barbarici, primus cœlestium meditatione & æmulatione, honestatis pulcherrimo studio, charitatisque ardor purpureo antecessit. ipseque agmen eorum, in hoc vere gratias ducit.

## Comentarivus de vita

ducit. Deniq; ob Ah dolentis & suspirantis, in corde & ore expressum, illud pro noxis aliorum, hoc pro desiderio fruendi Cælestibus, merito Hyacinthi titulo ornatus prodijt a Sacra regeneratione.

### CAPVT TERTIVM.

#### *Pueritia S. Hyacinthi.*

**P**ER Hyacinthus, per surgentis infantia gradus, indies sensum adolescens, non puer fuit, sed vir, non annis, sed animo, idque propter summam virtutis, in ætate tenella præmaturè concepit. Diuina providentia quæ illum ad excelsa natum esse voluit, iam ab ipsis crepundijs, supremæ eius pulchritudinis desiderio maximo tenebatur. quare ad instar lapidis pretiosi expolire illum statim cœpit, vt esset, & stabilitate firmissimus, & multiplicis sapientiæ splendore clarissimus, & illustrissimus ornamentis honestatis. Animo igitur illius ad omnem motum flexili, primo insēuit semina quædam rectitudinis & probitatis, lumen deniq; suum in mentem ipsius immisit, quo speciem effulgentem ac emicantem sanctimonix contueretur, & complecteretur, omneq; illud quod ab orbita æqui & recti deflectit abhorreret & fugeret. Saturæ felicissima fuit: nam vt semen quamvis exiguum, in bono solo sparsum, facile se explicat, & ad frugem maturascit, sic scintilla virtutis in bona illius mente. Luminis deinde perfusio, adeo suum in animo ipsius exeruit fulgorem, vt quid agere, quid fugere prius, quam viuere didicerit. A teneris vnguiculis, primum id ante ocellos habuit, Deum regnatorem omnium, arbitrum, inspectorem operum, consiliorum, mentisq; suæ esse, vt potest, cui nihil clausum, nihil abditum, quique interest animis humanis, & cogitationibus medijs interuenit. nec solum inspectorem, sed iudicem eundem, & vindicem fore, boni vel mali facinoris, qui vt bonos honore, ita malos dedecore sempiterno afficere potest & solet. Ab ista de Deo optima existimatione, pietatis exordium habuit, & hinc, cultum, venerationem, & reuerentiam erga eundem, religiosa mente haustam expromere orsus est. Cultum quidem imprimis, pura, integra, incorrupta, & mente & voce Deum veneratus. Nam aureum illud dictum, impresserat sibi. Optimus animus, pulcherrimus Dei cultus est. Venerationem vero, in animo, & ex animo Deo vota, laudes & grates, ritibus Catholicis & gestibus deuotis exhibens, pronus præstabat. Porro reuerentiam adorandi numinis, se aspectibus, ipsius, immaculatum ab omni labe statuens habebat, & dum quandoque stimularetur ad malum, timebat: ne Diuinos obrutus offendito. Aspiciunt oculis superi mortalia iustis. Bonum malumque facinus nullius pro nihilo habetur, sed ex natura,

natura, diuersa præmia bonos malosque sequuntur.

Cultum illius erga Deum repeto. A culla iam tunc infantulus Deum obnixè pura conscientia obsecrare, lachrymas in oratione fundere, Diuinam salutare matrem, prostrato corpore dies & noctes pro suo in mūdum saluari ingressu, proque salute aliorum compellare, iam Ecclesiarum non tantum limina sed etiam mytheria frequentare, Dei verbum ex Sacerdotis ore, intento corde percipere, assiduaq; meditatione contemplari, & si quid legi Diuinæ contrarium videret a quopiam fieri, ad Sacerdotis vocem omnia deferre, Sacerdos sic iussit, iussit altior illa potestas, sic e suggestu institutum, & alijs modis ad sanctitatis studium pertrahere solebat. Cerneret elinguem querulum, balbutie sua Christostomum quendam vel Nazianzenum agere. Obseruabat pater Eustachius puerum, grauissima nonnulla ante ætatem efferentem. Stupebat de rebus differentem Diuinis, & cœlestia iam deprædicantem in audita mytheria, attenta aure auscultabat. Veneratio autem interna Dei, tanta ab eo habebatur, vt pietate, religione, moribusq; plurimos seniores anteiret.

Elucebat iam tum atque eminebat, in illis teneris annis, maxima ad virtutem indoles, & semina illa, illaq; honestatis scintillæ, in eius animo reconditæ erumpabant & apparebāt. Mores infantiles iam tum significabant faris, quæ sanctitatis eius futura esset messis, quæ virtutum maturitas, qui denique fructus honoris & honestatis, vt ex hinc omnes spem maximam summæ sapientiæ, & summæ probitatis alij de eo conciperent. Mirabatur qui vel viderant incedentem, vel loquentem audierant Hyacinthum, tantam in eo grauitatem & prudentiam, facilitatē, comitatem, modestiam, beneuolentiam; omnes inuandi, ac subleuandi studium, solidam in animi sui salute Diuināq; gloria procuranda religionem suspiciebant. Apud luonem quidem Patrum Craconiensem Præfulem propter expectationem quam de se summam concitarat, tanto in amore erat, quantus indulgentissimi simul & sanctissimi Patruī, erga nepotem candidis moribus esse potuit. Tanto vero in honore ac pretio, vt quodam quasi futurarū rerum augurio, sæpe dicere soleret. Hyacinthum suum nepotem sanguine, alumnū educatione, institutione discipulum, fore successionē Episcopum, vel doctrinā insignē Dei præconem, decus deinde ac lumen omnium, qui vnquam ex Poloniæ Regno sancti illustres extitissent. Domus suæ parietibus inclusus, tanta numinis reuerentia quasi habenis quibusdam cohæbatur, vt nihil vnquā indignum se & Deo aliquid ageret aut moliretur. Tempus quod studio pietatis sibi concessum arbitrabatur, non in lauitates impendebat, non in ludis, aut voluptatum illecebris conterebat, maximè verò in illa ætatis flexu, quo sæpè deliciæ ac voluptates diutius inclusæ, & prima ætate compressæ atque constrictæ, subito se profundunt, & vi quadam

erum.

erumpentes, animum puerorum ad dedecus, & flagitium pertrahere nituntur; ille summo studio & acerrima contentione mentis repressas continebat. Si quæ vero inaduertente eo, ex illo durissimo carcere prouissent, reprimebat & cohibebat. Quam ob rem peccatum, magis quam mortem deuitabat. Delicias victus, ac si venenum quoddam respuebatur, luxuriam vestium aspernabatur, morum effeminatam molliciem detestabatur, coequalium lasciuiam abhorrebat, ne occultis ac tectis Satanae deuinceretur artibus, hostem omnium perniciosiorem inopia cibi, tenuitate, & asperitate opprimebat. Misericordiae & pietatis viscera iam etiam tunc aperiebat. Si quem inopem aut mendicum, paternis foribus astantem cerneret, accurrebat ad parentes; & vel ab eis impetrata, vel suis visibus concessa largiebatur. Si alium quouis casu acerbo miserè afflictum sciebat, volitabat ad eum, verbis solabatur, & quantum poterat iuuabat. Ingeniosa ipsius industriae tam celeres uberesque motus, tam constantes erant & clari, nihil ut a communi aequalium sensu remotum esset, quod ille si paululum sese excitabat, vel ad orationem conuertebat, non facile admodum, & perspicue intelligentia comprehenderet. In omni denique genere virtutis, supra ætatem & supra vires præstabat cæteris & antecellebat. Infans erat ætate, sed prudentia, consilio, grauitate & honestate senes quoque plurimos præibat. Illas sententias dicitur fere semper in ore habuisse. Bonos inter magis quam claros numerari; & esse quam videri probus malis.

## CAPVT QVARTVM.

*Maturior ætas S. Hyacinthi.*

**I**N vndoso mari cursum rectum tenere, & in summa iuuentutis licentia, non abripi licentiæ ventis, summa felicitas, summa virtutis laus est. Adeptus est eam Hyacinthus. Dū enim ætas ferueret, ne transuersum quidē vnguē, ab honesti norma discessit, sed æquam in moribus, & omni actione vitam traduxit. Quo infans imbutus fuit candore & decore, eundē adulescens seruauit. Animaduertebat hoc draco terribissimus, qui inuidiæ facibus adustus, semper in hominum perniciem intentus est: & cum primum, in prima ætate, quasi naturæ bonitate, non autem virtutis aut gratiæ Diuinæ impulsus illum cogitasset, nec multū impediuiisset, mox ex progressibus maximis probitatis, se in iudicio errasse intelligens, tempestive nequitiae suæ opportunum in prouectiori ætate, atque ipso flore iuuentutis, nactus se esse iudicans, pessima omnium emulatione disruptus statuit ipsum aggredi, & imparatum repentinis insidijs adoriri. Hinc generis nobilitatem ob oculos ponere, modò diuitiarum copias vsui ad omnes

omnes voluptatum illecebras ostentare. deinde cupiditatum lenocinia, quibus illa ætas consuevit pellici obijcere. Formæ venustatem, florem ætatis, sociorum voluntates, facilitatem peccandi. Licet aiebat quodlibet, suauitatem mundi oblectamentorum pingere illi pergebat, tanto a se & versutia, vt iam securum sibi esse diceret, de Hyacintho capiendocōsiliū. At Spiritus Domini, qui Hyacintho aderat propugnator acerrimus, vt eum tot discriminibus submoueret, atq; in adolescentis perniciem contexta veteratoris machinamenta, fallacesq; decipulas perumperet, in Patruī eius Iuonis Episcopi Cracouiensis, qui propter eximiam pietatem, miorum integritatem atque cœlestium amorem Sanctus habebatur, mentem induxit. vt adolescentem Hyacinthum in suâ disciplinam reciperet, atque indita sibi præclarissimarum illarum dotū semina coleret & eformaret. Aula siquidem illius, virtutis seminariū, non ganeonum aut Parasitorum popina fuerat. Didicerat a Lacedæmonijs, fidei commissos suæ, vitæ inculpatae exemplo instituere. Sic Lacones, instruebant iuniores. Cum eos admonerent, ait Xenophon, vt temperantiam discerent, plurimum conducebat, vt viderent senes ipsos, quotidie frugi esse. Cum traderent præcepta parendi magistratibus; coram illis magna demissione obediebant Senatui. Iidem iuxta Anacharsis & Platonis cōsiliū, pueros ad conuiuia vinolentorum hominum ducebant, vt temulentia turpitudinem intuentes, quasi perosi ignauia, a vino & luxu promptius abstinere, ac tã tetri aspectus, vt est ex ebrietate, tantiq; dedecoris, vt est ex luxu, non solum pigeret, sed etiam puderet. Ad eum modum Iuo Episcopus Hyacinthum erudiebat. Nihil ille præclari, siue domi, siue foris, siue in Ecclesia, siue in Palatio moliebatur, cuius rei Hyacinthum non faceret conscium. Non eum a consortio, non a mensa, non a cubiculo, non ab orationis secreto loco separabat, omnia arcana cordis sui, quin & viscera ipsa illi patefaciebat. Disce, aiebat, puer ex me virtutem. Cupiebat vt Hyacinthus, Diuinæ sapientiæ studio se addiceret: Libros ille ante conspectum eius voluebat, assidueque meditabatur, & quæ ex lectione siue præsentī, siue præterlapsa, didicerat, memoria repetebat, & Hyacinthum suo exemplo, ad pulcherrimam scientiam capescendam pertrahebat. Desiderabat, vt Hyacinthus, maiorem temporis a curis vacui partem, in orationibus ad Deum eiacularandis insumeret; In oratione ardentissima siue priuata, siue publica, animo demisso, & vehementissimo furore persistebat, Charitatis viscera Hyacintho ingenerare exoptabat; Vbi insigne quoddam Christianæ pietatis opus faciendū erat, Hyacinthum ducebat, vt optimæ indolis iuuenis ignem dilectionis, ex igne Patruī concipere posset. Sequebatur nec segniter, Hyacinthus Præsulem, anteeuntem. Quicquid ab eo fieri conspiciebat, id totum efficeret, quin Pontifici præire potius adnitebatur. Vnius aut alterius forsā

horæ spatio perstabat Iuo in oratione. Hyacinthus noctes insomnes, in contemplatione altissima supernorum bonorum, & in consortio Diuino tranſigebat. Iuo ieiunio crebro; Hyacinthus eodem frequentiori, cilicio inſuper aſpero, & flagris duriffimis corpus perdomabat. Ille in conſolandis aut iuuantis afflictiſ partē diei inſumebat; hic totos dies cauſis pauperum cognoscendis, miſeris ſubleuandis, & commoditatibus proximorum conſecrabat. Ter vel quater in hebdomada Iuo pauperes ſtiſte reſiciebat, Hyacinthus ſingulis diebus manus apertas habebat, & totum illud quod vel a parentibus, vel a Patruo liberaliſſime colarum ſibi fuerat, hilari animo diſtribuebat. Vno atque altero die Sacer Antiſtes Diuina faciebat. Hyacintho nihil ſuauius, nihil optabilius erat, quā ſingulis diebus, ſingula ſacra vel ſumma animi attentione, au dire: cum nōdum ſacris iniuriatus fuerat, vel cū primū in Sacerdotum ſortem adlectus eſſet, ſumma deuotione offerre, & vberriſimis lachrymis tremenda altaria abluerre. Admiratione & ſtupore dignum eſt, quod vltra quam ſuo exemplo impellebat eū Pontifex, Diuinus proceſſit Hyacinthus. Ad faſtigium enim virtutum quo non pertigit Iuo, pertigerat Hyacinthus. At quia pietatem ſapientię ſplendore ornatam, maiori vſui innexam huic vincolo eſſe intelligebat Eccleſię, quam ſolam ipſam, cogitauit Hyacinthum iam pro ætatis eius captu ſufficienter doctrina excultum, rerum maximarum ſcientia cumulare. Bononiam igitur ſtudiorum altricem illi proponit, hanc vt accedat iubet, ſumptuſq; pro familię & ſtatu conditione in eam rem ſubminiſtrat. Paret illi, & abit, Doctiſſimos illos Theologos & Iuriſperitos conuenit. Breui decurſo ſpatio, tantos progreſſus in ſcientiis altiffimis facit, vt abſtruſas omnes, ſiue Iuriſprudentię, ſiue Theologię difficultates animo perueſtigaret; Laurea Doctōris Theologię, & Iuris vtriuſque ornatus, in Bononięſi gymnaſio, apud omnes ſummus Philoſophus, ſummus legiſ interpres, ſummus Theologus haberetur. Cracouiam a Patruo reuocatus, dum illum maximis artium diſciplinis, ſupra modū eruditum, & animi egregio cultu pulcherrimē ornatum, tum in Chriſti diſciplina multa cum laude verſatum, lectiſſima quęq; ex Italię cultura euexiſſe comperiſſet, in Canonicorum numerum Cathedraliſ ſuę Eccleſię eundem adlegit. quo & participem curarum Paſtoralium illum faceret, & venerando illi collegio viuum exemplar totius integritatis præmonſtraret. Diſcerent ex illo, corde candido, animo verecundo, ore probō, manu immaculata, corpore intacto, & ſenſu pudico eſſe viderent ab eo, quomodo cultui Diuino vacarent, Eccleſiaſtiſci ſtat ſus decora ſeruarent, iura Sanctorū tuerentur. Aſſueſcerēt eius exēplo cultu modicos, ſermone pauperibus faciles, opum contemptores non corraſores, diſpenſatores non diſſipatores, recti peruiſaces, conſtantes aduerſum metus quoſuis fore. iuxta Canonum non aſſentatorum, non curiarum aulica præſcripta viuere.

Tantum

Tantum ad veræ sanctitatis, & ad Cœlestis vitæ perfectionem, summa cupiditate contendere, non animo per huius mundi pompas aut honores diuagari. Quod a Sole, in subiecto orbe lux, hoc a Hyacintho recti exempla, in alma illa Cōgregatione faciebant. pote qui inter eos, quod Sol inter stellas, eminebat & emicabat.

## CAPVT QVINTVM.

*Tyrocinium Sancti Hyacinthi in Religione Prædicatorum.*

**A**TQVI æterna Dei constitutio, aliud decretum immobile, de ipso sanxerat & dixerat: quod tali nexu causarum latentium, & multo ante destinatarum, ordine exequitur. Pergit Romam Iuo Pontifex, Ecclesiæ suæ causa, ducit secum Hyacinthum itineris & votorum comitem. Offendunt vterque Diuum Dominicum, miraculis varijs, pijsimum institutum nuperæ Religionis, approbantem & illustrantem, mortuos insuper, equo decussum scilicet adolescentem Neapoleonem Stephani Cardinalis nepotem, ad vitam suscitantem. Inaudiunt in exorto ordine, doctrinæ & vitæ sanctitate viros illustres, iam tunc clarescere, quorum partium erat magnâ Dæmoni stragem, Ecclesiæ vero vtilitatem permaximam afferre. Ab ipso summo Pōtifice Honorio III. percipiunt, in Fratres Prædicatorum prolatum elogium, Futuros, scilicet, illos Pugiles Fidei, & vera Mundi Lmina. Tum in amorem Sancti viri, & recens natæ religionis inardescūt. Beatos se putāt, si aliquē Dominici sodalē in Poloniā abducere possent. Obsecrant Patrem non audiuntur. nec. n. tot erant Fratres, vt eorū precibus satisfaceret, præsertim qui idioma gentis calleret nō inueniebatur. A Dominici aspectibus, nescio qua luce perfusus Hyacinthus, Spiritusq; Sancti feruore incalescētus, in medium exilit, togam Prædicatoriam, ab Imperatrice Orbis cœlitus demissam induere, disciplinæq; Dominici se formandum subdere cupit. Valeant ait insulæ, abeant honores, mergantur diuitiæ in profundam abyssum, ne ego ab eis. Mox ille secundo rerum humanarum cursu, ætate, ingenio, nobilitate, gratia, opibus, honoribusque florentissimus, Diuina quadam animi celsitudine, isthæc omnia momento temporis proculcans, mundo nuncium remittit: delicias afflictione corporis, honorum splendorem obscuritate vitæ, diuitias paupertate extrema, libertatem viuendi iugo obedientiæ, insulas quas sperare poterat cucullo religioso, Palatia claustro rigido commutat; Ceslao Fratre, Hermannō Theutone & Henrico Morauo Nobilibus, eodem Spiritu Sancto actis comitatus, ad pedes Dominici accedit, Prædicatorumq; consortio adscribitur, Romæ in Cœnobio S. Sabinæ, Anno salutis Natæ 1219. Pro more Religionis, dum Diuus

B 2 Pater



Pater Dominicus, ei exponeret asperitatem, & austeritatem Nouelli instituti, cui se dedebat, inquireretq; an iisdem legibus viuere, quibus illi, & an eodem rigore se conficere, vt & ceteri cuperet? Incunditate quadam inenarrabili perfusus, verba Patris prauertisse perhibetur. Labores mihi multos obijcis, suscipientur. Molestias multas, deuorabuntur. Austera disciplina mihi delictum erit. Impendet vndique magna tentationum moles, In Dei nomine, sustinendum & abstinendum. Vigilantem me oportebit esse, praesertim supra corporis lubricos motus, In perpetua custodia perstabo. Nec tantillum quidem deijciã oculos a flexu meo: cum his membris, cum hoc corpore quod gero, longam licet & difficilem subire contentionem non detrectabo. Pro decore sempiterno, summa quaque & acerba perferre curabo. Deus autem meus, meos quod spero iuuabit conatus. Ille mihi in rebus incertis consilium, ille auxilium in periculis, ille solatium in aduersitatibus dabit, ille pudicitiam meam hactenus illibatam, a Satanae & carnis titillo, non inuicto tantum praesidio cinget, verum honestatis, & castitatis pulcherrimis muneribus luculentius exornabit; ille pro breuissimis laboribus, pro hoc marcido corporis mei flore, sertum gloriae sempiternum, ex illius splendidissimis paradisi contextum, meo capiti imponet. Ferebatur tunc ingenti gaudio Iuo, quod Hyacinthum florem de mundi sylua in Paradisum praeclarae religionis transfuisset. Laetabatur S. Dominicus, quod sibi talem, & tantum virum, Deus in ornamentum nuperae institutionis transfuisset. Exultabat summus Pontifex Honorius II. qui tunc praesens aderat, quod nouella Dominici plantatio, tali germine venusto florisset. Vniuersi Cardinales, qui Hyacinthum ex virtutibus nouerant, suauitate perfusi Dominico & Hyacintho gratulabantur: Dominicum foelicem dicebant, qui tam illustrem hominem in suam recepisset disciplinam, Religionem, quae Hyacintho Canonico vere Canonico viro, suum auxisset honorem. Hyacinthum, quod Christi amore sanctissimo, vehementer & acriter inflammatus, sic ad studium sanctitatis exarsisset. Iuonem, qui talem nepotem sanguine, disciplina educasset, & Christi nuncijs consecrasset. Parentes, qui Filium eiusmodi mundo prodidissent, Christo & Ecclesiae genuissent.

Adscriptus Religioni Hyacinthus, Tyronem se praebuit indiuisum a latere Diui Dominici. Quocunque se vertebat ille, sequebatur Hyacinthus, oculosq; desigebat mentis & corporis in illum, tanquam in speculum exemplorum virtutis. Felix Doctore, sed & felix indole, cum non leuiter virtutibus Dominici imbuere animum, sed ita moribus & vita expressit, vt altorem suum referret quam simillimè. Nodo inexpliabili imprimis sese cum Deo conglutinare cõtendebat D. Dominicus, vt pote, a quo nexu omnia religionis bona proficiscuntur. In hoc etiam omnes animi neruos Hyacinthus intendebat, vt indissolubili vinculo

se Deo copularet. Quapropter vt & P. Dominicus, nihil eorum vnquā omisit, quæ ad hanc vñionem, siue efficiendam, siue confirmandam, siue ornandam, siue augendam, vel etiam conseruandam conducere visa sunt. Ea est primo puritas animi, quæ puritatis auctori connectit. Quare omni studio nilus est Hyacinthus fugere improbitatem, & purissimam vitam, ei similem, ad cuius se similitudinem contulerat, instituire. Hinc necem sensibus afferebat, domabat quandoque exilientem libidinis motum, enervabat cupiditates, passiones suppressibat, contra omnium rerum mortalium illecebras, in perpetua quadam custodia peruigilabat. Hinc non in illo iracundia, non odium, non libido, non ambitio, non immanitas, non auaritia, non socordia, non aliquod scelus uiuebat. Tam acerbo & immani odio ille prosequabatur flagitium, quoties vt in mentem irrepisset, illam insigni sceleris contagione maculari aestimaret. Hinc statum animi tutum & incolumem, ab omni per turbatione & lubricitate seruabat. Si quid vero vel leuiusculè admisisset, vel omisisset, statim sacra exomologesi, & lachrymis eluebat & expiabat. Multo ille diligentius animum ab omni labe tuebatur, quā qui pretiosis ornatus vestibus, via lutulenta incedens, indumenta ab insper sione cœni immaculata conseruat. Nemo illo extitit in præclara D. Dominici disciplina qui esset in expurganda anima diligentior, & in cerimonijs atque minimis rebus religionis obseruandis vigilantior, & vita incontaminata continetior. Quapropter & puritatē mentis & corporis fere Anglicam affecutus fuisse ab omnibus dicebatur. Quamobrem ab eodem candore, tanta reliquarum virtutum incrementa suscepit, vt in eo potuisset vitæ Cœlestis splendor facilè animaduerti. Omnes illum puritatis vasculum, religionis & probitatis speculum, & exēplar suscipiebant, & quod de alio quodam ferebant, Nunquam mortalis criminis sensit contagium.

## CAPVT SEXTVM.

*Progressus virtutum S. Hyacinthi à voto emissio.*



**C**OPVLVM virtutum esse arrogantiam, didicerat Hyacinthus, a Magistro humilitatis Diuo Dominico. Quam ob rē ab ea sibi primū cauere, eādemq; fugere decreuit. Fundamentum earundem esse modestiam in sensu, seu humilitatem nouerat. igitur ab ea sibi non discedendum putauit, quippe quod propter illā Deus ab homine recedit, propter hanc accedit. Humilia respicit, & alta a longe cognoscit, & habet. Huius gradum primum incendit Hyacinthus. De se nil sentire. Demirabatur & attollebat illum homines, ob virtutis fastigium. Alterum dementas-

sens

senar laudationibus & titulis, Hyacinthum minimè. Ita ille ad se. Quid habes, quod non a supremo Bono tulisti? Si tulisti, cur alieno, sibi mutuato dono vanus & tumidus incedis? Ille dedit ornamenta, & nisi refers ad eum, aufert, Deinde. Qui introrsum & apud te sis, cogita. Lubricus, labilis, & minimum constans. Consistis in gratia? Potes deijci. Non peccas? Potes aberrare. Qui stat, ne cadat, attendat. Quod altum, hoc opportunum ad casum. Luciferum cogita, Adamum inspice, Apostolum & Apostolos meditare. Ad tuendam gratiam Diuinam, alia gratia opus est. Ad alterum gradū humilitatis se demisit Hyacinthus. Vilis & abiectus audire. Adblādiebant & laudabant homines. Peccatorem ille se, & in domo Dei contemptissimum verbo, re demonstrabat. Tertium proxime se abiecit gradum Hyacinthus. Vilibus obsequijs, & personis mancipari. Quæ in Cænobio viliora officia, obibat, qui deiectiones ibidem, maiori seruitute illos sibi deuinciebat. Quo sanctior, eo vilius se deijciebat.

Sapientia quoque illa est, quæ mortales sapientissimo Deo adglutinat. Sapientiæ munus est Deum semper intueri, & illius speciem atque pulchritudinem admirari. Hinc amare, inde imitari. Libenter eorum mores effingimus, quos diligimus. Imitatio autem similitudinem Diuinæ mentis in hominis mente inducit. Similitudo vero amorem gignit, amor amantes nexu potenti innectit. Fortis ut mors dilectio. Ut mors animam a corpore, ita animum ab anima & a rebus caducis dilectio Dei auellit, ut a terris abstractam Diuinis amplexibus adiungat. His duobus aureis funiculis Sapientiæ scilicet charitatis, Christo se obligabat Hyacinthus. Sapientiæ quidem, dum vmbris rerum terrenarum discussis, Orbis cælorum mente transcendebat, & ad maiestatis thronum procedens speculum illud admirabile Deum opt. lumine inaccessio splendens, in extasi positus mirabatur. Præter tria illa fulgentissima lumina, in vno lumine corruscantia, etiam in salutis nostræ Oeconomiam oculos conijciebat, & magnitudine mysteriorum obrutus, sensibus oppressis obstupescere super indicibili consilio Dei de salute humana. Mox in intimos secessus cordis Christi Saluatoris nostri penetrabat, inque illis preciosis quinque vulneribus amorem immensum, patientiam a sæculis inauditam, inuictum animum, profundam humilitatem, puritatem immaculatam, contemplabatur. Ibidem considerabat quomodo inestimabili cruore Filij Dei, mundi maculæ elutæ, animi a tyranni de liberati, mortales ad libertatem euecti; quomodo legis vmbræ euenerunt, peccati vires fractæ, Regnum mortis excisum, monstra feritatis excisa, iustitiæ cælestis ratio constituta, thesauri ex corde Iesu profusi, aditus in Cælum patefactus. Et dū has species suæ Theologiæ voluebat, reflexo mentis radio in se quoque oculos conijciebat, & in se Diuina etiam hæc munera collata e latere Iesu Christi esse conspiciens, a quo

quo amore tunc rapiebatur? quoque ardore incensus exarsuabat? Ad se ab extasi reuersus, quæ Propassio illi fere quotidiana fuerat, prouoluebat se ad pedes imaginis Christi in Cruce suffixi, & lachrymis irrorâs pijsimis vulnera illius, grates immensas Saluatori Deo ferebat, quod ille quoque a vinculis horrendæ mortis, & a teterrimi Dæmonis faucibus propter mortem & crucem eius erutus esset, quod ille quoque vitâ, lucem, salutem, honestatis sempiternæ decus, baptismi signaculum, innocentiam olim ereptam, puritatem mentis, gratiæ Diuinæ splendorē, virtutum eximiam pulchritudinem, thesauros inestimabiles & latere eiusdem Iesu Christi crucifixi recepisset, & inde reciduo animi languore, in immensa illa abyssu vulnerum Christi sese denuo immergebat, glutino perpeti nexum Saluatoris concupiscens. Ex eo charitatis fonte procedit, vt ea inflammatus homo, illud etiam dicat. Ego dilecto meo, & ad me conuersio illius, vt scilicet homo nihil aliud animo voluat, quam vt Deus ex conuersione superadmiranda Panis & vini, in verum Corpus sanguinemq; ipsius transubstantiatus, animæ præsto sit. Nimirum quia Diuinum cum hominibus consortium, si quid aliud, efficit magis certe frequentissimus Sacramenti Eucharistiæ vsus. Qui enim manducat carnem meam, aiebat Saluator, & bibit meum sanguinem, in me manet, & ego in eo. Quocirca Hyacintho nihil magis consuetum fuit, quam Cœlestia frequentare mysteria. Quocunque ille iret, singulis diebus ipse sacrificare solebat. Pietate animi, Diuini numinis reuerentia, lachrymis ex dolore cruciatus & mortis Christi, imo & singultibus tantis, vt non possit exprimi. Deplorabat ibi, non sua tantum, sed & orbis vniuersi peccata; ibi pro incolumitate multorum, pro Ecclesiæ conseruatione, pro Fidei augmento, principum concordia, inimicorum Crucis Christi extirpatione, pro conuersione infidelium, pro suæ religionis felicissimo incremento, votis ardentissimis exposulabat. Ibi pretiosam illam olim cruentam Dei in cruce pendentis hostiam, Deo in aspectum ponebat. Quo tandem optatis potiretur, vincula, sputamina, alapas, flagella, spineam coronam, arundines, Crucem abiectam, clauos acutos, dicam lanceam, felleum poculum, opprobria, conuicia, blasphemias, dolores, vibices, vulnera, acerbissimam deinde mortem Saluatoris, Diuinis aspectibus præsentabat, & quasi pro iure suo contēdebat, si Deus Pater filium suum sibi cœqualem, tot & tanta perpessum agnosceret, si illum amore prosequeretur; si olim eum in mortem pro peccatoribus tradidisset, ne tantos illum labores, tantamque ignominiam frustra subiisse, neue tantum sanguinis eum profudisse, aut mortem in vanum pertulisse pateretur. Sæpe dum verendis altaribus adisteret Sacra faciens, in spiritu rapiebatur, fiebatq; extra se præ dulcedine suauitatis, quam ex Sanctissimo salutis edulio perſentiebat. Diceret vt etiam suo iure. Viuo ego, iam non ego, viuut in me Christus. Sum

ego,

ego, non ego, est in me Saluator meus Christus. Tales igitur progressus fecit virtutis Hyacinthus, vt in Tyrocinio Dominicum, a voto autē emissio Christum ipsum retulerit; prodigio propter id fuit vniuersis in vrbe S. Patriarchæ, Cardinalibus, & summo Antistiti.

## CAPVT SEPTIMVM.

*Repedat Sanctus Hyacinthus in Poloniam, a S. Patre Dominico dimissus ex Vrbe.*



**R**EFVNCTVM se satis suo munere iam arbitrabatur Diuus Patriarcha Dominicus in Hyacintho erudiendo. Votis igitur illius in solemni Professione auditis, hortatur, se vt itineri accingat, in Patriam reuersurus, Pietatisq; & Religionis a se haultæ semina sparsurus. A suaui conuersatione paterna, non difficulter se auelli passus est, memor, quia Diuinum numen, non ad contemplationis tantum, sed & ad actionis præclara munera obeunda illum vocasset. Quam ob rem magno animi robore concepto, parat in propitio Dei nomine confidens, parat mentem monitis, pedes itineri. Hinc summi Pontificis Honorij III. & Sancti Patris Dominici Benedictione & mandatis acceptis, Roma discessit, Celsio, Hermanno & Henrico indiuiduis Comitibus sibi adiunctis. Astuabat ille adeo flagranti desiderio, solitudinēq; quantocius officij iniuncti exequendi; vt nullum quietis aut consolationis genus admittere vnuquam posset, nisi se videret, extorquentem homines, e faucibus infamientis mundi & inferni, adq; Sanctitatis culmen, ipsumq; Cælorum regiam, magno labore euehentem. Futurus igitur in gentem multam, & magnā, peragrata ea Italię parte, quæ patet Roma in Germanos iter habenti, visitatisq; Bononiensibus, apud quos lauream Doctoris Theologiae, & I. V. obtinuerat, Germaniam paucis interpositis diebus ingressus est. Qua transibat, nulla Ecclesia vel locus sacro aliquo symbolo insignitus erat, quem genuflexo non veneraretur, in eoq; orationes deuotas non iacularetur. Sacra quotidie, vbi se comoditas Ecclesiæ precebat, pro salubritate quorum hospitio vsus est, & quorum fines terebat, offerrebat. Verbum Dei, auidam aurem porrigentibus populis illis; ingenti cum fructu enunciabat, subsequētibulq; miraculis pro beneficio credentium confirmabat. Iam Oppido Frisacensi, apud Carinthios celebri, propinquabat. Fama factorum Hyacinthi oppidani excitati, omnes confertim, indistinctis agminibus obuiam ei prodeunt, & aspectu illius omni norma sanctitatis exornato, mirum in modum oblectati, aduentum gratulantur, & ad proprios lares vnus præ alio inuitant. Hæsit illic eo vespere Hyacinthus, & summo mane, licet itin-

ris

ris molestia atq; laboribus defatigatus esset, ab iniuncto tamen munere sese continere non potuit. Suggestum in media ciuitate (Ecclesia nō capiebat homines concurrentes) collocatum cōscendit. & illic prunas ardentes verbi Dei spargere exorsus, tantum frigida illa corda inflāmauit, vt viderentur repente studio pietatis incensi Frisacenses, de terrenis celestes euadisse. Omnes prorsus peccatorum suorum sordes coram illo expurgare contendebant; alij à contagijs mundi huius sese explicare, secularibusq; resignare curis, diuitias à se reicere, voluptates praeicere, & celestem inire viuendi rationem nitebantur. Plurimi eorum Hyacintho amplissimas facultates, siue in pauperum distributionem, siue in Ecclesie & cœnobij nouam structuram p̄tosebant: nonnulli sanguine etiam illusterrimo nati, sp̄etis omnibus mundi illecebris, oblectationibusq; carnis abdicatis, tetras linquentes se illius consortio adiungebant, atque ab eius disciplina, ad sup̄ream Christi philosophiam, & hinc ad cœlitum conuersationem, totis animis prouehi exoptabant.

Erat necessum, vt Hyacinthus semestri spatio temporis apud eos comoraretur. Fœlices illius fuērunt labores. Nam eō tempore Ecclesiam siue magnitudine, siue ornatu ædificij insignem, conuentumq; amplissimum, in quo inq̄ueri Fratres qui suauis illius se religioni addixerant, celesti dogmate instruebantur, ex piorum eleemosynis erexit. Inter hos ac cepit discipulos, Beatum Huricum extaticum, in orationibus, Beatum Helgherum Comitens, Illustrissima familia ortum, non multo post Priorē eiusdem Conuentus, & Beatum Conradum Frisacensem, multis miraculis clarum, qui & tres mortuos, dum viueret, ope Diuina inuocata, vitā reddidit.

Postquam igitur Frisacenses ad meliorem frugē reduxisset, prouinctaq; Theutonice inuicem iecisset, non illius tantum loci angustis mēijs, suos circumscribere labores iudicans, Cracouiam properare instituerat. Illic Frisacenses, vehementiori iam vinculo eidem deuincti obsecrabant, ne illos deferere velit. At ille vniuersis gentibus quæ orientem Solem, & septem gelidos Triones versus incolant, se institutum Apostolum ratus, literisq; luonis patruū indies, transmissis euocatus, se diutius apud eos detineri non posse obtestabatur.

Ne tamen instructam illam religiosorum cohortem, sine p̄sidio destitueret, pro parte sua reliquit eisdem Scium & condiscipulum suum Beatum Hermannum Theutonem, illum qui & à vulnere Saluatoris nostri, & ab vberē intemeratæ Matris ipsius, frequenter delictabatur.

Ipse Cellar & Henrici, septus comitatu per Styriam, Austriam, Morauiam, & Silesiam repedans Viennæ, Olomucij, Opauic, Ratiborg, doctina & sanctitatis iagentia specimina dabat. Ciuitatibus illis, & alijs in itinere obuijs populis, publice & priuatim magno cum emolumento cunctorum, insigniq; ad Deum conuersione verbum Dei disseminabat.

C

Fructus

Fructus itineratij laboris Hyacinthi, indicium est illustris Conuentus Viennæ Aultriæ, quem Proceres oræ illius, in amorem Religionis prædicatione Hyacinthi recens incensæ, pietatis suæ testimonium proflare voluerunt. Indiciu & Conuentus olim amplissimus Olomuceñ. quæ Venceslaus Rex Bohemorum, & Otocarus eius Filius, deinde Præsul & ciues tunc Religiosissimi, illi Regalis munificentia, Pastoralis vigilantie, hi autem cultus sui in Deu, à Hyacintho admoniti, perpetuitati consecrarunt. Indiciu & Ratborienfis Sancti Iacobi Conuentus, qui vt sua quoque ætate, à pietissimis illis Principibus Vladislao, & Miescone ædificaretur, memoria factorum suorum, memoriæ illorum tunc cum eis agebat impetita, plurimum effecit. Indicio sunt & alia Silesiæ amplissima dudum monasteria, ob prædicationes Hyacinthi feruentissimas, famamq; sancti monia cito rerum internuncio diffusam, à beneficentia Ducum, & aliorum Christifidelium excitata, dicata & dotata Religioni, nuperæ Prædicatorum.

## CAPVT OCTAVVM.

*Cracouiam ingreditur Sanctus Hyacinthus, Religionis prædicatoria in Septentrione amplificanda gratia.*



NON tam solet esse grata Cynosura naufragio iactatis, quàm Hyacinthi præsentia Cracouiensium ciuitati, nec tã anhelans ceruus laticem aquæ fluentis, quam Hyacinthus suorum Sarmatarum salutem expetiit. In magno isto ardore animi perseverans, videbatur sibi iam incutere terrorem demoni, iam infestæ acies Principis mundi tenebrarum harum in suos confertas dirimere, rabiem & impetum bestia illius immanis iam restringere, inuictosq; atq; animoso certamine, non modo terribilissimum hostem, sed & loca, & tempora, iam iam violentus vrgere. Cracouiam igitur aduenienti, suo patruus Episcopus Cracouiensis, cleri & populi multitudinem inueniens effusa circumdatus obuiam processit, consalutauit, honorifici ritui excepit, & longo ordine exporrecto clero præeunte, exoptatæ ciuitati reddidit. Nemo potest sermone consequi, reconditos sensus iubilationum, quas Hyacinthus ex oblata sibi occasione, iamdiu cupita de Ecclesia benemerendi percipiebat, neq; ardores explicare flagrantium animorum, aut gaudia non humanitus degustata, sed inclusa diuinitus in Cracouiensium pectoribus, ex conspectibus Hyacinthi. Ibi exultabat Hyacinthus, quod in locum destinatum venisset, ubi cõstitutam Prouinciam non impiger aggredederetur, popularesq; suos, assiduus concionibus, & cõspiciu moru in integritate, ab impia flagitiorum tyrannide vindicaret. Cracouiense s autem summo studio suffundebantur, quod viri consuetudine

digne

dine essent fruituri, cuius egregiam sanctitatem, olim sibi ab eius admiranda indole cognitam, nouis accessionibus ex contubernio Apostolici viri auctam, ob oculos iam positam intuebantur. Quamobrem iussu Episcopi Iuonis patruī, tantisper dum clerus ab Ecclesia Parochiali Sanctissimæ Trinitatis, ad augustam illam Diuæ Deiparæ transferretur, in ædícula lignea, ad humile oratorium vnâ cum socijs in aula ipsius diuertens, expectationi omnium de se conceptæ, facere enisus est. Et quia Prædicatorum Religionis se esse alumnum, à magno Prædicatore Dominico, dicendi artibus instructum profitebatur, ab eo officio cum primis præclaro, tum Ecclesiæ Dei præ alijs vtiliori orsus est. In æde igitur maiore, caput cathedralem vocant, concionatoris munere sibi iniuncto, pietatem quæ accendere pietate, torpidos expergefaceret, demoliri toto cardine vitia, atque corruptelas, adamantinam pectorem duritiem emollire, corporis & animorum castimoniam, iustitiæ cultum, abnegationem sui ipsius, ceteraq; omnia Christianæ fidei ornamenta, quæ fraude sua perniciosâ, nequissimus animarum hostis extinxerat aut obscurarat, non interruptis concionibus feruentissimo spiritu disseminare incepit. Adhærebant latèri dicentis, numerosissimi conuentus ciuium, nobilium & plebeiorum, mellitis eius declamationibus recreati, quæ non in persuaasibilibus humanæ sapientiæ verbis, sed in ostensione spiritus & virtutis, ita manabant ab ore ipsius, vt cuiuscunq; cor lapideum licet, vel frons licet ferrea trāsuerberassent, abdita quadam energia liquefacerent, atq; ad Diuinæ suscipiendas formas virtutis mollescerent & disponerent. Erat enim ignitum eloquium eius vehementer, quo dum concionaretur, gratiam, & feruorem in auscultantes talem & tantam diffundebat, vt viri feminæq; sapius & conditionis obliti, in alteros dixerim pone Angelos terrestres mutarentur: & quod ab igne ferrum, in alienam quasi formam, hoc illi à Hyacinthi feruore, in Diuinæ participium naturæ transibant. Bolelaus Pudicum cum vxore Kunegunda, Principes Poloniæ, in ipso ætatis æstu in eam impulit mentem, vt voto concepto castimoniæ illibata, toto illo tempore, quo simul vixerunt, præter amorem virgineum & honorem intemeratum, sibi deuinciebantur mutuo, ne impudicis quidē oculis se contuerentur, non modo officium matrimonij ab inuicem non exigerent. Eam ob laudem virginitatis, Bolelaus Pudici cognomen affectus est. Nec eos modo, sed & plures alios, qui mundo hunc remittentes, in eius se consortium ascribi flagitabant, ad sanctimoniæ perfectioris fastigia euexit, vsquedum in illa lignea edicula diuersaretur. Eius primitiæ censentur esse, F. Hieronymus B. Cellao Pragæ eunti adiunctus cum Henrico Morauo socius, & primus ab eodem Prioris officio in conuentu Pragensi defungēs. Frater quoq; Benedictus, F. Florianus, & F. Godinus, quos peregrinationis suæ voluit esse comites. Plurimi quoq; alij verbo & exemplo Hyacinthi pellicia, Religioni nouella nomina dabat,



in illo licet pauperrimo tugurio, ita vt Hyacinthus non exiguo Fratrum numero Deo & Ordini acquisito, Ecclesiam SS. Trinitatis sibi ab Inone Episcopo, & vniuerso clero collaudante Lesco Principe, Religioniq; dicatam, primo solenniter ingrederetur. Anno salutis 1223. ipso die Annunciationis sacro. Quo ingressus spectaculo, tantum in animis hominū excitauit Religionis studium, vt omnes simul se felices faterentur, qui eiuscemodi instituti viros quandoq; contueri mererentur, alij vero mora omni abiecta, ad pedes Hyacinthi aduolarent, eiusdem Religionis albo se indigetari flagitantes. Nec modo populares, sed & exteri quoque. Aderat huic festiuitati Gregorius Crescentius S.R. Ecclesie Cardinalis, Legatus à Latere Scdis Apostolicæ. Inter eius aulæ primarios viros fuit Iacobus quidam ciuis Romanus Legum interpres & Doctor, Cardinali à secretis Consilijs. Is amore Religionis correptus, & Hyacinthi, aliorumq; Fratrum deuota pietate, moræ impatiens, è medio suorum exiliū, à Hyacintho nunc nunc habitum prædicatorum precibus extorquens. Miratur & auct Legatus Cardinalis, tantam viri mutationem. Stupet Princeps & Iuo, Diuinam subitam motionem. Illachrymantur tandem omnes ad piam continentiam, dum Hyacinthus differret, iste autem vgeret, & pia importunitate vi quadam è manibus Hyacinthi erepta prædicatoria toga, vinceret; fieretq; vt Polonia daret Romæ Hyacinthum, Roma Polonia Iacobum, dignum cui cura Patronæ paucis post annis, grauissimaq; negocia Paganorum & Scismaticorum, ac perinde Ecclesie, à Gregorio IX. Pontifice Maximo, delegaretur, de quib. alio in loco.

Cap. 2. in  
Propag.

### C A P I T U L U M N O N V M.

#### Ratio viuendi Sancti Hyacinthi in Polonia.



**A**D illud autem Diuinum præscriptum, normam viuendi per totam vitam dirigebat, quod est apud Vatem: In die mandauit Dominus misericordiam suam, & nocte canticū eius: videlicet, noctem Deo, diem Ecclesie illam contemplationi, hanc actioni: hanc proximorum, illam suæ salutis impendere curabat. Noctes fere, omnes, sine domi, sine foris, integras Deo dicebat: pro cubiculo Ecclesia, vel oratorio, & ubi illud in itinere deerat, cubiculo pro Ecclesia, & lapide supposito capiti, pro molliissimo cervicali utebatur. In oratione pernox. Tanto siquidem eius desiderio flagrabat, vt nativitatē suam & necessitatē ipsam obliuisci videretur: præter diurnum nocturnumq; officium, & præter omnes preces, à cōmuni consortio Fratrum adiectas, nunc poplite flexo, nunc prostrato in terram ad modum Crucis corpore, nunc panis ad cælum manibus, modo imagine aliqua pia, vel Saluatoris in Cruce defixi, vel Dei participium lactēis

correcta

Correpta & puro affectu excolata, nec semel lachrymis perfusa, modo etiam mente ad sublimia per raptum absorpta, colloquio Diuino se immiscebat. Si quando vero naturæ necessitas, lassum & pene emortuum somno languentia membra reficere cogebat, non molles plumas, aut stratos lectos exquirebat: sed cum Iacobo Patriarcha peregrinū se censens, super nudam humum paululum declinabat, vel stans innixus altari, aut reclinis ad parietem modicum quid somni delibabat. Corpore aliquantulum soporascens, mente vigilabat: & in somnis quoque; conspiciebat Deum altissimum supremo gradui innoxium: à quo, cum sponsa, nunc la uam sibi supponi manum præcabatur, nunc etiam dextera amplexus optabat: dulcissimasque; carpebat delicias, in leuissimo illo somno, ex vnione ineffabili cū Deo promanantes. Porro corpori euigilando domandoque; præter ieiunandi consuetudinē, ex qua singulis diebus detrahebat quantum poterat de cibo, & ex qua singulas ferias, quibus Dominicæ passionis memoria colitur, & Sanctissimæ Virginis, Apostolorumque; vigiliis, pane & aqua tantum vitam vix ægre tolerabat: cilicium asperissimum ad mortem usque; delatum adhibebat: catena ferrea ut plurimum, vel tunc nodis quibusdam inflexo, ad sanguinis usque; profusionem, verberibus, singulis noctibus trina vice se pene enecabat. Quoties ille non tantum; lachrymis, sed sanguine proprio abunde profuso locū orationis & quietis suo in Ecclesia irrigabat: ita ille motus carnis primebat; sic pro peccatoribus, pro animabus purgatorij ignis cruciatibus addictis, pro Ecclesiæ incrementō, pro dilatatione Ordinis, pro idololatrarū conuersione Deū fatigabat. Et hac maceratione corporis per inediam, insomnia, & disciplinarum atrocitatem, simulachrum potius hominis dicebatur quam homo. Sic erat macilentō vultu, & exeso corpore, Luridam eius imaginē, ad viuū expressam ex antiquiori prothocolo, Gregorio XIII. Pont. Max. munusculi loco obtulerat Orator Serenissimi Regis Poloniæ Stanislaus Minscius, vir perennilaude dignus. Eam ut ille aspexit, ex lineamentis externe effigatis internas animi olim vigentis in corpore coloribus præsentato, deprehendens, caput, ad idem aspectum aperuisse, mox genua flexisse, supplexque; Sanctum adorasse fertur: hoc expresso elogio. Vere Sancti hominis facies est. Orationi & contemplationi eidem, comites esse volebat, alias virtutes, nempe castimoniam corporis & mentis, quam vtrāque; inlibatam ad usque; mortem seruauit: paupertatem spiritus & corporis: lectulum enim proprium non possidebat: fortitudinē in rebus arduis, patientiam in aduersis, moderationē in secundis, discretionem spirituum, humilitatē demissam, ceteraque; animi ornamenta, quæ in Diuo Patriarcha Dominico impressa viderat. Actionem autem dei, nihil contemplatio nocturna impediēbat. Quod enim de animalibus Sanctis dicitur: Ibant & reuertebantur, in similitudinē fulguris coruscantis; hoc de Hyacintho verum erat. Ad intima ille contemplationis reuertebatur.

batur repente sicut fulgur, postquā die toto summa animi alacritate prædijisset foras ad proximos. Quos concionibus ardentissimis, admonitionibusq; priuatis, ad virtutem impellebat.

Hinc assiduus in sacrificijs singulis diebus offerēdis, frequens in administratione Sacramenti Penitentiae, acer in reprehendendis vitijs, totus in concionibus, & in salute hominū omnibus modis curanda fuerat. Accurrebant ad illum peccatorum pondere obruti & subleuabatur. Desperabundi & solabatur. Præsumētes & reprimebat. Timidi & illachrymabatur. Torpentes & excitabat. Adducebantur, cæci, claudi, diuexati à demoniis pellebat, erigebat, illuminabat, febricitantes, paralytici, vel desperatis laborantes morbis, ferebantur & curabat, grabbathum tollere iubebat, sanitati pristina restituebat. Si parietes Ecclesiæ Cracouiensis, imo & vniuersa Polonia dicere posset: innumeros in theatrum laudis Hyacinthi produceret, à Hyacintho benefico, misericordiam consecutos. Innumeri fuerunt, per id temporis, à quorum corporibus morbos & demones depulerat Hyacinthus intercessione sua. Totos dies consecrarat misericordiae proximorum, ut noctes orationi & contemplationi Diuinæ. Principuo autem cultu Beatissimam Virginem Deiparam Mariam venerabatur, inq; opificio miraculorū ipsam sibi esse præsentem deposebat: quā scilicet sciebat miraculorum esse officinam, cui natura ipsa cedere compellitur. Cum hac tanta ei familiaritas inerat, ut frequentissime in oratione illi appareret. Tanta vero fiducia in eius beneficia nullum ut beneficium per eius suffragia peteret, quod non illico obtineret: nulla res ardua, sit etiam morbis in aliquem latum imperium, quam ille ope Diuinæ, per Diuam Virginem impetrata non tentaret, non patrarer. Ex his, quæ sequuntur paucis miraculis coniecit.

## C A P V T D E C I M V M

### Sanctus Hyacinthus suscitatur mortuos.



**M**OYSI Prophetæ, noua legatione à Dei latere, apud Aegyptios & suos populares fungenti, Deus addidit thesseram, qua certo Dei Nuncius esse ab omnibus suspiceretur & haberetur. Ea erat, miraculorum opificium. Hanc & suis Apostolis & Apostolicis viris, Christus pollicitus est. Signa, inquit, inquit, eos qui crediderint, hæc sequentur. Linguis loquentur nouis, serpentes tollent, demones ejicient, si quid mortiferum biberint, non eis nocebit. Et, Qui me credit, hæc quæ ego operor miranda facimora, imo & maiora horum faciet. Non defuit eadem virtus Hyacintho, quin & ei mulatiore mensura, super plerosq; illi collata fuit. Quam in mortem quoq; ipsam, exercebat aliquoties dum viueret; & in primis quidē, in Pe-

tri Prossouienſis cadauere extincto. Ex ea quam conſtantiffime tenuit vi uendi ratione, fama illius ſanctitatis, apud omnes circumuicinos eſſe in ore frequens cepit. Hinc beatos ſe putabant, quicumq; illum vel concionantē audire, vel auri ipſius archana cordis ſui dare, vel pietatis aliquod exemplū videre ab eo poſſent. Per id tempus quo Cracouiæ hæſerat, excurrere ad proximiores oppidanos & nobiles Paganos, omnibus, præſertim vero rudioribus & ſimplicioribus, ſe Doctorem impendere cupiēs. In regitu à quodam Pago Cracouiā, propter inſtantem proximè ſolennitatem S. Stanislai martyris, in littore Vandali, offendit innumerā multitudinem populi, ad ſpectaculum obuerſam, & funus parātem, extincto aquis iuueni Petro Proſſouienſi. Prodit è medio illorum Falſſaua, mater adoleſcentis, nobilis, & vlulatibus omnia cōplens femineis, prouoluitur ad pedes Hyacinthi. Orat ſupplex & gemens, velit afflicta ſuccurrere, & vnicui ſilium ſuū, baculum ſeneſcæ ſuæ, & vnicui leuamen curarū, pie antecedente aquis obrutum, in littore mortuum iacentē, precibus Deo porrectis, in vitam reuocare. Qua erat exreſtuans charitate Hyacinthus, miſeratus eſt miſeræ matris. Mox fide in Deum viuida elata, in oratione ſe proſtrauit, lachrymas ſeorſum abunde profudit, obſecrans vitam & necis auctorem, dignetur in exanime cadauer animam redire, vitamq; ſeſum, & ſpiritus officia vſui eſſe. Deinde ſpe maxima concepta, ad turgidum corpus accedit, & manu illius exangui apprehenſa, ita mortuū compellat, Petre, Dominus noſter Ieſus Chriſtus, cuius ego veram gloriā depredico, qui Lazarum iam in ſepulchro male olentem excitauit, atque à ſepulchralibus faſcijs, prodire in libertatē iuſſit viuorum, per interceſſionem Beatæ Virginis Matris ſuæ, te in priſtinam vitam reſtituat, in cuius nomine, ego indignus & humilis, tibi præcipio: Surge & ambula. Adfuit illico ad inuocationem ſacrati nominis, & ad mandata Hyacinthi, animā, in Petri cadauer iterū reſſeſſa. Viuens ille, à terra ſe in pedes erexit. Deo, & Sacroſanctæ Deiparæ, Sanctoq; Hyacintho ſummas grates habuit, cunctis ſtupentibus, & Deum in Hyacintho depredicantibus.

Altera quoq; vice, eandem poteſtatē in mortē quoq; uſurpauit S. Hyacinthus, in Viſſao adoleſcente, itidem aquarum vorticibus demerſo. Pribiſſauia Nobilis, ſanctitate, doctrina & virtute Hyacinthi iā olim cognita, deſiderauit, vt pro feſto S. Iacobi Apoſtoli; Titulari Eccleſiæ Villæ Sermiki, cui illa præerat, præſens illic adeſſet, verba ad populū facturū, & ſacra confeſſione noxas multorum expiaturus. Filiū ergo vnicui Viſſaum, adiuncto ei comite armigero, Cracouiā deſtinat, qui Hyacinthum ad ſolennitatem inuitaret: Pergunt ambo: adq; fluuium ex altiſſimis montibus profluentem, Raba incolis dictum, tunc aquis excreſcentem è pluuiſo cælo, accedunt. Vado tranſire ſe putant, periculumq; faciunt. Dum in medio amne ſunt, equus Viſſai à pernici aquarum impetu autare, mox & mergi cepit, & Viſſaum incautum tergo deiſcit. Labitur ille in

le in aquas & obruitur. Famulo nequicquam opem ferente, sed vt poterat in litus euadente. Triste nunciū fert Pribislauiā, quæ in lamenta prorens, ad Sanctum Hyacinthum vocandum, alios vadorum & nandi peritos mittit: mittit & in fluctibus quæsitum filiolum piscatores aliquot, qui harpate scrutentur, & in altum trahant exanime cadauer. Adest Hyacinthus, & cum nusquā ex aquis corpus appareret, nec inueniretur, in occursum dolentis matris, ac totius populi, Diuino implorato Numine, fiducia ingenti, imperat flumini, corpus absorptum vt illico redderet. Mirandū, & quod humanam fidem excedere videtur. Ad nutum illius, mox ē profundo vortice, innata mole sua graue cadauer, atq; ad ripam, nemine impellente aut trahente accedit. Ibi Hyacinthus vir Dei, in genua prostratus, ad aliud miraculum patrandum fide sultus se accingit. Turgenti aquis cadaueri, ex flumine extracto imperat. Fili Vislæ, Dominus Iesus Christus, cui omnia viuunt, ipse te viuificet: & ego quoq; præcipio tibi: Viue, surge & ambula. Ad quæ verba prolata, statim, qui erat mortuus, vitali spiritu resumpto, ad oscula pedū Hyacinthi surrexit, & ambulauit. Magnum erat Helisæo Vati, securis ferrum in Iordane mersum, ad manubrium, quasi vi magnetis occulta, Diuino posse trahere. Ingens facinus ausus est, & S. Dominicus, qui aquis obrutos quosdam, ē vasto gurgite aquarum in lucem prodire iussit. Et illud quoq; excellit, quod nutu Diuino, Ionas tridui spatio, in ventre ceti detrusus, à binæ mortis faucibus, ad Niniuæum litus, sanus est eiectus. Sed & hoc non minoris fuit argumentum fidei, quod Hyacinthus in Vislao patrauit. doctus assequi paternam fidem, doctus & miserari miseris.

## CAPVT VNDECIMVM.

*Sanctus Hyacinthus cæcos illuminat, & demones pellit.*



**D**IUINITATIS etiam Christi Dei, illud non postremū fuit documentum, quod cæcum à natiuitate illuminaret: Sanctitatis igitur non vulgaris Diui Hyacinthi eximium fuerit testimonium, hac in re excelluisse. Die quadam Sancto Stanislaō Episcopo & Martyri Cracouiensi Sacra, ad eadem Maiorem ciuitatis in arce sitam, properabat Hyacinthus, in laudē Martyris inclity pro concione dicturus. Ad montis ex quo arx insignis prominet, radicem, præstolata illum Vitoslāua Nobilis Matrōna, it ei obuiā: misera, ducens secum gemellos iam septē annos natos, sed, vtroq; lumine cæcos: Miserere, ait, dolentis, tu qui misericordiæ viscera gestas. Præstabat illos vteri tenebris conclusos, quam partu effuso ad lucem, cæcos fuisse. Grande sibi opus scio, dare visum cæco: at qui vitam mortuis tulisti, feres & istis tenebricosis opratum lumen. Fide solida te esse no-

ui,

ui, quam mundo innumeris facinoribus prodidisti. Modo ne despexeris ancillam plorantem, & mortuos istos iu viuo corpore, non sine præcordiorum cruciatibus, in horas respicientem. Quid enim viuos dixerim cæcos: qui quod præcipuū est vitæ sensilis munus, non obeunt? Hyacinthus quid faceret tunc non multum cogitabat. Ex quo affulsit illi species eius cæci, quæ Christus factō luto ex spūto illuminarat, lotura piscinæ Siloe: sibi quoq; id non fore factu impossibile ratus, orationem ex imo pectore fundit. Deus de Deo, lux vera de vero lumine, qui in hunc mūdū luminis tui diffundendi gratia aduenisti, quiq; non animarum solum nostrarum, sed & corporis quorundam tenebras discussisti, adesse propitius dignare his pusionibus cæcis. Ab oratione postmodū confurgens, præsidio fidei fultus, Crucis signum, vtriusq; oculis imprimit: In nomine, ait, Iesu Christi, qui est lux cæcorum, vos ambos iubeo videre. Illuminamini, aspice, & diuinam in vos gratiam agnoscentes glorificate. Illustrantur, clare aspiciunt, inq; laudes Deo concinnendas, populos innumeros ad celebritatem cocentes permouent. Præclarum erat illud supremæ virtutis symbolum, in veteri Testamento, cum Tobix senioris oculi ex hirundinis extremēto albugine obducti, multoq; tempore vsura lucis destituti, illito collyrio felleo, ab Angelo Raphaelē illustrarentur. Hæreo, an forte maius fuerit Hyacinthi opus istud stupendum. Nam quis scit, naturali ne vigore piscis illius fel acidum, albuginem oculorum Tobix absterferit? lucisq; vsum denuo concesserit abdita aliqua medela? Hyacinthus nihil tale admouet. Non piscem quærit Euphratæum, non collyrium cōponit, non pharmacā miscet; sola fiducia nixus, Crucis imagine obiecta, vtrumq; vtroq; oculo cæcū non sine admiratione illuminat. Et Raphael quidem Tobiam, aliquando oculorum vsu vigentem, sed tunc ex obducta albugine cæcutientem, sanauit. Hyacinthus autem à nascitura ipsa ex cæco matris ventrē, cæcos prodeuntes, & toto septennio nihil iniquā videntes, lumine donauit. Hæc gemellorum illuminatio, portendebat, Hyacinthum potentissimum fore contra Principes tenebrarum, quorum ea est cura præcipua, crassam caliginem erroris mortalium animis inducere. Faciūt id in eis quos Diuina permissione obsederūt. Hi enim, quod sæpe videmus, ita mente capti solent esse, vix vt aliquis alius vel Gētilis, vel hæresi abominanda imbutus, tantas in Deum blasphemias, & in Sanctos Dei iniurias impio ore euomat, quantas à dæmone obsessi proferre solent, animo illorum cæcitate percusso. Quā ob rem & in eos quoq; potestātē Hyacinthus accepit. Taceo quod illos spiritualiter pepulit à plurimorum mentibus; dum multos in tenebras dirissimas idololatriæ coniectos, & in pestis sempiternæ regionem detrusos, Verbi Dei splendore collustrauit: quamq; horribilia essent illa monstra erroris animo concepta, eis declarauit. Et illud prætereo, quod è lucis, delubris, statuis, in quibus sitim suam insinuat, hominum strage & interneccione perpetua explebat,

D

plebat, profligauit: neq; illam victoriam nunc percensco, quam de eodē Satana in specie hominis in medio fluminis apparentis tulit, dum in spiritu, eum esse teterrimum draconem cognoscens, iracundia commotus, baculo cui nitebatur, spectrum illud percussit, & usq; ad alteram ripam super aquas sicco pede decurrens, in Christi nomine fugauit. Hoc leuiter attigisse sufficit: quod energumenis tanto terrori fuerit, vt vel ad nomen Iesu Christi ab eo contra illos prolatum, vel ad viuifica Cracis signum obiectum aut impressum, tanquam fumus ex miserorum corporibus euanescebant. Vociferabantur idem passim, contra eundem: O infelix Hyacinthe, cur nos nostris sedibus deturbas? At ille clypeo fidei, & Christi memoria quasi galea munitus, eos adoriebatur, nec prius à certamine singulari discedebat, quam prius illos in perniciem hominis alicuius intentos; Diuini verbi acutissimo gladio concidisset, & in fugam turpem coniecisset. Numerus non potest iniri, eorum quos à tyrannide & truculento consortio demonis liberauit. Argumento est sepultura illius, terribica energumenis. Fassi sunt ipsi daemones, vt est in Actis processus canonizationis Sancti, coram Andræa Parczouio Prouinciali Poloniae, quēdam exorcizante, & coram multa adstantium caterua, locum in quo S. Hyacinthi corpus quiescit, vehementer ardere: inuisa scilicet illis viri sanctimonia, quæ etiamnum, quasi flamma aliqua, torquet infelices spiritus, dum ad nomen, meritaq; Sancti Hyacinthi pro obsessis inuocata, demigrare ab eis coguntur.

## CAPVT DVODECIMVM.

*Propagatio Ordinis Prædicatorum in Septentrione per S. Hyacinthum.*



**V**BI iam Cracouiensium, & proxime adiacentium Oppidanorum mentibus, purioris vitæ amorē infauiisset, & miraculorum gloria multos adiuuasset, religionisq; Prædicatorum non minima incrementa corā apud eos conspexisset: non ijs limitibus angustis, ait, mea desideria, meiq; conatus arctari debent. Omnem iam terram ad Occidentem Solem expositā, meus Pater Dominicus, sydereā illa sua doctrina irradiauit: nec id modo effecit, quod stella in fronte paruuli apparens portendebat, ipse vt solus radio verbi & virtutis immensos illos sinus Italiae, Galliarum, & Hispaniarum, illuminaret, verum etiam, quod domicilia stellarum in perpetuas æternitates lucentium, Monasteria scilicet, eruditorum discipulorū suorū apud illos celo distinctos populos propagarit, inuexeritq;: Mihi etiam in eandem curam incumbendum est merito. Hæret animo illud Patris extremū vōtum. Dilationē Ordinis maiori quo potestis labore peragere. Cracouię igitur non multo post vale vltimū dicturus fratribus, vocat

vocat ad se F. Cellaum cum Hieronymo, & Henrico Morano, eosq; affa-  
 tur: Vita ipsa te chariorem habeo semper, Frater mi dilecte: at cum ea  
 quor; non ita mea sit, vt ipsam pro nostro Christo profundere non de-  
 beam, meis spiritualibus oblectamentis, quas ex tuorum ornametorum  
 decore, concipio, non possum adeo absorberi, vt curam quæ vtriq; nobis  
 iniuncta est, Religionis nostræ adaugendæ postponere velim. Perge igitur  
 ad Occiduum terræ cardinem, ego Septentrionem & Orientem mihi  
 adlego. Tu Boemorum, Morauorum, Silesiorum, Saxonum: ego Prute-  
 norum, Litonum, Lituanorum, Ruthenorum, & his longe amplius posi-  
 torum Tartarorum, Dacorum, & aliorum salutem curabimus. Mora igitur  
 omni postposita, tres illos in Boemiam destinat: quibus non infelicitet  
 negotium cessit. Cellaus enim tum Pragæ, tum Vratislaviæ, intq; alijs vi-  
 cinarum regionum ciuitatibus, Ordinis professi Monasteria amplissima  
 accepit, quarum aliqua postmodum à prouincia Poloniæ separata, diuis  
 easq; nobilissimas prouincias in Religione Predicatorum effecere. Ipse  
 autem maiorem & minorem Poloniam, & Masouie, Prussia, Pomerania,  
 Liunia, Lituania, & Russia prouincias peragrans, Sandomiria ab ipso  
 Principe Lesco & Adleyda sorore eiusdem, S. Iacobi Apostoli extra mû-  
 ros insignis cœnobium, intra vero, S. Mariæ Magdalene Ecclesiam & dō-  
 mum: Plociæ itidem duos conuentus à Conrado Duce, scilicet S. Domi-  
 niti in suburbio, & in ipsa ciuitate, SS. Trinitatis: postmodum Pōsnania,  
 Dantisci, Rigæ, Elbingæ, in Monte Regio, Derpati, Kiiouia, Halicia, Leb-  
 poli, Præmissia, alijsq; in locis præclara accepit Religionis Predicatorū  
 cœnobia. Tale habetur in Annalibus Ecclesiæ Cathedralis Cracouiensis,  
 de incrementis Ordinis in Septentrione, testimonium, Breui (scriptū ita  
 extat) temporis interuallo, numerus Monasteriorum Ordinis Predica-  
 torum in Septentrione creuit, & incipiendo ab Alpibus, qui Hungariam  
 à Polonia determinant, ad vsq; mare Oceanum, omnes terras, omnesq;  
 sinus & intimos secellus, compleuerint. Perspicuum est, quod & in vici-  
 nam Sueciam, Finladiam, Norduegiam, Daniam, Scotiam, aliaq; gelido  
 Trioni supposita Regna, Hyacinthus Religionem Predicatorum intule-  
 rit, cum eadem infra limites Oceani maris, in Baltheo sinu comprehen-  
 dantur. Nec vero haras Hyacinthus suo tempore recipiebat, sed nume-  
 rosissima Monasteria. Extant antiquitatis obductæ notæ, quando Craco-  
 uienſis conuentus ducentos, totidem Vratislaviensis, tot Gedanensis, So-  
 dales, cultui Diuino, deditos, hominumq; salutem curantes alebant, alijs  
 quidem non tantum numerum, sufficientem tamen muneri religioso dō-  
 mi forisq; obeundo. In Sandomiriensi. obsidione grauissima Tartaroru;  
 noue & quadraginta reperti, omnes martyri lauream tulerunt, pro Chri-  
 sti gloria fortiter occumbentes. In Kiiouiensi vero Cœnobio, ad eum mo-  
 dum Fratres S. Dominici breui creuere numero & meritis, vt Volodimi-  
 rus Dux Kiiouiensem, & Volinensem, ad schisma iterum violata fide

Ioan. Du-  
 glos.



reuertens, veritus ne reliquam partem Ciuium, & Nobilium, cū iam potissimam & maximam eorundem Ecclesiasticæ vnitati reddidissent, ad Ecclesiæ gremium reducerent, absq; ritu execrandi schismatis, ad candidiorem Matrē abducerent, illos insserit Kiiouia abscedere. F. Martinus proximus à Godino tunc præerat conuentui, dum Fratres ob id solū crimen, si crimen est, schismate præcisos Christi corporis vnitati inferere, in exilium deportati sunt, à Kiiouienfi Monasterio. Ita illi dum Prædicatorum institutū, Orientalibus ignotum inter eos propagarent, satius Christi gloriam, supremi eius in terris Vicarij, Pastorumq; omniū Principis auctoritatem & Maiestatem, Mystici Ecclesiæ corporis indiuiduā vnitatem, Sanctorum indissolutam, nec in partes sectam cōmunionem, contra peruicax schisma promulgabant. Non ingloriū id fuit Religioni vniuersæ: quinimo ad perennē famam cessit. Non enim quod Matronas auro vel argēto pietatis prætextu expilasset: non quod auida manu opibus alienis inhærent: non quod in statui suæ minus congrua officia inuolarent: aut vel populum contra Principem, vel è contra vrgerent, aut in rationes administrandæ publicæ rei animaduertent, vel se se impudenter ingererent, sed pro Pontificis Sūmi Principatu, pro Ecclesiæ vniōne, pro sacrorum cōmunionē, quam perduellis Volodimirus scindebat, partiebatur, ridebat & calcabat, furori furenti locum dederant. Quam ob rem nec notæ aliquæ eis turpes iniustæ, nec ædes dirutæ, nec pyramides erectæ, neq; tabulæ characteribus impressis atro lapillo signatæ sunt post illos: quin modico interstitio in urbem reuocati, de peruicacia, & olim obstinata mentis acerbitate, patientia infracta triumpharunt.

## CAPVT DECIMVM TERTIVM.

*S. Hyacinthus Vandalum siccis pedibus traiecit.*



ALVATOREM nostrum Christum, scimus non semel sicco uestigio super vndas ambulasse: nempe vt se eum demonstraret, qui dominatur potestati maris, quiq; super fluctus illius graditur: & vt futuræ dotis, ex animæ gloria in corpus immortale redundantis, agilitatis scilicet aliquod specimen adhuc in corpore mortali daret. Imitatus est illum, & in hac quoq; parte S. Hyacinthus, qui etiam ter ingentes flumines pede sicco calcavit & transiuit. Masouia Ducatum ad Septentrionem porrectum lustrare destinarat, vt fame Diuini cloquij laborantes, flexiles illos ad bonum populos satiaret. Prætergressus abrupta Montis calui, qui Minorē Poloniam à Masouia determinat, finesq; illos ingressus, apud Cernēles, Varaceñ. Varfauiē. aliosq; littori Vandali affideres, celsa magnitudine animi ac sapientia, salutem illorum, verbo, exemplo, & miraculorū operatione

ratione

ratione curabat. Vissogradum Oppidum illius provinciae tunc celebre habebatur, Hyacintho ad messem spiritualement operandam opportunum. Ad illud itinere pedestri contendens, accurrit ad flumen Vandalum, cum per se latissimum & altissimum, tum vero ex liquefactis nivibus, fractaque glacie, plus solito turgidiorem atque incitatorē, unde nec tranatu facile, quinimo & impossibile. Quam ob rem nec linter, nec navis apparebat, qui in alterū litus Vissogradense itinerantes trajcere vellent. Urgebat Hyacinthum charitas incensa, ad Oppidum quantocius visendum, semineque verbi caelestis inspergendum. Cupidus, volebat ante noctē Oppidanis concionari, sed ardori amoris, deerant humana subsidia. Quid faciat, quidve hoc loco consilij capiat? Moyses Israelitarū Vatis, in primis exēplum animo voluit: qui Philosophia Divina populum illum rudē instructurus in deserto, mare Erythreum secuit, in muros validos glomeravit, & inter tumentes fluctus viam suam aperuit. Occurrit illi & factū Iosue, qui Iordanis cursum incitatum inhibuit, aquarum mole ne laberent suspensa. Elisei quoque reminiscitur, qui iam parere hominibus assuetū Iordanem, ictu pallij diuisit & stitit. Præter vero hos omnes, Christi Domini species supra mare ambulans, & Petrum naufragantem eripiens, illi in animo fuit. Quapropter spei ac fiducia plenus, Divinoque sibi tūc affusolumine incitatus, Cruce signat fluvium, nō fluentē quidem aquis sed vndis furentem, sed vorticibus feruentem, sed glaciales lapides immensos voluentē. Iubet in Christi nomīne, motabili aqua, se vt solida petra instar gressibus suis subternat. Deinde intrepidus insilit in flumen vado pede, premit, calcat, transmittere incipit vndas illas, quasi duram tellurem nihil plantis cedentem. Benedictum quoque, Florianum, & Godinū socios sibi adlectos se sequi iubet. Metu illi perculsi, pendentes consilij, pauēt, ad miraculum: nec tamen se aquis furentibus cōmittere audent. Animat Hyacinthus, inuitat, prouocat: Heus sequimini pusillæ fidei: nihil ambigatis, nihil vereamini. Fidei feruida, omnia cedere arbitramini. Qui pro salute Petri vndas pede non morbo calcauit, feret & nos siccis plantis, pro ouibus Petri laborantes. Trepidant tñ ijdem, atque hærent in ripa, re humano modulo merientes. Illic Hyacinthus, tergo aquarum præterlabentium firmis plantis insistens, expandit pallium, non aquas diuisurus, sed eo lintris loco & officio vsurus. Age, inquit, vestis hæc, sit vobis pōs Domini Iesu Christi, cui vōs securi cōmittite. Imperat tandem, nutantibus, & superascendant suum pallium. Qui ab inconcussa fide Hyacinthi animos assumentes, cōmittunt se pallio, credūt se vndis, & trahente inu-sitatam nauiculam, gubernanteque Hyacintho, amne secundo delati, fluvium transmiserunt incolumes, sicca tunicae talaris ora, & nec solcis quidem madefactis. Attollant alij Maurum Abbatem, qui ad imperiū Benedicti Abbatis, parendi magis audius quam de periculo cogitans, stagnū Simbrianum placato aquare, pressit plantis. Pressit Hyacinthus Vissu-

lam,

iam, incitatissimo cursu labentem, vltro, meditatus, periculi gnarus. Elitus pallio Iordanem scidit, vt tamen vado transiret: idem Iosue & Moyses fecere: nullus eorum tale quid vt Hyacinthus tentauit, vt & ipse pellicidas fluxiles vndas, ac si crystallina duricie essent, calcaret, pallioq; pro lembo vteretur. Franciscus quidē à Paula, Siciliense fretum, veste pro lintre vltus traiecit: quod inhumani nautæ, naulum vnde solueret nō habentem Franciscū transportare recusassent, ac in littore deseruissent. Magnum hoc fuit facinus, à magna fide paratum: at quod longo intervallo post Hyacinthū vixit Franciscus, potuit à Hyacintho didicisse: si dē Deo, atq; audere magna, qualia aulus est Hyacinthus. Miraculum hoc sanē cum per se magnum sit, tum etiam magnam præferebat significationem. Significabat in se quoq; impleri vaticinium Isaia Prophe-  
tæ, de legis nouæ promulgatoribus prolatum: Beati qui seminatis, ait, super aquas, immittentes pedem bouis & asini. Augurabatur etiam, in altero sæculo eas aquas calcaturum, de quibus dictū est: Et aquæ omnes quæ super celos sunt, laudent nomen Domini: qui viuens quoq; pedibus Christi subiecit, illas de quibus fit visio cuidā Apostolo: Aquæ multæ, populi multi. Indiciū deinde erat, hoc quod tanta animi firmitate super tumescentes fluctus ambulauerit, Hyacinthum nulla rerum humanarum inconstantia, & mutabilitate, vñquam flexum iri. Villogradum autem ingressus, pellecta in sui admirationem plebe vniuersa, quæ inquirebat quando, & qua ratione Vandahum tranasset; sementem verbi Diuini super aquas illas, aquea scilicet corda Oppidanorum, non adamantina: ni mirum ad impressionem virtutis mollia & facilia, nō vero obstinata petrosæ pertinacia, lapide adamantino duriora, spargere cepit: immittens pedem bouis & asini: exemplū videlicet sanctimoniz: nimirum, vt ab illo, pietatis & religionis laboribus & contentionibus assuetus, ac pene attritus, sicut à boue maiore minor arare discit, quod in Proverbium transiit, populi illi nouellæ genituræ in Christiana Ecclesia, non detrectare Christi iugum, nec sub eo frangi obnixa mentis patientia, sed magna audere, & sufferre, adq; maiora concito cursu pergere ediscant.

#### CAPVT DECIMUM QVARTVM.

*S. Hyacinthus paralyticam sanat, alijsq; languoribus medetur.*



VA autem in Iudithā Nobilitate generis & pietatis studio inlustrem, patrari, nō de heo silentio obuoluere. Dum itaq; Poloniae fines vniuersos Hyacinthus prædicatione sua compleret, ingentibusq; factis ad meliorem frugem multos reduceret, accedit ad eum Prandothia filius Iudithæ, opem iam ferē mortuæ Parenti, ab eo postulaturus. Paralyti illā grauissima resolu-

ta plures annos lecto decumbebat, vñ mēbrorum fere omni destituta & non pedes incedere, non manus mouere, non corpus in hanc vel illam partem voluere, deniq; nec vllum verbum proloqui poterat aut balbutire, linguae etiam officio à paralyſi prædedito. Medicorum auxilio, poſſe matrem ſanari exiſtimans, plurimos illorum ad opem ferendam accinerat. At fruſtra. Bulgām illi operis ſuis mercenarijs, & pharmacorū præſcriptione mulgebant, diuī ceromata acſi cadaueri exangue, Iuditha apponerent, tantum illa proficiebant. Torquebat miſerū vehementiſſimē, inatris dulciſſimæ ſpecies; lecto an tumulo verius, quia nec magis viuam, quam mortuam putabat, inharens. Dum ergo pecunias & ſpes ſuas in humanis poſitas, perditas fuiſſe experiretur, ſero ſed non infelici cepto ad Diuinā cōfugit. Hyacinthum interpellat, ſolertiſſimam medicorū manum accuſat, ipſum obſecrat, ne dedignetur ad grabbatum, iam ex morbo putreſcentis matris ſuæ accedere, cœleſtem opem vbi humana deſerret, paralyticæ laturus. Aſſuit non grauatiū Diuus Hyacinthus: it cum Prandotha ad domum decumbentis. Lecto propinquior, marentē quam cum poteſt, verbis ſolatur: dolorem internum peccatorum admiſſorum in Iuditha excitat. Fide vt in Deum ſeratur ardenti, iuber: bono animo eſſe inperat. Futurum, vt ille qui triginta annorum ſpatio, ſupra piſcinā probaticam iacentem ſeminecem, non motatione aque ſequentis ex olido ſacrificiorum excremento, ſed recondita Dei virtute in pedes erexit, ſanūmq; & incolumem grabbato ſublato abire præcepit. quiq; ſurdi & muti cuiuſcumq; ſola digitorum, in aures & labra impoſitione, ſibras reſoluit, audireq; verba ſalutis, & eloqui laudes Diuinas voluit, dicens: Epheta, quod eſt adaperire: vt tunc quoq; illi, modo credat, & linguae, & manuum, & pedum, membrorumq; omniū officiū, paralyſi ablatum reſtituat. Præmiſſa tandem de more precatione, ad eam cōuerſus, ait: Domini Ieſus Chriſtus, qui verbo reſtaurat vniuerſa, liberet te ab hac inſirmitate, modulos linguae tibi reddat, & in pedes te proſtratam erigat, & ego quoq; in nomine ipſius tibi præcipio, Surge, ambula, loquere. Repente ab illa morbus exlaurit, & lingua impedimento ſoluto, cepit verbis clare conceptis, & voce expreſſis, Deum benedicere, mirabilia operantem per Sanctos ſuos. Longe lateq; per vniuerſam Poloniam fama huius miraculi peruolauit. Quam ob rem, vt quondam ad Saluatoris noſtri prætergradientis præſentiam, Iſraelitæ & Gentiles, ſuos quiq; languidos viciatim proferebāt: vt vel ſimbria veltimenti ipſius contingere, vel vmbra tranſeuntis adumbrari, vel eiſ vocē omnipotentē exaudire poſſent, ab ijsq; omnibus virtutem promanantem experiri. Proferebant & Poloni vniuerſi ad Hyacinthum, omnes quotquot Medicā opem inopē ſenſerunt. Quoquo ille ſe vertebat, erat videre per vicos, compita & plateas, atq; per fora publica, febribus acutis exardeſcentes, hydropē turgidos, icteritia flauelcentes, igne regio conſumptos, carbunculo vel can-

cro, vel vlcere alio pessimo, & quo nō morbo prostratos? animā agentes. Omnes istos Hyacinthus, Dei implorato auxilio sanabat, & ex mortuo corpore fugientem illorum spiritum, continebat: ita & omniū ægrotationum, necessitatum & periculorum, singulare cathaplasma & amulethum censeretur. Non eo inficias, quod gratiam sanitatum plurimā, plurimis sibi dilectis, Deus optimus concesserit. Scio tamen vt plurimū in partes sparsam. Laurentius cæcis lumen restituit, Sebastianus à peste protegit, Antonius ab incendio liberat, Petrus Martyr dolores capitis remouet, Vincentius Ferrerius febrium ardores cohibet, Valentinus morbo epyleptico medetur, Rochus pedes, Apollonia dentes, Agatha mamillarum torsiones, Blasius gutturis defluxus, alij alias hominum calamitosorum infirmitates curare dicuntur: ait enim D. Paulus Apostolus, varias esse diuinarum diuisiones gratiarum. Verum Diuo Hyacintho nō vnā sed multas sanitatum gratias abunde contulerat. Nemo se eius vnquam patrocinio cōmisit, qui non se ab eo mirabiliter adiutum senserit. Mortuos enim ad vitam reuocauit, hic membrorum & totius corporis stuporē debilitatēq; patientes corroborauit: hic febres depulit, hic cæcis oculos aperuit, hic surdis auditum tribuit, hic claudos ingrediendū facultate donauit, hic mortifera vulnera sanauit, hic amissum loquendū votum restituit, hic agonizantes à portis mortis reduxit, hic fluuiorum cursum retardauit, hos à carceribus teterrimis, illos à seruitute dura, alios ab incursu hostium liberauit. Illum prole optata, hunc cupitis facultatibus, exornauit & amplificauit: illi peccatorum veniā, huic iustitiæ decus, alteri hoc & illud beneficium larga cōtulit manu. Altorem illū inopes, pupilli tutelam, abiecti defensorem, afflicti consolatorem, ægroti medicū, Taumathurgum vniuersalē omnes; & singuli potentissimū agnoscebāt, persentiebāt. Rite vt in ipsum quoq; Hyacinthū, siue à flore, siue à lapide medico vocetur, vsurparetur à nonnullis, illud quod de Iesu Christo Archiatro, in ore orbis est. Virtus de illō exhibat, & sanabat omnes.

## CAPVT DECIMVM QVINTVM.

*Propagatio Religionis Christianæ per S. Hyacinthum.*

**I**NTER præcipuas autē curas Hyacinthi, illa suprema fuit, Fidei Christianæ scilicet propagatio. Angusta erat pectori illius latitudini, Minor Polonia Prouinciarum omniū amplissima. Cæpit ergo de finitimarum aliarum, immo & de longe remotiorum Regnorum salute cogitare. Vastissimas igitur illas regiones, in Septentrionem & Oriētem latissimo sinu protractas, perlustrare, & face ignea eloquij Diuini illustrare pergit. Masoniæ finibus excedēs, Prussiam ingreditur. Michaelē Episcopum Culmensē, vnā cum Duce

Pome-

Pomeraniæ Suentopelco tunc ibi reperit, in eo totas esse, vt Prussia vniuersa, iam olim sanguine Adalberti Martyris irrigata, sed adhuc non vsquequaq; à Gentilium vanitate expurgata, ad veri vnus Dei culturâ traduceretur. Ab ijs benigne suscipitur Hyacinthus: & eo magis, quod iam pridem fama virtutum illius apud eos increbuerat: quodq; eodem vt ipse desiderio flagraret, religionis Christianæ apud barbaros amplificandæ. Dant ergo illi potestatem, intimos recessus Prussiæ peruagandi. Sponte sua incitatum, precibus impellunt, vt labori parceret, quo Gentiles illi plurima ex parte à religione Catholica abhorrentes, veritatis radijs illuminentur, & in amorem Dei incalescant. Potestate accepta, velut Sol lucidissimus partes illas Cymmerijs tenebris ignorantia obrutas, irradiat & orationibus assiduus, contemplatione, benignitate, puritate animi & corporis, rerum humanarum despicientia, charitate, patientia, cæterisque animi ornamentis, primum in se oculos atq; ora omnium cõuertebat. Amore eorum sibi conciliato, Sapientia pone Diuina & eloquentiæ profluuiis, cæcas illorum nientes ad lucem Fidei contuendam adducebat, & arctia corda tanquam carbonibus vastatorijs, ad eorundem dogmatum, quæ animo conceperât, amorem inflammabat: vt paucis annis, Deo aspirante, id effecit quod optabat, vt maximi motus, & insignes ad veram Fidei doctrinam conuersiones inibi, quin & apud vicinos Pomeranos, Liouones, imo & apud Lituanos remotiores, fierent: idola deiicerentur & comburerentur, aræ abominandæ demolirentur, sacrificia horribilia & cruenta cessarent, dæmones statuis antiquis pellerentur & splendore Euangelij plurimi illustrati, ad Sanctæ Matris Ecclesiæ gremium redeunt, ad pulchritudinem virtutis aspirarent. Deo vni & trino templa magnifico sumptu edificarent, pura & virtutis sanctificatis holocaustomata instruerent atq; offerrent: huic vni se totos, suaq; omnia dicarēt: & in loco blasphemiarum, trophæa Crucis statuerēt. Fateor, quod prima religionis fundamēta, apud illos iecit Adalbertus Episcopus & Martyr: collapsa tamē eadem restaurauit Hyacinthus: & quæ intacta remanserant, ad culmen perduxit, documētis ornauit, & exēplis tunc corroborauit. Ex hoc verbi semine Hyacinthi, delectatus Suentopelcus Dux, & Michael Episcopus, alijq; pietate insignes viri, plurima illis Monasteria Religioni Prædicatoriæ, nempe Dantisci, Culmæ, Rigæ, apud Montem Regium, Elbingæ, Thoruni, Dersouia, Derpato, & in alijs mari Balthæo adhærescentibus locis, per ea & postea succedentia tempora struxerunt: ne scilicet ad aliarum gentium conuersionem properante Hyacintho, deessent illius discipuli, virtutis paternæ æmuli: qui quod scuit Hyacinthus, fouere, colere, & ad frugem speciosam, maturescentes perducere possent. E tribus illis primarijs locis, Beatum Benedictum Gedanensibus, & vniuersæ Prussiæ præfecit. Liouonibus autem Meynardum, Lituanis autem Vitum; ex alijs Monasterijs Poloniæ accitos, reliquit: qui & primi earum gentium Exi-

E scopi,

scopi, à Sede Apostolica Prælati, ad eximiam pietatis, religionis & sanctitatis studium, innumeros pellexerunt. B. Viti opera fuit, vt Mendegonus Magnus Dux Lituanoꝝ, iam olim ex Prædicatione S. Hyacinthi, relicta idololatria, ad Christi fidem vnà cum maxima Lituanoꝝ multitudine accedens, ritu Ecclesiæ Catholicæ, ab Henrico Archiepiscopo Prussie ex ordine Prædicatorum, in Regem inuingeretur. Ad Orientem deinde pergens Hyacinthus, Ruthenos, Moschos, & Scythas, hos idololatrias, illos etiã vel tales partim, vel ab vnitatē Ecclesiæ, schismate præcisos, inuisit. In his Daniele Duce Russiæ, Ecclesiæ reconciliat, adq; diadema Regium in gremio eiusdem Ecclesiæ à Legato Apostolico suscipiendum disposuit. Apud hos Ruthenos ex parte idolorum cultura maximis contētionibus sublata, ex parte vnitatē Ecclesiastica restituta, sui instituti, disciplinæq; Gerardum, Præfulis dignitatem à Summo Pontifice, primo obtinentem aspexit. Penetrabat postmodum interiores, & magis remotiores tractus illos. Haliciam veniens, illud inter maiores laborum suorum fructus retulit, par coniugum cœlibum. Colomannum & Salomæam Duces, seu Reges Haliciæ, quos ad sanctioris vitæ fastigium flammante lingua pertraxit: dum par in signe turturum, voto emissio castitatis perpetuæ ab utroq; esse voluit. Tulit ab ea ciuitate, Archiepiscopali Sede tunc illustri, B. Bernardum Archiepiscopum, Apostolum gentis illius & Martyrem, à truculentis hostibus Fidei Tartaris, serra diuisum. Kiouia quoq; peruasit Metropolim Russiæ Hyacinthus, in qua ad vniōē Ecclesiæ pertulenda quatuor annis integris inuigilans, ingētem letitiam Gregorio I. X. & X. & Innocentio III. Pontificibus Romanis, vniuersaq; Ecclesiæ peperit, noua quasi parturitione filiorum reducum, olim perditorum ex roneo schismate. Exinde enim ad Tartaros excurrans, & ad Græcos, partim sua, partim Fratrum à se submissorum contentione, Palæologum Orientis Imperatorem, post decimam & tertiā ab Ecclesiæ corpore scissionem, vnà cum Ecclesia illa florentissima Orientali, ad Occidentalem inclini Capite redeuntem, felici nexu iungendos disposuit; & Regem Tartarorum quendam, Procrum & Satraparū gentis numerosa eateria cinctum, ei adiunctum, vtrumq; potentissimum, in Concilio Lugdunensi Ecclesiæ præsentauit: hunc baptizandum, illum denuo in vnitatē corporis inferendum. Oblectabat tunc Ecclesiam in eodem Concilio, qua Baptisma Gentilis Regis Tartarorum, qua vniō Palæologi Imperatoris Orientalium, illum conuertit Hyacinthus, hunc ad vinculum Ecclesiæ cōduxit Hyacinthus. Et ne suo discessu, relinqueret oras illas, Leopolum, Haliciā, Pramissiam, Kiouiam, & alibi locorum, colonias Religionis Prædicatoꝝ deduxit, pietatē Christianoꝝ, illic exaridificatis Monasterijs.

Omnia igitur, quæ in Oriente, ijs in locis, quæ sanctissimus vir suæ culturæ partes esse voluit, pie, religiose, caste, liberaliter, humaniter aliquādo facta sunt (at quam innumerabilia effecta sunt) omnia in quā à Hyacintho

cintho tūc facta sunt. Vere vt possit, Prussia, Pomerania, Liuania, Lituaniz, Ruscia, Scythiæ, & Orientis, atq; Septentrionis Apostolis nūcupari. His laboribus, etiam illud in quo minimè laborabat, effecit, vt ipsius nomen ac fama, vastam satis Poloniam, & non eam solum, sed & vniuersum Septentrionem & Orientem, ingenti cum admiratione peruaderet.

## CAPVT DECIMVM SEXTVM.

*Opera Dni Hyacinthi in Ruscia conuersione, & Intra illius cum demone.*

**P**LACET altius repetere ea, quæ alij in S. Hyacinthū, præter ea, quæ retulimus, pronunciarunt in publico confesso. Fornicata fuerat, aiebat quidā, à veri Dei cultu Ruscia, cuiq; idolo suos aperuerat thalamos, & quemq; demone inferni, ad suos admiserat congressus: nam Fidem Christi, quā à S. Andree Christi Apostolo, ante Volodomirium & Helenam semel susceperat, nō semel apostasia contaminabat, atq; eiurabat. A S. enim Andree, scribit Guagninus, Apostolo, vel vt Miechouius à Sactis Thadæo, & Bartholomæo Apostolis, Rutheni, se fidem Christianam olim suscepisse iactant; quæ ex Græcia, per Pontum Euxinum ad ostia Boristhenis flumini, Gentilibus Dnepti & Dni, appulisse, annales eorum testantur. Et inde Kiiouiam tūc temporis Metropolim Ruscie, aduerso flumio peruenisse, atq; ibi omnem terrā Ruscie benedixisse, & baptizasse, signumq; Crucis illic cōstituisse. A Kiiouia vero, aiunt, eum ad fontes Boristhenis Dneprileæ dictos peruenisse. Inde in Nouogrodiam Magnam, & hinc ad mare Balthæum, & eo Romā vsq; præteruectis Gallijs & Hispanijs nauigasse, Mosciq;, Liouonibus, Scythijs, Samagitis & Prutenis Euangelium prædicasse. Hanc tamen Fidei Christianæ puritatē, vt Pruteni, & Liouonēs & Samagitæ, ita Rutheni, Moschi, & Scythæ deferentes, sæpe & in maiori parte idolis, nēpe igni, arboribus, lucis, serpentibus, demonijsq; in statuis delitescentibus, & inde oracula pendentibus sacrificabant. Quibus autem scintilla Diuinæ lucis, nō erat extincta; ij ab unitate Onilis Ecclesiæ, schismate se præscindentes, nefario, Pontificem vniuersalis Ecclesiæ peius cane & angue odio insequēbatur: extra mysticam Christi cymbam misere naufragantes. Sterit Hyacinthus, & merore tabescens, illa secum expendebat verba: Itane Imperator Orbis, à suis exulabit finibus? Siccine populus Dei Deum immuni prosequetur odio? Sic flagitiosa idololatria, sic impium schisma, Sūmi Pontificis contaminabit, dilacerabit Ecclesiam? Itane sæua tyrannis demonū, in animas grassabitur humanas? Ego vero teterrimo draconi supposita Rusciam, æquis intuebor oculis? Neutiquam sane. Omnia mihi tentanda sunt, cuncta aduersa subeunda; modo Oves cruore Christi pretioso redēptas, à Satana iniquo dominio subducā, inq; vnam mandrā, vni & sō-

*Guil. Ala.  
ex MS. fa-  
perior in  
Oras.*

*Ala. Gua.  
t. 2. in 8.  
f. 213.*

*Miechou.  
lib. 2. c. 1.*

*Alan. vbi  
supra.*



li Christi in terris Vicario, cura mea introducā. Eo zelo Diuini honoris, animarumq; salutis ardore incensus, omnia post Religionis Christianæ propagationem ponenda ducens, Russiam præpeti itinere contendit. Nullum tunc apud Orientales laborem, nullumq; certamen recusauit, modo Rutheni, Daci inferiores, Tartariq; immanes, è tenebroso idololatriæ carcere emergerent, & lucem non inuolutam caligine aspicientes, postliminio se ad meliorem frugem reciperent. Neq; eū spes suæ, Altissimūq; pro conuersione idololatrarū fusi gemitus frustra uere. Quadriennio. n. fere Kiiouia demoratus, ad circumuicinos Ruthenos, Dacos, Scythas, Moschos, Lituanos, ut plurimum cultui demonum deditos excurrēs, Cruce proposita, in euellenda falsa eorum religione tantum laborauit, ut innumeros Christo lucrificeret, & sacra Baptismatis vnda tinctos, gremio Ecclesiæ infereret. Contentione illius, apud eas gentes, aræ demonū demolitæ, ignes sacri extincti, luci excisi, serpentes exanimati seu ambusti, statuarū cōminutæ, demones è delubris puli fugatiq; sunt. Prædicatione Hyacinthi è mentibus illarum gentium, errores sublati, impietas impudicitiaq; cum cæteris vitiorum monstris profligata, furor & amētia euulsa sunt. Adnissū summo S. Hyacinthi, animis horum infidelium, summæ sapientiæ, probitatis, iustitiæ, candoris immaculati, cæterarumq; virtutū celestium fructus instillati atq; impressi sunt. Opera Diui Hyacinthi, vexilla & tropheæ Crucis viuificæ, in mediam barbariem inuicta, Sacrorū sanctorum frequens vsus introductus, Diuinarum rerum desiderium & cultus venerandus excitatus, aræ Deo vni & trino erectæ, Tempia, domiciliaq; virtutum, nempe Monasteria Ordinis, Leopoli, Kiiouia, Halicia, & alibi ædificata sunt. Tres quoq; præfules genti ab eo nuper conuersæ, alter Gerardus Primus Ruthenis, alter Vitus Primus Lituanis, tertius Meinardo Primus Liouonia, pēs Beati, ex Ordine Prædicatorum, S. Hyacinthi discipuli, Episcopi Prælati, studio Hyacinthi Apostoli, à Sede Apostolica recens dati fuere. Præter alia S. Hyacinthi in conuersione Gentium opera, quorum memoriā nulla dies extinguet memoratur, quod in medio Boristhenem, motatio fluminis, excretioq; egresserat insulam nō modicā, arboribus proceris densisq; annorum decursu constat. In ea Gentiles arborem cæteris crassiorē altiorēq; impulsu demonis in ea habitantis delegerant, cui Diuinitatis titulū affingebant, honoresq; Diuinos libabant. ea re oblectabatur impurus Satanas plurimum. Nam exinde grauioribus amentia stimulis agitato homines, acerbissimis miserijs & ærūnis, & intolerandis supplicijs æuo sempiterno cruciandos, sibi comprobant. Angebat vero supra modum Hyacinthum, quod ripe vastissimi gurgitis non iunctæ sub strato ponte, nō facilem accessum insulæ, sedissimis sacris pollutæ præbebant. At licet arduum & difficile videretur penetrare in aditiorem partem luci: quid tamen Diuina ope efficere posset, cupiebat experiri. Cruce igitur Christi Boristhene consignato, spe in eo qui sicco

veltigio

Micho. li.  
3. c. 52.  
Mart. Ba  
ron. in Ico  
na B. Vir.  
Luīsa Sā  
cti Hyaci  
thi miran  
da.

vestigio vndas calcauit defixa, plenus ardore, se dat flumini altissimo rapacissimoque. Sustinuit dorso suo fluius vorax, sicca vestigia Hyacinthi. Per hunc enim ac alter Seruator intrepidus vdo pede incescit. Ingressus lucum demonijs denotum, plurimos ibi in pestiferos errores lapsos, abominandis Sacris, se Satane nuncupantes inuenit, stipiti querno adgeniculantes. Eia, ait, quæ vos vafania cepit mortales? Quis stupor vestram peruasit mentem? Truncum, sensus & rationis expertem, absit dixerim Diuinitatis participem, poplite flexo venerari? exhorrescere? opem ab eo inopi & impote flagitare? Quod grauius; à mendaciorum parente, veritatis oracula explorare? Qui in vestram perniciem dies, horas & momenta intentus, ab eo beneficentiæ munera poscere? Deo creatori & reparatori fidem debitam turpiter eiurare? Age sumamus periculum Deitatis. Quæræ. Si portis est, se à meo scipione quem defero vindicare, ei Diuinitatis cultū, impendite. Si ad instar stipulæ, vel arundinis exustæ illi cadenti cedit, credo, non vos amplius dementiæ vestræ, hostias illi offerretis. Conditione accepta ab Infidelibus, Hyacinthus dat ictum scipione, arbori crassissimæ altissimæq;. Ea quasi valido fulmine percussa, inq; partes & sarmenta extemplo diuisa, dat casum. Mox ex illa decussa, Dæmon horribili specie exiliens, profugus se in Boriſthenem recipit. Fugientē, infecutus est, siccis item plantis Hyacinthus. Pedit illo suo in ringentem inuectus: Si, ait, consistant aduersum me castra, in hoc ego signo Crucis, quod baculo prominebat sperabo, spiritum illum fallacem deuicir, sinibusq; illis eiecit & pepulit. Hinc ad stupentes barbaros regressus, occasione dicendi à lucta illa accepta, de idolorum vnitare, Satane truculentia, Fidei Christianæ veritate, & Christi iugo suauissimo, de inferorum supplicijs, cœlitumq; ineffabili & perenni lætitia, sermonibus habitis, innumeros ad summum & amplissimum sapientiæ gradum prouexit. Altaria noxio sanguine illita subruit, lucumq; illum opacum igne copioso succendit.

## CAPVT DECIMVM SEPTIMVM.

*Diuus Hyacinthus à furore Barbarorum vindicat Sanctissimam Eucharistiam, & Iconam Beatissimæ Virginis.*

**I**LLVD aut non est inuoluendū silentio quod de S. Hyacintho Rangonus apud Ticinenses dicebat, præclarum scilicet documentum ad eius in Deum & Diuos pietatem commendandam. Bolum sibi à S. Hyacintho præreptū Satan, vehementer doluit, seq; vlscisci quoquo modo destinauit. Opportuna autem vltio sibi visa est, si remotiores Tartaros incitaret, ad eos in tyrannidem rapiendos, qui nuper & olim se à castris eius propripuissent, Christoq; no-

*En MS. p  
cessu cano  
niza. San  
cti Hyacin  
thi.*

mina

mina consecrassent. Emergit, aiebat Hilarion Rangonus, per ea tempora, ex Calpijs illis faucibus, quæ Taurum montium omnium quâ maximum peruium efficiunt, Tartarorum immensa multitudo. Quæ insignis cuiusdam latronis Davidis nomine ex Perside oriundi Imperijs tractata, primum in Regna Persarum inuadens, indeq; in Medos, Assirios, Parthos, atq; Armenos hostili animo penetrâs, ceu sæuissima tigris, quam ex vetustissimis Hircaniæ saltubus nimia fames diuexet, omnes perdomuit, Regna solo euerit, cunctisq; ferro atq; igni populatis, aurum, argenti, cæteraq; pretiosa secum asportans, circa Meotidis littora tandem concessit. Pellexerunt mirum in modum ingentia hæc spolia gentem auarissimam, & maiores rapinas atq; flagitia moliti, in Hungariam, conterminamq; Poloniam extemplo traicientes omnia vi ceperunt. Erat tunc temporis videre per ea Regna offeratam ingluuiem Barbarorum, in rapinis & direptionibus debacchantem, in constuprandis virginibus, cæterisq; eiusmodi flagitijs spurcissimam luxuriam, in religionibus violandis insanum furorem, in cædibus inauditam ferocitatem: ut omnes alias irruptiones, quas aut historiæ omnium gentium, aut fidei fabularum narrationes prodiderunt, formidabilior hæc excursio longo interuallo superarit. Nec tamen his expleta est eorum rabies: In tēpla ipsa, imo in ipsum quoq; Deū maledicti filij Cham infesta signa intulerūt. Imagines atq; altaria demoliti sunt, Eucharistiam quoq; ipsam ut aureas, argenteasq; pixides lucra rentur, profanis manibus tractarunt, quin & pedibus, pro dolor, conculcarunt. Kiloniæ tunc agebat Hyacinthus merore tabescens: & quid faceret in tanta Barbarorū immanitate cogitabat. Ergone, dicebat, hæc contagiosissima pestis nō modo in fortunarum direptionem, atq; hominum perniciem erumpet, sed & in Sancta quoq; penetrabit? in aras Domini sanctissimas irruerunt obsceni? Sacra spurcissimis omnibus bestiarum sanguinarum deturpabunt? Tantam impietatem capiet mēs perditissima hominum, ut Domino Deo vniuersorum nefarium bellum indicat? proruat in eius sacratissima templa? vrgeat eius reuerendissimas mentes? appositissimum illud sacrificium, quin & ineffandam eius maiestatem illam, quā celites omnes reuerentur, sacrilegis manibus fatigare conetur? Siccine Diuinum decus prosternitur? honor celestium despicitur? Christiani cultus reuerentia labefactatur? deridetur? profanatur? Heu quia nimis dolor integrascit, & mea præcordia tota in cruciamenta abeunt. Mene his ipsis oculis aspicere regificum epulum, porcis atq; canibus proiecitur? Mene intueri lectissimum illud, quod vnice adamo, simulacrum æthereæ Matris sacrilegis mucronibus trāfigi, atq; humi corruptū ignominiosissimis velitationibus hac atq; illac distorteri? Inuium sit, illud mihi: & ubi coagmentatus vndiq; dolor, tristissimam hanc lucem mihi nequit exorbere, prodibo in campum: contra infestas furiarum harum acies stabo solus & inermis: & saltem Sancta sanctorū impudentissimis

eorum

eorum ausibus subducā. Aut certe si Magereas eorum faces & frangeas, hoc quamperuoluntario meo sanguine, piissimus ille Pater me modo cōstituit irroraturum; pro cœlesti hoc holocaustomate, pro icona Mariæ Virginis, illa mihi dulcissima, extremam huius lucis vltimam libentissime obibo. Tandem vbi Scythas iamiam Kiiouiæ propinquantibus agnouit, in Ecclesiā introgreditur: & Oraculo Diuæ Virginis Deiparæ, cuius imago ex alabastro efficta in altari prostabat vocalis ad S. Hyacinthum, admonitus, induitur pompam sacerdotalem. Præhensat manu dextra sacram illam hostiam, cuius adorandis aspectibus concidit cœlum & terra: corripit deinde sinistra illam deuotissimam celestis Regine in prægrandi lapide sculptura imaginē, & sacris pignoribus onustus euadit ad Boristhem fluium versus tractum Seuerientem. Hunc, ceu immenso eius deuotionis ardori nihil officeret, onerosa corporis grauedo, vel efficta moles lapidea benignissime Aduocatricis speciem æque & vim effigurat, siccis pedibus versus Moscouiam trajicit: vi dubio procul Diuina, quæ gestatorem suum super aquas asportata deduxit. Ferunt S. Hyacinthum exinde per Moscouiæ extrinsecos fines, Seuerientes, Lituanos, Liuanos, Samagitas, & Prutenos adiisse, & Gentilitatis errore detentis verbum salutis annunciasse, Fratres Diuinis studijs Dantisce iam intentos roborasse. Mafouiorū fines peragrasse, miraculisq; illustrasse: & idē Cracouiā reuersum, preciosissimā illa sarcina onustum citra laborem delata, inq; Sanctissimæ Trinitatis templo posteritati relicta, de continuo ad gentes summittendis Fratribus operarijs tractasse.

Fratribus à Kiiouia dispersis, & vniuersis Christi fidelibus latrātibz, qui ex diebus se subtraxerant, reliquit Beatum F. Godinum, qui mærentes, solaretur, conuentui recollecto præesset, operaq; inchoatē inuigilaret, nec vnquam ab incepta cura salutis humanæ vlla ratione desisteret.

## CAPVT DECIMVM OCTAVVM.

*S. Hyacinthus segetes grandine istius redintegrat.*

**RE**AGVS est quinq; leuca à Cracouia diffusus, cui vocabulum Koscielec, olim in potestate hereditaria cuiusdam Clemētis, quæ tunc clara habebatur generis nobilitate, clarior tamen morum honestate, & sanctitatis laude, quam à Hyacinthi concionibus, priuatq; hortationibus assecuta erat. Festum S. Margaritæ Virginis & Martyris in Ecclesia eiusdem proxime imminēbat. Pro ea celebritate, Sanctum Hyacinthum Cracouiæ senio cōsecutum, magnis precibus inuitauit, vt Martyris sacro honori interesset velit. Non relinquit eius supplicationes, sed magna cum alacritate, licet iam quietā se de re debuisset, profectus est: & eo alacrius, quia Clemētis confessiones huius miles

mnes excipiebat. Pridie eius Festi adueniēs, videt Clementiā, hominum  
 maxima multitudine stipatam, sibi in occursum procedere, eiulantem, &  
 ad pedes Sancti viri sese prosternentem. Segetes enim vniuersas, iam ad  
 messē maturascentes, non quidem ventorum aliquis impetus, aut plu-  
 uiarum grando, sed grando, vehementissimum in modum fractis cala-  
 mis, & excussis iam frugibus ē spicis, trituraui, imo pessumdedit. Casum  
 Hyacintho enarrat, luget euentum: maximo cum fletu obsecrat, vt affli-  
 ctorum misereri dignetur. Fore confidens, eius meritis, quæ apud Deum  
 magna esse non dubitabat, quassatas aristas restitutum iri. Hyacinthus,  
 vt erat ad compatiendum pronus, pronior vero ad opitulandum, ploran-  
 tibus collachrymabatur: pernoctare secum in orationibus omnes iubet,  
 se vt supplices Diuinæ misericordiæ sistant inuitat, dat se deinde in sup-  
 plicationes, Deum tota nocte fatigando precibus, vt eos afflictos & iacē-  
 tes erigat, & segetibus fruges reddat, quas grando perdiderat. Diluculo  
 dici sequētis, procedit in agros, præeuntibus & subsequētibz Paganis.  
 Accedens propius ad stratam messē, Diuino priuim implorato Numi-  
 ne, signo viuificæ Crucis benedicit ictas segetes. Mirabile visu, omnes  
 erectæ pulchriores, frugibusq; vberiores, & crebriores magis quam ante  
 fuerāt, apparuerunt. Quæ res singularis & inaudita, ab omnibus iudica-  
 ta est. Iosephus à Rege Ægyptiorum primus, indigenis & aduenis fame  
 sçentibus, ne esurie petirent, toto septennio sterili triticum ministravit.  
 Prouidentia id fuit munus humanæ, non omnipotentia Diuinæ. Elias  
 Thesbithes apud viduam Sareptanam diuersatus, farinae pugillū & olei  
 lecythū mirabiliter auxit. Martinus Turonensis Episcopus oratione sua  
 effecit, ne tempestas grandinis, quæ singulis annis Senonensium populo-  
 rum agros cultos ante vastabat, amplius in posterum eis damnum & ege-  
 statē inferret. Saluator Orbis, in manu sua quinq; panibus prodigio mul-  
 tiplicatis, aliquot millia hominum saturos dimisit. Desiderabatur, vt se-  
 getes maturas, tempestate fractas, proritatas, & fere humo inculcatas, ad  
 pristinam pulchritudinem & vbertatem aliquis restitueret. Restituit S.  
 Hyacinthus. Elias farina aucta, vnā viduā cum familiola exigua pauit.  
 Hyacinthus magnam multitudinem frumento redintegrato recreauit.  
 Martinus grandinis solitū delapsū impediuit, ne segetibus noceret.  
 Hyacinthus ipsas grandine pressas mirabiliter refecit, easque copiosius  
 agendo, se verum Iesu Christi discipulū demonstravit, qui mirantibus  
 turbis, panes modicos adauxit. Cracouiam ab ea solennitate reuer-  
 tens, nihil magis animo voluebat, quam vitæ huius fastidio liberari. Vbi  
 ad locum venit, ex quo amplissimā Cracouia arcem, tum eminentes SS.  
 Delparæ templi turres, tum augustam Sacrosanctæ Trinitatis ædem præ-  
 spexit, in genua prouolutus cogitare secū cepit, quibus beneficijs à Deo  
 opt. auctus esset. Et illius erga se clementiā tacitus considerans, quod. f.  
 in hac humanæ vitæ breuitate, septuagesimum excessisset annū, quod plu-  
 rimos

rimos ex eis in religione preclarissima transegiſſet: quod Polonia fidelis-  
simis & caſtiſſimis religioſis adornaiſſet: quod multos ſtudio & amore  
religionis inflammati, eidem addixiſſet: quod in Predicatori Ordine tor-  
heroes illuſtres virtutibus præcellentes, quorū alij lumine doctrinæ illu-  
ſtrarent, alij orationib; & laborib; iuuarent, ſanctitate vitæ alij decora-  
rent, alij demū ſanguine ſparſo amplificaret Eccleſiā: quod tantos Ray-  
mūdos & Reginaldos, tā ſplendidos Aquinates, adeo Magnos Albertos,  
tot Iacobos, Iordanes, Conrados, Hugones, Monetas, Ceſſaſ, Henricos,  
Vlricos, & innumera alia Prædicatoriæ ſodalitatis fulgentiſſima lumina  
conſpexiſſet: quod Diuum Patrem Dominicum ſuū albo Sanctorum Ec-  
cleſia dignata eſſet: quod Petrus nouus Martyr in Italia extinxiſſet graſ-  
ſantem hæreſicon peſtem: quod nioriens plures quam viuens proſtrauit  
hæreticos: quod ad eius tumulum ceſteſtes coruſcarent lampades: quod  
infra vnius anni ſpatium poſt mortem, in Catalogum Sanctorū, magno  
cum applauſu orbis idē Sanctus Martyr relatus fuiſſet: quod per ſe quaq;  
innumera admiranda Deus patraiſſet, totq; gentes à ſua ſpirituſuali partu-  
ritione ſibi genuiſſet. Hæc & alia multa beneficia ſibi collata, pia medita-  
tione euoluēs, gratias immortales ſoluebat vitæ Domino & auctori, pro  
tantis munerib; . Nihil ſe amplius deſiderare, nihil plus in his rerū huma-  
narum anguſtijs ſibi expectandum eſſe . Plus etiā quam merita ſua expo-  
ſcerent, & quam inconſtantia mundi ferret, ſibi eſſe conſeſſum teſtatus .  
Non aliud vltra præter verā vitam immortalē , & conſortium beatarum  
mentium ſe expetere declarans, quantū poterat ardentiffimis votis, ſup-  
pliciter exorabat Deum, vt ſe liberare a vinclis cuſtodie corporis, atq;  
ad ſucros feliciffimorum Sanctorū ceteris, in illud illuſtre & plenum ſtel-  
larum domicilium tranſferre dignaretur. Per id quoq; tēpus alterum mi-  
raculū perpetravit. Nobilis quēdā Felicia ſterilis, lamentabili voce, deſi-  
deratam prolem ſibi à Hyacintho impetrari poſtulabat. Ad eius præces,  
vir ſanctus ſuſpiria & lachrymas excutiens, ſecurus de euentu miraculo-  
ſo, ei præſago corde dicens: Vade filia Felicia in domum tuā, Fideiq; &  
ſpei in Deum hares, filio donaberis. Ecce enim paries talem natum, ex cu-  
ius ſtirpe plures Epifcopi & Nobiles generabuntur; ab oratione pollici-  
tationem breui ſecutus eſt filius Feliciæ ſterili natus.

## C A P V T D E C I M V M N O N V M.

*Sanctiſſima Virgo Deipara apparet S. Hyacintho.*



ONTIGIT, poſtmodum die ſolenni Aſſumptionis glorio-  
ſæ Virginis Mariæ, ante ſacram Iconam eiufdem Diuæ, in  
Eccleſia SS. Trinitatis Cracouiæ, Hyacinthū ſeruentiſſime,  
vt ſolebat, orare. Dum ergo magnitudine myſterij, quod ſi-

F terrena

terrena Virginea moles super cœlos eleuaretur : & immensam gloriam  
 Sacrosanctæ Deiparæ, quod anima ipsius omnes cœlites superergeretur,  
 vehementius consideraret: illico in spiritus dulcedine rapiter: præ ni-  
 mio gaudio mentis, lachrymas fundit: desiderioq; eiusdem beatitudinis  
 capitecendæ inardescit: incenso animi affectu, & lachrymabili voce pre-  
 catur, vt æternæ illius gloriæ, qua Diua Virgo affluebat, consors esse per  
 Dei gratiam mereatur: Et ecce videt inaspectabilem lucem cœlites super  
 Aram illam desabi, radiosq; illustres diffundere, quorum splendore, ocu-  
 li ipsius dulciter diuerberabantur. Videt, & in medio illius supernatura-  
 lis luminis, ipsam Reginam cœlorum Matrem Dei, Sole amictam, & stel-  
 lis coronatam, Lunæ cireulo pede presso, ad se descendere. Nec id modo,  
 sed & ab ore ipsius dulce alloquium auida aure exaudit: Ne pauesce, ait  
 Virgo, neq; merore contabescito, ò dilecte fili mi Hyacinthe. Quid enim  
 vereare, qui nihil verendum vnquam admisisti? Quid animo corcidas,  
 qui sub aspectibus Filij mei & meis, genis viuendi impaudum delegisti?  
 gaude porius: orationes enim tuas, acceptas & gratas habet Filius meus:  
 spe deinde inconcussa esto; quia quicquid ab eo, in eo nomine flagitaue-  
 ris, omne id quod ad tuâ, aliorumq; salutē attinet, impetrabis. His dictis,  
 cum illa admirabili luce, & Angelicæ melodię concentu, ferebatur Diua  
 iocelum: post se dulcem harmoniâ, & fragrantissimæ suauitatis odorem  
 relinquens; quem humana lingua, Diuinis non assueta, explicare non  
 poterat. Dissuulabatur & eliquebatur interim Hyacinthus, tacitus, recon-  
 ditisq; sensibus, ex illa visione delibatis, & suauitatem ineffandam, in suū  
 castissimum pectus, à Matre purissima inclusum, per suspiria, & voces præ-  
 raptas eructabat: Mene illam, videre (in dulcedinem solutus dicebat) cō-  
 tigit, quam summus Architectus manibus suis expoliuit, syderib. exorna-  
 uit, & Diuine virtutis inestimabilib. ornamentis illustrauit? Mihi cōtue-  
 ri obuenit, illam, quam supra omnes etiam supremos Seraphinos in altis-  
 simam sedem, pone suam dexterâ Deus euexit? Ad me Deus præpotens,  
 ad me Regina orbis tantum delabuntur? ò me felicem, ò beatitudinem  
 nunquam à me indigno promeritâ. Te, te Sacratissima Virgo appello, te  
 ò dulce meum decus, in meum oblectamentū adopto, age, trahé me post  
 te: trahé, non obluçantem amore aliquo mundi, sed trahé totis conatib.  
 flagitantem. Curremus, utroq; pede: nō claudicabo ego post odorem vn-  
 guentorum tuorum, quib. mea intima persuasisti, inuorasti. Hac visione re-  
 creatus, nihil aliud, mentis oculis vsurpabat, quam Diuinam illam Diuæ  
 & Filij Dei speciem sibi obiectam: cuius pulchritudine correptus, diutur-  
 nam suam vitā iam esse querebatur, & de mortis ergastulo vt ocius edu-  
 ceretur, frequenter ingeminabat. Hinc nocte dieq; exiliebat è cellula, &  
 Ecclesiā hœc edens, nunc erecta facie, tendebat in cœlum supplices manus,  
 nūc imaginis Crucifixi, vel SS. Virginis pedib. aduolutus, illos amplecte-  
 batur, lachrymis abluebat, oscula eis figebat: nūc in modum Crucis sese



ante altare tremendum distendebat, & purissimū pectus eiulatio. euiscerans cōpellebat. O quando ad me, o dulcis Iesu Saluator meus aduenies? quando amplexu tuo me circumplicatum, in amplissimā domū celestem deduces? putas veniet tēpus felix, quo ego tē in tuo decore contēplabor? o qñ disrumpes, animi mei & corporis sedus, ut ille ab hoc vinculo tritius euolans, ad te solum, quem vincer dilexit, & cuius desiderio iā penitus cōflagrauit, perueniat? Surgam tandem olim, ab hoc angustō claustro, & per lustrabo immensum tuum Regnū: vel etiā tū ad niēm corporis tabernaculum descendes; & vel saltem per fenestrā, vel saltem per cancellos, aut rimas, quas in corpore meo ferreis cathenis diduxi, me circumspiciens, tuam mihi exeres lacem, tuoque me dignabere aspectu.

Dum sic cupidine ista multo tempore abhinc exstuat, Diuina illi reuelatio tandem affulget, non fore diuturnum temporis interstitium, quo de hac miseria valle, ad felicissimorum spirituum consortium efferendus esset, certo pollicetur, anno insequente Diuæ Virginis diem opperiatur: quo illa ē sepulchralibus fascijs euoluta, super celi axes elata est. Futurū, ut cui se totum viuens deuouerat, ipsius occurſu, a morticino hoc educeretur, diducereturq; ad patriam sempiternæ lætitiæ. Bono animo esse iubetur, pro agone & labore, coronam Regni sydeream proxime accepturus. Gaudebat hinc Hyacinthus lætitia inenarrabili, quod certus foret Deum sibi propitiū: quodq; videret sibi iam, & fugiendum esse ab ijs vebus, quorum fastidium, vitæ illi satietatem afferebat: & migrandum, eo quo iamdudum incredibili ardore festinabat, & cō perueniendum, quo immortales beatorum cetus, illi non oneri, sed æternæ voluptati esse possent. Quam ob rem corpore iam laborib; exhaustus, in morbum incidit, quem mortis esse præcurſorem accepit. Nihil ille tunc de consuetâ vitæ diuina detraxit: non præces imminuit, nō aliquid corpori refocillando dedit, niēdia nocte matutino officio quotidie interest, quotidie petrox & per diu in Ecclesia sacris operatur mysterijs, & multis alijs summa cū demissione assidit. Orant Fratres, se contineat cubiculo, concedat aliquā quietem vel fomentum corpori emortuo. Addendum est, ait ille, laboris plus quam antea. Landabo, ait, Dominum in vitâ mea, psallam Deo meo, quamdiu fuero. Itaque cum in omni vitâ, pietatis, religionis, & cultus Diuini studiosissimus fuisset, non prius desistere voluit, quam extremum spiritum edidisset.

## CAPVT VIGESIMVM.

*Testamentum Sancti Hyacinthi in extrema agritudine.*



ORBO vehementius ingrauescente, dum ex febribus ignis pestifer, intestini continuatione incendi, corporis robur ac vires magis absumeret, in peruigilio Assumptionis Deiparæ Mariæ, vocat omnes Fratres conuentus SS. Trinitatis, mira

F 2 sua



suæ voluntatis cum Diuina coniunctæ, & sui studij erga sacratam Religionem, necnon & amoris erga illos documenta daturus, atq; hæreditario iure relicturus. Ad sunt P. Benedictus Prior, P. Boguslaus Supprior, P. Hieronymus Aedituus, P. Ioannes Zarychius Lector, vnâ cum alijs Fratribus, à suo nouo Moysè, vltimæ voluntatis decreta, audituri. Hyacinthus Diui Patris Dominici exemplum secutus, monumento sempiterno, hæc extrema verba, in eorum cordibus insculpta esse voluit.

Dolorem, ait, quem ex meo à vobis secessu, ò mea viscera sustinetis, grauem esse, non possum diffiteri. Patris & Filiorum, quales vos habui, affectum quis nescit? Concedenda est naturæ, iam ætate & laboribus detrita: eundem, quo me auctor vitæ melioris vocauit. Quod autem, religionem, pietatem & cælestium studiū, ex meo hausas pectore virtutes attinet, fateri necesse habeo, vos dignos esse summa laude, dignos & glorioso laborum fructu. Si tamē semel à me acceptam viuendi normā, non reliqueritis, vel flagitijs quod absit, turpiter contaminaueritis. Quā ob rem illud à vobis maiorem in modum requiro, non modo peccatis, verum & occasionibus peccandi viam præcludite: quinimo summa contentione ad virtutem arduam adnitamini, & vbi labor, vel difficultas, vel obex sese vestro cursui ad cælestia obiecerit, non ipsam etiam mortem suffugiatis, causa religionis & pietatis conceptæ. Magnum est scio, vos nouellæ institutioni lubenti animo formandos subdidisse: præclarius tamen erit, iuxta professam virtutum ideam, omnia improba studia toto conatu pervincere. Vitam autem & salutem ob pietatis cultum in apertum periculum offerre, quia supremæ constantiæ est munus, summos vobis promerebitur honores. Ob oculos vestros, delineatā Patriarchæ nostri Diui Dominici vitam contemplamini. Contemplamini & amplissima illa Regni cælestis præmia, quæ vobis parata sunt, hoc studium virtutis, indefesso pede decurrentibus. Aspicientes & in auctorem, & in finem felicissimum, pergite quo cepistis animo, ad summum sanctitatis culmen. Inter cetera quæ à Patre nostro relicta accepimus, hæc ego quoq; vobis, in sempiternum memoriale relinquo: Humilitatem seruate, charitatem mutuam habete, paupertatem voluntariam possidete, virginitatem & castimoniam decus, illibato corde & corpore custodite: proximorum salutem curandam inuigilate: Religionis nouellæ amplificandæ studio vacate: Christianæ fidei & vnitatis, inter gentes barbaras & peruicaces propagandæ causa, nulli labori vos subtrahite: etiam in mortes ab efferatis vobis obiectas, pro Christi gloria, proq; animarum perentium salute, obnixo pectore ire, ruite. Hoc est testamentum æternæ hæreditatis. Ceterū quod vestrum dolorem attinet. Nolite, filij charissimi, flere super me. Compo-  
nite vultum & animum: ad Patrem meum, & vestrum, crastina die, eodē me vocante transite: non ad strictum aut horrendum iudicem. Gaudete potius, & mecum congratulamini, quod mihi viuere Christus est, & mori  
lucrum.

lucrum. Et hoc quidē ingēs . Pro perituris enim illis & fluxis rebus, quas vel contempsi, vel infracta patientia pertuli, ornāmēta verarū diuitiarū, affluentissimas bonorū delicias, sempiternamq; felicitatem, nullo vnquā temporis momento dissipandam ingredior. Faultum illum mihi diem, quo mundo nunciū remisi. Voluptatem ego nunc ingentem capio, quod olim Diui Dominici me disciplinæ dederim: quod asperā & incultam se quutus fuerim virtutis viā: quod ab ea, per Dei gratiā, nulla laborum magnitudine, aut acerbitate dolorū depelli potuerim. Felicissimas illas horas, quib. ego in iniurijs patiens, fortis in periculis, diligētior in cultu religionis; vigilans in mei custodia, inflāmus in Dei amore extiti. Beatas cathenas, quib. præinctus, ad verā libertatem euolo: Dissolui iā cupio, & esse cum Christo. Quod si vobis magis quam mihi timetis? æquiore animo citote, mea tantum vestigia impressa sequimini: ego ex isto corporis miserrimo carcere, Diuinæ voluntatis nutu expeditus, cū ea libertate ac felicitate fruor, quā nulla vnquā temporis circumscriptio metietur, ex altissimo cēlorum domicilio, vbi fidei remoto & retracto velo, cū incredibili gaudio, Deū præsentem intuebor, tanto melius vobis, qui in terra morabimini potero opitulari, quāto post obitum cum illo perēni bonorum fonte coniunctior ero. Interim Benedictio Dei omnipotentis, descēdat super domum istam, & prouinciam vniuersam, atq; omnes habitantes in ea, & maneat in sempiternum. Deo & eius sacrosanctæ Virgini Matri Mariæ, commendatos vos esse cupio, dulcissimi filij mei. Illachrymatus super eiulantes Fratres, eos ad osculum sacrum admisit. Magno & intolerando dolore dis cruciabantur Fratres, ex eius futuro obitu: quod viderent, Poloniæ decus, & orbis terrarum clarissimum lumen extingui, terris eripi, cœlestibus reddi. Totum illum diem, & per subsequētem noctem, obseruabant virum Sanctum. Ab eius latere & pedib. nulla ratione se diuelli patiebantur: omnes osculabantur sacratas manus, omnes verbum aliquod salutis ex ipsius ore adhuc audire: nonnulli beneficia à Deo optimo, per eius merita obtinere pētebant: quidam pro negligentijs commissis precabantur, vt eis misericordiam Diuinam imploraret, singuli autem circumstantes ex vultu ipsius penduli, quid de sideraret, quid vel saltem innueret aduertebant. Pietatem & in patre, & in filiis, tantam cui nullum verbum par inueniri potest, erat videre: dum isti obsequerentur, ille obsequia beneficijs cœlestibus se relaturum spondebat: illi Patrem, & Pater vicissim istos, sese mutuo vtrinq; & complectebantur, & solabantur, & Deo commendabant. Quod autem supererat illi eius diei, à cohortatione Fratrum, toto Diuino cultui, precibusque tum ordinarijs in choro, tum priuatis in secreto impendit, se suosq; Tutelæ Virginæ, cuius festiuitas instabat, ardentissima oratione insinuans & deuouens,

## Felix transitus Sancti Hyacinthi.

**I**AM media nox, in suo cursu transiens, dedit os saculo homines ad silentium, Religiosos autem ad laudes Deo cantandas vocabat. Hyacinthus vrgente acerrima infirmitate iam prope moriturus, nec tunc quidem cubiculo contineri potuit. In Ecclesia per diu perseverans etiam matutinis precibus interesse pergit. Prohibent laborantem Fratres, ne illa contentione morem sibi celerius accersiat, & quibuscunq; verbis morbo intransigentem senem, ad quietem impellunt. At nihil profecerunt, à modica requie resiliit è lectulo nemine nixus, & ad nocturnas laudes occinèdas processit. Ijs persolutis, cum morbo magis ac magis premeretur, licet quotidie sacra exomologesi se expiare consueflet, vocat tñ sacerdotē, & in Ecclesia genib. flexis, summo cum dolore, totius vitæ suæ rationem illi reddit. Animo per purgato, iubet vt ad maiorem templi aram, sacratissimum Sacrificium offerretur. Cui dum astitit, multas lachrymas profudit, partim ex humilitate, indignum se cēfens, tali Diuina dignatione; partim ex animi ardore, viaticum peregrinationis suæ exoptās, partim ex lætitia interna, quā perfundebatur, ob conceptam spem ætternæ nunc nunc felicitatis. Aderat iam instans, quo sanctissimo corporis Christi pabulo refici deberet. Ad aram ille, debilitatus licet morbo fuisset, conscendit. In terram mox prostratus, Deum altipotentem animo & corpore inclini adorat. Oratione Centurionis identidem reperita, Domine non sum dignus, vt sub meū tectum ingrediare. in lachrymas effusus, tundens senile pectus, Sanctissimum Domini corpus sumpsit viaticum per necessarium, ad illud iter extremum, in celestem patriam conficiendam. Viuo & immortali pane corroboratus, suo vasculo oleum sanctificationis infundi, Ecclesiæ scilicet Orthodoxæ vnctionem extremā postulauit: & ante gradus altaris, in eadē Ecclesia, illo ipso die quo migraturus erat è vita, admirabili mentis & corporis exaltatione eandē recepit. Recepta, horarias preces diurnas, cum Fratrib. complorantibus, ibidem prout poterat, deuote recitauit. Diligenter & pie tunc illi omnes fabulabantur, hic Crucem, alter sanctissimæ Deiparæ Virginis imaginem, ante oculos eius tenebat: ille aqua sacrata respergebat vicinum locum, alius Psalmos, orationesq; ceteras ei insinuabat. Cum iam tempus adueniret, quo reddere deberet illi animam, à quo eam ornandam accepit; in suā cordis & vultus aequiabilitate perseverans, subito se ad Deum conuertens, in Iesum nostræ salutis auctorem & conservatorem Crucis suffixum, oculos auidè defixit, ipsiusq; imagine manu dextera, & altera Beatæ Virginis sinistra manu correpta & ex osculata: tametsi eum deficeret spiritus, voces illas retulit: In manus tuas

tus Domine commendando spiritum meum. Ac magis & magis obstupescunt. sensibus, hebescente toto corpore, per angustias terræ atq; aride custodiæ cancellis, Diuina misericordia patefactis, ad lucē sempiternam, & amplissimos, æternosq; verē florentissimos cœlestis beatitudinis hortos, atq; ad Deum ipsum, inexplicabili & perenni dulcedine affluentem, e tenebris emergens euolauit, die Assumptæ Deiparæ, Anno Domini quinquagesimo septimo supra millesimum ducentellimum. Non hic spectra aliqua horribilia, aut furie terrentiæ infernalium spirituum, sed cœlestes exercitus, cœtatiū e cœlis delapsi visi sunt: ad Hyacinthi animā manibus excipiendam, inq; superas sedes efferendam. Adfuit illico Regina Sanctorum omnium Sole speciosior, immenso lumine effulgens, comitata Virginum & aliorum Sanctorum venustissimo cœtu. Adfuit & Sanctus Stanislaus Martyr, Cracouiensis Ecclesiæ Antistes, Beata quidem Virgo Maria, quam ille vnice dilexerat, ad manum sinistram deducebat Hyacinthum, in supetnam cœlorum domum: occurrentib. Angelis suauē canticum incipiens. Ibo mihi cum Hyacintho ad montem myrrhæ: quā cantionem, cœlestes cantores, nouenis choris prosequiebantur. Sanctus verō Stanislaus, & ipse Ioanni Prandothæ successori suo, tunc Diuina ritū solenni in cathedrali Ecclesiā celebranti, apparens, Pontificalib. indutus, voce iucunda similiter decantabat. Lux perpetua lucebit Sanctis tuis Domine. & perficientibus Angelis, suauissimum illum concentum, cum magno lucis splendore, gloriosum Hyacinthum, præcedentib. & subsequētib. Beatis spiritibus, ad immortalem gloriā inuexit: Summa hæc Hyacinthi felicitas reuelata est, & sanctissimæ cuidam Virgini Bronislaua, quæ annos totos quadraginta summa integritate in Monasterio vixerat: hæc per visum conspexit, ab Ecclesiā Sanctissimæ Trinitatis, in qua diem extremū clauserat Hyacinthus, viam lumine immenso strātā ad vique cœlo axem structam esse: qua Diua Virgo Maria, Hyacinthi animā prehensam ducebatur, ad locum sibi à Remuneratore piorum destinatum. Reuelata & Prandothæ Episcopo iterum, oranti à funere Hyacinthi. Nam obdormiscenti in ea oratione, species Hyacinthi coronati ac redimīti illi obiecta fuit: præter coronam auream geminis fulgentib. illam natam, beatitudinis summæ argumentum, gemina ferta cœlestib. intermixta floribus capite gestatis, quorum alterum Doctoris erat insigne, alterum Virginitatis ornamentum. Vix obierat, & sepulchro illatus fuerat, mar more compressus, duas istas prærogatiuas insignib. prodigijs demonstrare cepit. Quæ multorum mentes erroris caligine obrutas, radijs doctrinæ illustrabat: Super sepulchrum eius tres radij frequentes cœlo delapsi, alter ad caput, alter ad pedes, tertius super pectus sepulci Hyacinthi, à plerisque visebantur. Quæ vero in Virgine Dei matre, suspiciebat, adamat & emulabatur virginitatem: ex sarcophago suauissimum odorem diffundebat, quem inde effluere multi senserunt ac testati sunt, ad sepulchrum

*Julius Nigron. è Societate Jesu.*

thrum procumbentes deprecatur. Qua autem, fide & charitate fultus, potentiam Diuinam sibi olim in operatione miraculorū plene communicatam, plurimis editis signis demonstrabat: extemplo post mortē omnigenæ utilitatis admiranda patrare cepit. Et non vnius generis tantum, vt plurimi Sanctorum, sed omnium fere naturæ casuum, medelam & restorationem asferre pergit. Contusa membra solidat, confracta reficit, obducit vulnera caratrice, cæcis lumen restituit, claudos erigit in pedes, cancerum serpentem restringit, paralyticos viuificat, aqueum humorem eiicit, ardores febrium restinguit, sedat caducos morbos, phrissi consumptos restaurat, igne pestilentiali vel colica passione tortos liberat, aquas diluuij depellit, naufragantes liberat, bestiarum domat feritatem, venena corrumpit, molestissimas infirmitates sanat, insanos ferocissimorum demonum comprimit motus, morituros à seuisissima mortis incurſu præseruat: mortuos quoq; è tumulto ad vitam educit. Diem obitum eius anniuersarium, filij mœrentes candido lapillo notarant, in antiquo Martyrologio Leopoliē. conuentus, quem ipse viuens fundarat, in hæc verba, Anno Domini 1257. in die Assumptionis gloriosæ Dei genitricis Marię, hora nona, tempore Domini Prandothæ Episcopi Cracouiē. obiit sanctę memorię Pater noster F. Hyacinthus; qui fere quadraginta annis, laudabiliter & virtuosè, sicut à Beato Patre nostro Dominico didicerat, rexit conuentum Cracouiensem, & totam auxit, morib. & vita prouinciā.

## CAPVT VIGESIMVM SECVNDVM.

*Miracula à morte Sancti Hyacinthi.*

ERTABANT cum cœlitib. terrigenæ de Hyacintho vita functo; illi quidem vehementius gaudebāt ob adiunctū sibi nouum socium olim laborum, nunc præmiorum. Hi vero mœrore intolerādo. conficiebantur, ob ereptum sibi Patrem, Doctorem & miseriarum leuamen. Personabant plateæ atq; viæ publicæ, ciulatib. miserorum. O nos, aiebant, orphānos, & infaustam Poloniam: quis splendore doctrinæ, nostras mentes caligine obfusæ collustrabit? Quis iuuabit nos, apud communem omnium parentem? Quis pro nostris reatibus, misericordiam implorabit Diuinam? Quis tādē Deus, nobis nostrum nouellum Moysen, pro nostris animab. zelantē, nosq; cum irato iudice reconciliantē, è medio nostrū excidit? Auxit lugubres epicipias istorum, familiæ Zegotarum plangor. Die quo funus S. Hyacinthi curabatur, iuuenis ex stirpe eorum, in platea quæ à S. Florianō nomen tulit, pernecis cursus equo insidens, tādē furore illius deiectus, pedib. calcatus, & toto contusus corpore, expirauit. Multas lachrymas fuderunt parentes, vbi filium enormi casu extinctū aspexerunt.

Vigebat

Vigebat tunc in memoria eorum, facinus illud stupendum, quod Vislaū & Petrum, aquis praefocatos, S. Hyacinthus ad vitam reuocasset. Voluebant animo, misericordiam & potētiam Hyacinthi, quod is adhuc inter mortales positus, omnib. viscera patefaciebat amoris, supraq; naturā & mortem imperium tenebat. O si qua te Hyacinthe, ita cōpellebat, tenet cura mortalium, qui iam immortalitatis decus obtinuisti. Si non inanes, prout certissimæ sunt pollicitationes tuæ, ò Hyacinthe, quib. spōdebās. Ego ex isto corporis miserrimo carcere expeditus, ex altissimo cœlorū domicilio, tanto melius vobis qui in terra morabimini opitulabor, quāto post obitum, cum illo perenni bonorū fonte coniunctior ero. Si accessione beatissimæ charitatis, in patria cœlesti, non imminuta, sed maximū in modū amplificata est tua potestas: succurrite, quia potes, orbitati nostræ. Ingeminatis orationibus, spe maxima in S. Hyacinthū excitati, collisi iuuenis cadauer, ad sepulchrum eiusdē Sancti, recens ipso die sepulti, detulerunt: tumulo, plena cū fiducia, superimposuerunt, obstantes per eam quam viuens olim conceperat charitatē, ne votis eorū deesse velit. Quid tum? Quasi post vnus horē interstitiū, cūctis adspectantib. simulq; vehementer pauentib., & ex pauore mirantib., & ex admiratione lætitiā ingentem percipientib., iuuenis qui erat defunctus, viuus & sanus resurrexit. Nullumq; vestigiū aut collisionis, aut vulnere ex contusione, in excitato corpore apparuit. Mirandum erat in Regum historia, quod Helisei cadauer, contactu suo, mortuum iniectum, ad vitam reuocauit: longe hoc magis stupendum censeo Hyacinthi, quādo ex solius lapidis, non corporis contactu, mortui resurgunt. Quam ob rē non ita cœlos intrauit S. Hyacinthus, vt terrigenarum curā abijceret. Animo cōtemplās, deuotorū sibi clientum necessitates, adest apud Altissimum intercessor: adest & in terris opulator. Quod dudum Ecclesiastes de quodā Prophetarum. Pullulant ossa eorum, aiebat, de loco suo, hoc idem de S. Hyacintho verum est dicere. Quippe ad sepulchrū illius, à morte eiusdem, admiranda facinora: per continuos circiter quadringentos annos, semper patrabantur. Hyacinthus enim (vt Sigismundus I. Polonorum inuictissimus Monarcha, Leoni X. Pont. Max. scripserat) in vita trium mortuorū suscitor, egregijs factis, & VPR A HVMANVM CAPTVM DIVINA QVADAM OPE GESTIS, æternitatem meruit. Hyacinthus particeps vitæ Dominici existens, (scribebat Leo X. Craconiensi & Præmisiensi Episcopo) tã in vita, quam post mortē, MULTIS SEMPER CLARVIT MIRACVLIS. Hyacinthus & dū in humanis

Ecc. 49.

Elogia in  
S. Hyacinthum.Sigismundus I. Regis  
Polon.Leonis X.  
Pont. Ma.Clementis  
VII. Pont.

Max.

Stepha. I.  
Regis Pol.

G

Nihil

*Anna Regina.* Nihil hic dicam de Annæ pijsimæ Polonorum Reginæ in Hyacinthum encomijs, quod. f. splendescit in dies singulos, huiusce Dini sanctimonia, populi pietate miraculisq; insignis: quod inde apparet cuius, quanti & cuius viri fuerit comes & imitator. Siquidem à D. Dominico Polonus, in

*Geor. Radziuili Cardinal.* Poloniam missus, A postoli munus obinuit. Præteribo & Cardinalis Radziuili, in Hyacinthum prolatam fidem: quod scilicet miracula D. Hyacinthi, socij olim ac discipuli S. Dominici, quib. Dei beneficio claruit, adeo stupenda admirandaq; fuere, vt eorum fama, vniuersam fere Christianorum orbem repleuerit. Tacebo & illud, quod Illusterrimus Regni Polo-

*Stanislaus Carconij Archiep.* niæ primus Princeps Stanislaus Archiepiscopus de Hyacintho perhibebat. Vitæ Hyacinthi Sanctitas, operumq; admirandorū multitudo & magnitudo, quib. cælestis vir ille viuus, mortuusq; claruit, quæq; non modo à Maiorū Patrumq; nostrorū memoria, ad nos deuenerunt, sed nostra etiā ætate quotidie fere perspiciuntur. Præclarū est illud Petri Mytkouij Cra-

*Petri Mytkouij Episcopi Cracouien.* couienſis Antistitis, de eodem Hyacintho testimoniū: quod scilicet eo fama Sanctitatis illius, & miraculorū processit, huius vt amplissimi Regni, vicinarūq; nationum sinib. non conclusa, vniuersam Christianā Rēpublic. peruasit, & omniū mortaliū, qui de illius factis audiuerē mentes, summā in admiratione rapuit. Nec immerito certe, ait. Pauci. n. in sacrarum literarum monimentis, miraculis claruisse leguntur, quæ D. Hyacinthū fecisse non modo accepimus, verum etiam ipsimet oculis nostris conspeximus. Nam vt ea omitam (subiungit idem Antistes) quæ illi cū alijs Sanctissimis viris cōmunia fuerunt, quod carcos illuminauerit, leproſos mundauerit, sanauerit ægrotos, multa; alia admiranda miracula, Diuina fretus potentia fecerit: illud modice attingam, quod paucis Sanctis in vitā contigisse legimus, tres à morte ad vitam reuocauit: vita vero sanctus, & vsq; nunc, magnis claret miraculis. Addidit Hilarion Rangonius: Inexorabili mortis Voragine, **QVINQVAGINTA QVATVOR** absorptos mortales, ad eam diem, qua in Apotheosum Sanctorum relatus est, sua ope Hyacinthus, vitā reddidit.

Tempus me deficeret, si omnia per eum miracula gesta recensere pergerem: quem ego quoque indignus, non semel de vita priclitatus, primum quidem in morbo à medicis deplorato, & nuper in vorticoſo flumine iamiam demergendus, affuisse mihi auxiliatorem persensī.

Et in morbo quidem anno Domini 1601. In ardentissimā febrim incidi pridie nonas Octob. Causa fuit, concussio, ex bis suscepto itinere difficillimis annitēporibus in Urbem, innumerisq; in ea ementis laboribus, prouinciæ tuendæ gratia. Regredior secundo Cracouiam, ad vltimum Septembris, & ciuitas peste laborabat. Ad supplicationes multorum, die festo solenni Sanctissimi Rosarij his Cōcionem in Ecclesia ago. Sequenti luce, leui febricula, doloreq; capitis, nonnihil metentari tentio. Suspicio pestem, in suggesto hauitum. Frequentissimus enim Auditor

tor adfistens erat. Supprieorem conuentus confulo. Inconfulto ille medico (nam nullus in ciuitate infecta tunc aderat) profert acriorē quam morbus postulabat medicinam. Antimonium præparatum fuit. Lancinat me illud desumptum, inq; febrem vehementissimam conijcit. Hinc maior suspicio pestis conceptę innascitur. chirurgus vocatur, qui venam quam primum secat, adest, aperit, sanguinem copiosorem exhaurit, irritat humores, febrem accendit, quæ ad trimestre me excussit, dolore intolerando lateris dextri adiuncto, suppurabantur interiora. Orationibus Sancti Hyacinthi à febre liberor, ipso die Sanctæ Lucie. Secundo & iterum recido in morbum grauiorem ex incuria. Multis medicamentis voratis, non sumptis, epotis non libatis, sed frustra, balneum calidius ingredior. Suppuratio hinc lateris resoluitur. Excreare incipio sanguinem grumofum in frusta concretum, noctibus & diebus singulis libras ad minus quinq; sex. Inde à medica manu desperor, morti iam destinatus; Sextus iam tunc mensis agebatur deciduæ aggritudinis, quo infra paucos dies consumendus eram. Rebantur vel pulmones, vel epas, vi febrium combustum, inq; pus conuersum reiectari, & quia violenter, & in tantâ copia, citam fore mortem mihi portendi iudicabant. Et indicio erant, pulsuum ictus, ad brachium fere retracti, frigescensq; totum corpus, frustra ignibus admotis. Iam ergo accingor ad mortem Sacramentis omnibus pro extremo viatico, de more Religionis procuratus. Adsunt Fratres animæ exitum orationibus præcludentes. Votis igitur Diuo Hyacintho, humiliter sponso, non sine admiratione omnium, qui me languentem inuisebant, à præsentissima morte liberor.

In fluuio vero, anno præsentis 1606. die 15. Februarij. Eorundem provincie Poloniæ negotiorum causa, à Patribus iussus, pergebam ad Urbē. Prætereo alpes Carniole, Foroiulium ingressus, Taruissium propero. Die supra numerata, accedo Anaxum fluuium (Tarnis finis Piaue dictum) nungente pluuiosoq; cælo, partim ex resolutione niuium, partim ex pluuiarum frequentibus aquis redundantem, & in plures ramos dispersitū; nemine ductore ad iter, nullo nauclero ad vadum transeundum reposito, vnâ cum socio, transeo alterum & tertium torrentem, fluminisurgentis: quartus trames aderat, latitudine non multum nimia, at aquarū impetu & altitudine superq; excedens. Hortante socio, in Dei nomine committimus nos vndis, equorum fortitudine, nandique eorum peritia freti; dum in medio amne sumus, aquæ incrementis, equum sub me impellunt, rapiuntq;: natate ille cupit, habenas ego, consilij inops restringo, socius iam euaserat: fluctibus equus obruitur, & non nisi extrema cæpit ab aquis pandit. ego quoq; equo insidens, deorsum aquis rapientibus trahor. Sancto tandem Hyacintho sæpe sapius inclamato in subsidium, alterum litus arripio, suoque extra periculum, qui iam periculum præfens sustinebam.



## CAPVT VIGESIMVM TERTIVM.

*Sanctus Hyacinthus in Apotheosim Sanctorum refertur Ecclesie ritu solemniori, à Summo Pontifice Clemente VIII.*



**N**VNQVAM virtuti sua defuere præmia, honoresq; promeriti. Romanis celebre fuit, illos qui Reipublicæ, vel amplificandæ, vel ornandæ causâ, præclara aliqua gessissent, vel pietatem iustitiæ iunctam, multiplici ac vario argumentorum genere, exercuissent, encomijs, panegyricis, elogijs attollere, statuas ex Pario lapide, quin & ex argento & auro effictas, pyramides præaltas, obeliscos, arcus triumphales eis erigere, perpetuitatiq; nomina illorum consecrare, & in Concilium Deorum referre. Veri etiam Dei cultoribus, idem semper studium exitit, maiores suos ob virtutem insignes, laudibus ornare, Diuinisq; honoribus dignari. Hinc Syracides, Abelem & Enochum innocentie ideas, Noe mundi reparatorem, Abrahamum Fidei Parentem, Isaacum obedientie exemplar, Iacobum longanimitatis, Iosephum castimonie, Moysen mansuetudinis, Phineen iustitiæ, Iosue, Caleb, Samuelem, Dauidem, Eliam, Eliseum, Ezechielem, & alios aliarum virtutum cultores, propter illustria acta, propter innocuam viuendi rationem, propter Diuino quodam ordine conseruatam religionem & sanctitatem, in Album Sanctorum retulit. Fecit & Paulus ille in tertio cælo excultus disciplinis, qui innumeros Sanctos, iisdem honoribus, eademque Apotheoli dignatus est. Monebat Sapiens: Laudemus viros gloriosos, & parentes nostros in generatione sua. Nomina eorum viuant in generatione & generatione, Sapientiam ipsorum narrent populi, & laudem eorum nunciet Ecclesia. Faciebat & semper Ecclesia, ob vitam recte gestis præclaram, vel propter sanguinem pro Christo effusum, Diuinis homines afficiens ornamentis.

*Eccl. 49.*

*Hebr. 9.*

Non inuidit eandem gloriam Sancto Hyacintho, licet sere, sed maxima cum gratulatione totius orbis, propter vitam ab eodem innocentissime actam, & varijs, atque innumeris prodigijs illustratam, catalogo Sanctorum qui publice ab Ecclesia coluntur & inuocantur, illum adscribens.

Hæc est vitæ ipsius ratio, à Sanctissimo Clemente Octauo Pontifice Maximo, in Tabulis Apothecolis eiusdem, plus vere, quam ex Tripode, orbi vniuerso denunciata.

*Bulla*

CLEMENS Episcopus seruus seruorum Dei,  
Ad perpetuam rei memoriam.



**B**ENEDICTVS Pater misericordiarum, & Deus totius consolationis, qui dilectam filij sui sponsam Catholicam & Apostolicam Ecclesiam perpetua regit providentia, atq; his luctuosis tēporibus multis erumnis & calamitatibus afflictam, multiplici etiam gaudio, ex Sanctorum suorum gloria consolatur.

Vere. n. magna existit spiritualis latitiae materia, cum Deus illustra seruorum suorum merita, ideo mundo manifestat: vt dum illis vbiq; terrarum veneratio tribuitur, Deus ipse in Sanctis suis mirabilis praedicetur. Nam cum aliqui serui Dei, excellenti vitæ sanctitate, & miraculis insignes, iam cum Christo in caelo regnantes, in terra quoque, summa Romani Pontificis auctoritate Sancti esse declarantur, Rex ipse sempiternae maiestatis & gloriae, in Sanctorum concilio glorificatur: Diuini cultus obseruantia augetur: fidelium pietas & deuotio excitatur: detestanda & haereses magis magisque conuincuntur: plures populo Dei ad virtutis exemplum & suffragij patrocinium proponuntur, vt quod fideliter petimus, id efficacius multiplicatis intercessoribus consequamur. Quare magna Dei benignitate, ante paucos annos factum est, vt à sel. rec. Sixto Papa V. praedecessore nostro, ex Seraphici Patris Francisci Religione, Beatus Didacus Hispanus in Sanctorum numerum referretur. Et nunc vicissim ex Beatissimi Patriarchae Dominici disciplina, Beatus Hyacinthus Polonus, Sanctis pariter Christi confessoribus adscribatur. nimirum vt duo clarissimi Ordines, vnde tot pij ac Sancti viri Catholicae Ecclesiae lumina prodierunt, nostra quoque etate, duplicato Christiani populi gaudio, honore consimili augeatur. & duae istae lucernae, fide & signis mirabilibus luminosa, & charitate ardentes, supra excelsum candelabrum collocatae, in domo Dei colluceant. Et nos quidem, cum multis alijs in rebus, tum in hoc etiam Diuinæ gratiae abundantiam agnoscimus; primum quod nos ipsos Deus, veluti oculos testes, in hac religiosa causa esse voluerit. Nam cum ex numero essemus Venerabilium Fratrum nostrorum S. R. Ecclesiae Cardinalium, & Apostolicae Sedis de Latere Legatione in Polonia fungerentur, vidimus Craconiae insigni loco sepulchrum Beati Hyacinthi, in quo venerandum illius corpus, in somno pacis requiescit. & Regni illius erga hunc Beatum virum singularem deuotionem perpeximus. Deinde etiam in eo diuitias bonitatis Dei praedicamus, quod ita disposuit, vt hoc pium & salutare Canonizationis Beati Hyacinthi negotium, ante annos quinq; & septuaginta, religiosis Poloniae Regibus, Regnique Ordinibus supplicantibus inchoatum, & à pluribus Rom. Pont. praedecessoribus nostris, varijs progressionibus promotum, tandem qui nostrae humilitatis ministerium; qui Poloniae Regnum peculiari paterna dilectionis affectu cōplectimur, omni ex parte absolueretur.

Anno

Anno siquidem humanæ salutis M. D. XVII. s. l. rec. Leo Papa X. prædecessor noster supplicationibus rec. me. Sigismundi Primi Poloniæ Regis, tunc in humanis agentis, de Beato Hyacintho Polono Ordinis Fratrum Prædicatorum, fidei integritate, morum sanctimonia, & miraculorum fama, in vniuerso Poloniæ Regno percelebri, in Sanctorum numero referendo, inclinatus. bo. mem. Ioanni Episcopo Laodicensi, & Iacobo Canonico Cracouiensi, vt in eius vitam & miracula diligenter inquirerent, suis quibusdam literis mandauit. Qui pro suo Apostolicæ Sedi obtemperandi studio, vniuersæ illius vitæ & miraculorum rationes in Acta retulerunt, eaque anno etiam Domini M. D. XXI. Leone prædecessore prædicto vita functo, ad piæ memoriæ Clementem Papam Scptimum, etiam prædecessorem nostrum transmiserunt. Quibus quidem actis diligenter perspectis, ac etiam ipsius Sigismundi Regis supplicationibus, idem Clemens prædecessor adductus, dum de tota re maturè decerneret, Fratribus Ordinis Prædicatorum dicti Regni, vt postridie Festiuitatis Assumptionis Beatissimæ Dei Genitricis Virginis Mariæ, Solennitatem atq; Officium, ac Sacrosanctum Missæ sacrificium, in eiusdem Beati Hyacinthi honorem celebrare, atque etiam imagines & Altaria illi, in omnibus Ecclesijs domorum suarum præfati Ordinis statuere possent, concessit. Et deinde prædicto Sigismundo Rege, id etiam postulante, eandem concessionem, ad omnes dicti Regni Cathedrales Ecclesias, quoadusque ad canonizationem dicti Beati Hyacinthi deuentum esset extendit. Cæterum, consilio de Canonizatione huiusmodi, ob quasdam tunc obortas difficultates, per id tempus intermisso, anno similiter Domini M. D. XXXIX. tunc existentes Præsules eiusdem Regni in Synodo Petricouiensi per eos celebrata congregati, vnanimi consensu, dicto Clemente prædecessore defuncto, per literas Sanctæ mem. Paulo Papa Tertio, similiter prædecessori nostro supplicarunt, vt ad huiusmodi Canonizationem perficiendam, suam & dictæ Sedis auctoritatem impertiretur. Quorum supplicationi, idem prædecessor annuens, tribus Venerabilibus Fratribus suis S. R. E. Cardinalibus, Ordinum Prioribus, negotium Canonizationis huiusmodi rursus examinandum commisit. qui & ipsi, pro assiduis Sigismundi Regis, necnon Prioris Prouincialis dicti Ordinis in prædicto Regno tunc deputati supplicationibus, quibus nempe id petebant, vt in ipsius Hyacinthi fidei sinceritatem, vitæ sanctitatem, & miraculorum, quorum indies in dicto Regno fama augebatur, excellentiam, diligenter iterum inquireretur, ad quosdam ipsius Regni probatos viros, hoc negotium detulerunt. Qui concessionibus Apostolicis super ea res factis, alijsque omnibus quæ ad Canonizationem prædictam pertinebāt, attentè consideratis singula maturè examinata, in publica documenta redegerunt. denique summa fide collecta, ad dictam Sedem transmiserunt. Postmodum idem Paulus prædecessor, Fratribus dicti Ordinis eiusdem Regni etiam concessit, vt ipsi officium de dicto Beato Hyacintho, singulis quintis ferijs, in quas nulum Festum proprium incidret, perinde ac si esset in Sanctorum numerum re-latus, quemadmodum de S. Dominico singulis ferijs tertijs fieri solet recitare,

ac illius ossa & corpus exhumare, ipsumque in sublimiorem locum Ecclesia transferre possent. Postmodum labente anno Domini M. D. I. XXXIII. clara mem. Stephani Poloniæ Regis, de eadem Canonizatione apud sæl. rec. Gregorium Papam XIII. pariter prædecessorem nostrum, dum in humanis ageret supplicatione intercedente; ac interea illo vita functo, Charissimi in Christo Filij nostri Sigismundi Tertij Poloniæ Regis, ac Charissimæ etiam in Christo Filia nostræ, Annæ Poloniæ Reginae, necnon dilectorum Filiorum nostrorum, tunc suorum Georgij tit. S. Sixti de Radziuil. & Andrea de Somlio tit. S. Angeli in Piscina, Batorij nuncupatorum Cardinalium, & Venerabilium Fratrum nostrorum Archiepiscoporum & Episcoporum, caterorumq; totius Regni prædicti Ordinum status, tam Ecclesiastici quam secularis votis ac precibus, a sæl. rec. Sixto Papa Quinto, etiã prædecessore nostro, per dilectos filios Stanislaum Rescium, eiusdem Sigismundi Regis apud eundem Sixtum Internuncium, necnon Fratrem Hyppolitum Mariani Beccaria de monte Regali, Magistrum Generalem totius Ordinis Prædicatorum, ac eius nomine Fratrem Bartholomeum de Miranda, tunc Procuratorem Generalem eiusdem Ordinis, ac demum Fratrem Severinum Cracouiensem, eiusdem causæ, nomine Provinciæ & Regni Poloniæ, ad id constitutum Procuratorem supplicatum fuit, ut ipse eundem Beatum Hyacinthum pro sanctitatis suæ fama, quam miraculorum accessio, in dies magis magisque confirmabat, in Sanctorum numerum, veteri Ecclesiæ Romanæ ritu, & præscripta sollemnitate cooptaret. Idem vero Sixtus, prædictum processum, super huiusmodi re confectum Congregationi Venerabilium Fratrum nostrorum, tunc suorum S. R. E. Cardinalium super Sacris ritibus deputatorum examinandum commisit. Coram quibus, idem Sigismundus Rex, & vniuersi Regni prædicti Status Ecclesiastici, necnon ipsius Ordinis Prædicatorum Religionis professores, nonnulla Scripturarum ac iurium volumina, duoque processus super ea re formati exempla protulerunt. Vnum videlicet, è sæl. rec. Pauli Papæ Quarti, etiam prædecessoris nostri, qui vnus ex tribus Cardinalibus in Ordine Prioribus, à prædicto Paulo prædecessore, ad id deputatus fuerat, scripturarum monumentis depromptum: alterum vero ex ipso Regno, simul cum libro, tum vetustatis auctoritate, tum vitæ ac miraculorum eiusdem Beati Hyacinthi diligenti expositione probato, allatum. eo quid illud ad fidem propositis de rebus faciendam firmitus, quod esset præstantium virorum literis obsignatum, & longo annorum spatio, in Archiuo Cracouiensi eiusdem Ordinis Prædicatorum, tanta cum fidei laude asseruatum, ut illo tanquam certi testis opera, summæ auctoritatis homines, semper dubijs in rebus viceretur. Cuius rei fidem, vel hoc ipsum augebat, quod alterum alteri, tum rebus, tum sententijs omnibus, tam apte respondebat, ut nihil, vel similis, vel congruentius excogitari posse videretur. Quæ quidem vniuersa, citato Fiscii Procuratore recognita fuerunt. Idem porro Sixtus Prædecessor, Tribus causarum Palatii Auditoribus, doctrinæ & vsu rerum præstantibus, ad hoc nominatim deputatis mandauit, ut de iisdem illis iuribus, ac processu exemplis cognoscereut, & Con-

clusiones

clusiones inde pro more colligerent. *Qua in re, cum diu multamque illi operam suam exercuissent, eodem Sixto, sicut Domino placuit, viam vniuersæ carnis ingresso, sæl. rec. Gregorio Papæ XIII. prædecessori etiam nostro retulerunt, producta itra plenissima esse fidei, atque auctoritatis, processumque omnem ad Canonum præscripta fuisse confectum, atque ex eo Beati Hyacinthi, Fidei integritatem, vitæ sanctitatem, & miraculorum, ex quibus ætopotissimum consideranda proposuerant, claritatem, manifeste ducere. Qua quidem re, ad Venerabilium etiam Fratrum suorum S. R. E. Cardinalium, super Sacris ritibus tunc deputatorum Congregationem, ut & ipsi, quid de ea reserterent, in medium afferrent, eiusdem Gregorij insu remissa; iidem Cardinales attente examinatis, allatarum à prædictis causarum Auditoribus, conclusionum argumentis, ac Fisci Procuratore semper citato atque audito, seruatiq; etiam seruandis, unanimi consensu eorundem Auditorum, super Scripturis, iuribus, & processus exemplis exhibitis, relationem approbavit, & rationes quibus de illius Fide, vita & miraculis constaret, longe firmissimas esse iudicavit. Accessit denique recens, & æquitatis, ac pietatis plena postulatio, eiusdem Sigismundi Tertij Regis, qui etiam Suetiæ Rex existit, quique Legationis nobis, ac Sedi Apostolicæ obedientiæ præstandæ causa, Dilecto Filio insigni viro Stanislao Minski Palatino Lenciciensi, apud nos, & dictam Sedem Oratori suo, nuper delata, nihil eum vehementius à nobis hoc tempore flagitare iussit, quam ut negotium istud, ad optatum tandem, & suis atque Christi fidelium eiusdem Regni Poloniæ supplicationib. consentientem exitum perducamus. Cuius quidem Beati Hyacinthi, vitæ omnis ac rerum, quas Deus eiusdem tum viuentis tum defuncti intercessionis ac meritis gessit, narrationem hoc loco pro nostro munere toti Ecclesiæ proponendam duximus. ut inde non solum ad Diuinitatis laudes prædicandas, atque ad Christianam Religionem, firmiore pietatis zelo seruandam Christi fidelium animi excitentur: verumetiam, eo nomine ingentes gratiæ ab omnibus Christi fidelibus Deo agantur. quod Beati Hyacinthi prædicti sanctitatis, quanquam grauius de causis antea probatam, & multis miraculis illustrem, Publica tamen ipsius Apostolicæ Sedis, quam Spiritus sanctus regit & gubernat, ac nostra sententia, omnino confirmari hoc tempore voluerit.*

NATVS igitur est B. HYACINTHVS in Polonia, in villa quæ Camienis appellatur, Vratislaviensis Diocesis, ante annum Domini, Millesimum ducentessimum, ex Nobilibus, & Christianis parentibus. Sed quibus vitæ, virtutum, ac miraculorum splendore, longe ipse perluxerit.

Inuentis ætatis tempus, ijs primum literis, quibus ætas illa informari solet, impertiuit. in quibus, cum tantum profecisset, quantum ad altiore disciplinam capeffendam, satis sibi esse videbatur, animum statim ad Theologiæ & Iuris Canonici studia adiunxit. magno sane & admirabili cum fructu, ut qui non multo post Cracouiensis Ecclesiæ Canonicus factus, ita inter Ordinis sui viros excelluerit, ut propter eximiam eruditionem, cum præclara & insigni pietate

pietate coniunctam, tanquam ardens lucerna, ceteros clarissimo virtutum suarum lumine collustraret.

Ab luone deinde Cracouiensi Episcopo Patruo suo Romam perductus est. ubi una cum Cestao ipsius consanguineo, & Hermanno Theutonico familiari suo, à S. Dominico Roma tunc degente, eiusdem luonis rogatu, qui de Hyacintho ac duobus alijs regularis vitæ suæ instituto imbuendis, cum ipso egerat; per exiguo tempore, omni illius disciplina egregie instructus, in eiusdem Sancti Dominici Ordinem nomen dedit, habituque de manibus illius suscepto, & expresse illius Regulam professus in Poloniam tandem cum socijs rediit. Quo in itinere, cum vsq; ad Civitatem Trifacensem permisisset, verbo simul & exemplo, tantum illic profuit, ut ipsis sex mensibus Monasterium dicti Ordinis, multis ibidem Fratribus, & Hermanno illis Proposito, relictis construxerit.

Inde Cracoviam reversus, alio ibi eiusdem Ordinis monasterio erecto, Dominicana Religionis crescentem paulatim Familiam propagavit. Mox ad aliam eiusdem Polonia Regni Prouinciarum salutem cogitatione conuersa, quatuorq; alijs professionis suæ monasterijs, varijs in locis ædificatis, omnes, tunc verbi Dei prædicatione, tum vitæ suæ innocentia, in sui admirationem excitauit.

Summa denique hæc est: quam à S. Dominico eiusdem Religiosi instituti Auctore, tanquam è purissimo fonte hauserat vinēdi rationem; eandem ipsum, ad extremum vsque vitæ diem, sanctè & religiosè seruasse. Nam siue Christianæ humilitatis species ante oculos proponatur; eo nihilerat demissius, nihil modestius, siue castitatis ac virginæ pudoris imago pulcherrima desideretur, illo nihil purius, nihil candidius fuit. Si denique vera in Deum & proximos charitatis forma exquiratur; illius charitate, nihil potuit absolutius, nihil perfectius exoptari.

Quanta porro in corpore castigando, utque ad seruitutem redigendo illius fuerit seueritatis; singulæ noctes inditio fuerunt, quibus sese, vsque ad sanguinis profusionem affligebat. Qua vero continentia & moderatione, in victu omni fuerit; præter ferias sextas, Beatissimæ etiam Dei Matris Mariæ Virginis, & Sanctorum Apostolorum vigiliæ, ad vnam omnes declarant, quibus excepto pane & aqua, nihil omnino gustabat. Diuini autem Numinis propitiandæ tanta cura, tantæque sollicitudine tenebatur, ut totas noctes in Templo fundendis ad Deum precibus insomnis persæpe consumeret. Et si quando inedia ac sopore fessis, & cadentibus membris, somnum capere cogebatur; aut stans, lapidi tantum Altaris innixus, aut iacens, humi scilicet prostratus quiescebat.

Et quoniam nihil magis quam otium, homini præsertim Religioso vitæ admodum esse sentiebat: idcirco quicquid temporis vacuum illi ab Oratione supererat, id omne, partim colendis Sacris studijs, partim hædilis Concionibus, partim confessionibus audiendis, partim etiam agrotis inuisendis, partim denique Deo & proximis seruiendo impendebat. Cuius quidem singularem susceptæ vitæ rationem, quæ Cælestis potius, quam humanus vix merito reputabatur, frequens mul-  
torum, quise eius precibus & orationi commendabat, ad eum concursus, atque

H adeo

*Miracula* adeo nona indies rerum ab eo gestarum præstantia, & pleraque miracula, minime obscura declarât. In quibus, ut cætera quæ innumera prope sunt omittamus, cuiusdam Petri ex villa Possouij oriundi, resuscitatio proponenda primum occurrit, quem rapidi fluminis impetu ex equo deiectus, & in aquis omnino submersus, cum eius corpus altero die iam latens, inexpectato ex ipso flumine prodisset, Deus ob merita & preces eiusdem Beati Hyacinthi statim ad vitam renouauit.

*S. Hyacinthi.*

1. Cuiusdem quoque sanctimoniam, mulier quædam Iudith nomine egregie ostendit, quam cum paralysis morbi vis elinguem prorsus ac mutam reddidisset, nullaque ratione vocem emittere ullam posset, tandem Beati viri intercessione assequuta est, ut lingua & sermone liberè vteretur.

3. Prædicandi autem Euangelij causa, cum ad varia passim loca se conferret, ac propterea ad Vandalum flumen, Vissogradum Massonia vrbe, redundantibus aquis præterfluens, aliquando peruenisset, nullo Nautæ, nulloque nauigio, quo trans amnem veheretur ad illius ripas conspecto, Diuina ope implorata, & Crucis signo communitus, comites ad iter per medios fluctus alacriter prosequendum hortari hunc in modum capit. Eia, inquit, Filij. Sequimini vestigia mea in nomine Christi. Quo dicto, statim in flumen, siccis vestigijs se immisit. Verum socijs, præuntem illum sequi metuentibus, extenso pallio aquam regens. Agite, inquit, Filij charissimi. Sit iste nobis pons Iesu Christi, per quem in nomine eius transeamus. Itaque flumen illud altissimum simul ac rapidissimum, vna cum socijs incolumis traiecit.

4. Quodam tempore etiam, cum per agros villæ cuiusdam, Diæcesis Craconiensis, inopum ac pauperum hominum segetes, iniuria grandinis lasas passim ac disiectas videret, non prius sibi ab Oratione temperauit, quam easdem incolis, intactas atque integras reddidisset.

Longum esset cæteras res ab eo, dum vixit gestas perenumerare, ut cui toto vitæ cursu nullus vnquam dies effluxerit, quo non præclara aliqua ediderit, Fidei, pietatis, innocentie, cæterarum omnium Sacrarum virtutum documenta. Quo quidem vitæ genere, ad quadraginta propemodum annos perducto, cum tandem cuperet dissolui, & esse cum Christo, in vigilia festiuitatis Assumptionis Beatissimæ Dei Genitricis ac Virginis Mariæ, Fratribus Monasterij Sanctissimæ Trinitatis Craconiensis accersitis, moriturus sese definito die prædixit: eosque appropinquantis sui discessus nuntio perculos, amantissime consolatus, valere in Christo, Deumque in vita perpetuo timere iussit. Postridie igitur, præter ac Canonicis precibus recitatis, & Sacrosanctis Sacramentis Ecclesiæ summa cum veneratione perceptis, cum versum illum, extremo iam vitæ spiritu pertransisset, In manus tuas Domine commendo spiritum meum, in Domino obdormiuit, eiusdem Domini Anno M. CC. L VII. die XV. mensis Augusti.

Audita eius morte, cum magna multitudo hominum, siue prosequendi, siue contingendi corporis, siue per eum Diuini auxilij expectandi causa, siue alio Christianæ pietatis officio, ad Sanctissimam Trinitatis Monasterium

eiusdem

eiusdem Ordinis Prædicatorum, sepulchro ipsius religiosum ac celebre confl-  
 uisset; Deus in cuius conspectu, gloriosa est mors Sanctorum eius, Zegotam quen-  
 dam nobilem Polonum, qui ex equo, quem forte agitabat, miserrime excussus, <sup>Post mor-</sup>  
 effractus & contusus totius corporis membris statim obierat, ad Beati Hyacin- <sup>tem circa</sup>  
 thi sepulchrum, eo ipso quo mortuus est die, à parentibus allatum, ob eiusdem <sup>funus.</sup>  
 Beati Hyacinthi merita, & preces, non solum in vitam denno excitauit, ve-  
 rum etiam pristina & valetudini, & integritati ita restituit, ut in eo, ne mini-  
 me quidem læisionis reliquum ullum vestigium appareret. Cuius miraculi fa-  
 mam, alterius etiam exitus auxit. Infantulus enim, quem mater mortuum edi-  
 derat, à Patre, ad Beati viri tumulum translatus, cum primum is pro filio lo-  
 rose Deo pie obstrinxit, magna cum omnium admiratione viuere statim cepit.

Accessit illud quoque admirabile ipsius in Vrsulam quandam factum. Que  
 cum maximis deplorati morbi doloribus toto biennio iactata, eotandem deuen-  
 nisset, ut omnis melioris valetudinis spe abiecta, ipsos iam menses duos, nullo  
 amplius cibo, sed aqua duntaxat vitam tueretur; Agneta tandem filia, Beati  
 Hyacinthi opem suppliciter implorante, optatam salutem recuperauit.

Postremo cuiusdã Barbare Cracouiensis femina, quæ ex partu in hydropisim  
 inciderat, ita ut iam de illius salute, ab omnibus esset desperata valetudo, nul-  
 la prorsus humana medicina, sed vnus Beati Hyacinthi, cui sese commenda-  
 uerat, pietate ac meritis redintegrata, eximiam serui Dei sanctitatem clare  
 confirmauit.

Quibus sane signis, multisq; alijs ad eandem Beati Hyacinthi sanctitatem  
 aperte comprobandam pertinentibus rebus adducti; ac præterea constanti om-  
 nium Ordinum dicti Regni, & eiusdem Sigismundi Tertij Regis, ac Dominica-  
 næ Religionis petitioni satisfacere cupientes: cum id maxime, idem Sigismun-  
 dus Rex, per prædictum Stanislaum Minskij, suum apud nos Oratorem, ipse ve-  
 ro Dominicanus Ordo, per dilectum filium, Fratrem Ioannem Vincentium  
 Asturicensem, eiusdem Ordinis Procuratorem Generalem à nobis postulauit, ut  
 quoniam, quæcunque ad Acta & processum Beati Hyacinthi spectabant, ex  
 huius Sanctæ Sedis præscripto expedita ac perfecta erant: Nos, quibus ea de re  
 statuendi potestas à Deo est tributa, ad huiusmodi negotium definiendum, om-  
 nes auctoritatis Sanctæ Sedis Apostolicæ & nostræ partes conferremus, de eo  
 ipso, non prius tamen quam rebus omnibus diligenter, ut par est, circumspice-  
 tis, hoc tempore nobis decernendum esse existimauiamus. Crebris igitur ac diu-  
 turnis supradictorum Venerabilium Fratrum nostrorum S. R. E. Cardinalium  
 Congregationis Sacrorum Rituum cõsultationibus, hac ipsa de re, etiam nostro  
 tempore habitis, & processu omni ex Sacrorum Canonum præscripto, ab eis-  
 dem viso & examinato. quin etiam viris in Sacra Theologia ac Põtifício iure  
 versatis, in consilium adhibitis; cum nihil iam desiderari videretur secretum  
 Consistorium indiximus. In quo Venerabilis Frater noster Alphonsus Episco-  
 pus Hostiensis, Cardinalis Gesualdus, cum suo & cæterorum Cardinalium Sac-  
 rorum rituum nomine, omnia ad eam rem spectantia, exactè ac prudenter ex-

H 2 plicasset,



plicasset, id demum in summa retulit. De Beati Hyacinthi Fide, vita ac miraculis, se & Cardinales Collegas suos sentire, omnia probata esse, quæ ad Canonizationem, ex Divini iuris præscripto pertinerent, eamque ob causam posse Beatum illum (si idem nobis videretur) in Sanctorum numerum cooptari.

Qua quidem re intellecta, vehementer in Domino letari sumus, quod ad augendam servii sui dignitatem, facultas nobis hoc tempore offerretur. Nullam igitur officij partem, ad peragendum tanti momenti negotium prætermittendam nobis esse censentes: veteri Romanorum Pontificum prædecessorum nostrorum exemplo adducti, mandavimus, ut de re ad exitum perducenda, pro ipsius gravitate diutius deliberaretur. Itaque aliquot dierum spatio interiecto, Publicum Cōsistorium hanc ob rem indiximus, non modo Venerabilium Fratrum nostrorum S. R. E. Cardinalium consensu, sed etiam Patriarcharum, Archiepiscoporum, Episcoporum & Prælatorum cæterorumque familiarium nostrorum Conveniunt frequens.

In quo quidem Dilectus filius, Cynus Campanus Cōsistorialis Aula nostra Advocatus, res gestas & Beati Hyacinthi virtutes, Fidei ipsius sinceritatem, vitæ sanctitatem ac miracula, oratione de more est complexus. ac deinde eiusdem Sigismundi Tertij Regis, totiusque Polonia Regni ac Religionis Dominicane nomine, ut ipsum in Sanctorum numerum referremus, suppliciter, a nobis postulavit. Quod cum præsentibus ipsi audivissemus: dictum Sigismundum Regem, cui nunc maxima duorum præstantium Regnorum moles incumbit, ideo de Beato Hyacintho inter Sanctos aggregando incredibiliter laborare, ut nimirum nova sibi suisque Regnis firma apud Deum intercessionis patrocinia cōpararet. Itaque respondimus in tam sollicita, tanquam constanti, Optimi ac Pissimi Regis postulatione, inesse eximiam illius Religionis significationem, haud animi sui virtute alienam; neque indignam præstanti eius Divini cultus amplificandi desiderio. Diximus etiam, permagna nobis esse voluptati, eoque animum nostrum ad gratias Deo agendas vehementer excitari, quod quibus servis sempiternæ beatitudinis præmia iamdiu in cælis sunt tributa, eosdem etiam in terris ab hominibus coli velit Deus. ut Christi fideles vel illorum intercessione celestia auxilia facilius promereantur: vel eorum imitatione expeditius, ad caelestem, qua ipsi iam perfruuntur, gloriam perducantur. Summa denique responsionis nostra hæc fuit, nobis quidem esse constitutum, gravissima petitioni illius non deesse; causam tamen magnitudinem obflare, quo minus in summa ipsius, totiusque sui Polonia Regni voluntates res ipsa a nobis adhuc præstari possit: ut quibus eadem de re cum venerabilibus Fratribus nostris S. R. E. Cardinalibus, & cæteris Episcopis diligenter tractandum esset. Quo circa eosdem Cardinales & Episcopos etiam atque etiam monuimus, ut non solum quacunque hac ipsa in causa versarentur, omni studio adhibito examinarent, verum etiam coniunctis precibus Deum deprecarentur, ut mentibus nostris lucem præferret, adeo demum agenda, a quibus Divina illius gloriæ amplitudo, & totius Ecclesiæ utilitas augeretur. Hisce deinde perfectis rebus, Cōsistorium secretum

finis

rursus indiximus; in quo etiam Patriarchæ, Archiepiscopi, Episcopi, qui tunc  
 in vrbe erant, ac nostri & Sedis Apostolicæ Notary, & Sacri Palatii Audito-  
 res, mandato nostro vocati adfuerunt. Tunc igitur nos pro nostra & Sanctæ  
 huius Sedis, in qua à Deo collocati sumus, auctoritate & potestate, & pro sin-  
 gulari Spiritus sancti in eandem Sedem, cuius ipsa infallibili sapientia guber-  
 natur, presidio, ea diximus, quæ ad rem propositam, atque ad illius temporis  
 rationem, imprimis accommodata esse videbatur. Postremo, cum eisdem Cardi-  
 nalibus, cæterisque Episcopis egimus, ut præcise responderent, Vtrum ex pro-  
 cessu, & ex rebus in eo comprehensis ac probatis, Beatus Hyacinthus Canoniz-  
 andus videretur. Ac primū quidem ydem Cardinales, deinde & Patriarchæ,  
 ac deinceps Archiepiscopi & Episcopi, suo quisque ordine, concordibus senten-  
 tijs censuerunt; Beatum Hyacinthū, ex rebus, quibus omnis illius vitæ processus  
 cōstat à nobis optimo iure, Sanctōrum numero esse adscribendū. Itaque quod vnum  
 iam restabat ex talibus, tamquam inter se consentientibus suffragijs, Deo bo-  
 norū omnium Auctori gratias agentes, ac lati, verum tot ab hinc annis ceptarum  
 felici successu, diem Canonizationis præfiximus, ad Decimum Quintum  
 Calendas Maias, Dominicam scilicet in Albis. cum nimirum Paschalis solem-  
 nitas Festiuitate concluditur, nouella germina sanctitatis regenerantur, Neophi-  
 torum habitus immutatur, Paschales denique, idest, Indulgentiæ ac remissio-  
 nis dies celebrantur. vt tot tantisque celestibus præsidij adiuti, melius ac fa-  
 cilius nostro munere fringeremur. Vrbe igitur ipsa Dominica in Albis, hodiepi-  
 scopi scilicet dies illuxit, nos & ydem Cardinales, necnon Patriarchæ, Archiepi-  
 scopi & Episcopi, qui in Capellam nostrā Pontificiam nobiscum ad id conuene-  
 rant, sacris vestibus induti, hymno, Ave maris stella, ad honorem Beatiss. Virgi-  
 nis Mariæ, cuius opem tunc maxime inuocandam duximus, inchoato, eodemque  
 illo ab eiusdem Capellæ nostræ Cantoribus ad finem vsque deinceps decantato,  
 alijsque etiam Romanæ Curie Prælati & officialibus, familiaribusque nostris,  
 vna cum cæteris totius Ecclesiastici Sæcularis & Regularis ordinis viris, lon-  
 go pioque ordine præcuntibus, omnes cum ardentibus cereis, ad illius gloriam,  
 qui sua luce & splendore Cælos, ex Palatio nostro Apostolico summa cum ce-  
 lebritate processimus; ad Basilicam Principis Apostolorum, tunc magno vndi-  
 que ornamentorum apparatu instructam; adeo vt singularis latitiæ specimen  
 omni ex parte præferret. Suggestus enim, loci amplitudine insignis eiusdem  
 Regis, & Dominicani Ordinis impensis extructus ibi primum eminebat, in quo  
 Altare ad Sacrosanctum Missæ sacrificium solemniter a nobis celebrandum,  
 è regione erectum cernebatur. Templi deinde parietes insignibus Auleis, au-  
 ro & bombyce intertextis obtekti erant. Omnis præterea interioris Basilicæ  
 ambitus, accensis vndique cereorum flammis collucebat. denique suspensa de  
 tholo ac trabibus vexilla Beati Hyacinthi Sanctissimæ Dei Genitricis Ma-  
 riam Virginem flexis genibus venerantis effigiem spectandam proponebant.  
 Nos igitur in eam Basilicam magna omnium Ordinum frequentia ingressi, at-  
 que in ea superna & Beatæ vrbis Hierusalem quasi sub aspectu positam pul-  
 situdinem

chritudinem intuentes, in suggestum primum, ac deinde orandi causa ad Altare, ac postremo, ad Throni, ibidem ut moris est ad dextrum latus erecti Sedem peruenimus. ubi eosdem Cardinales, Patriarchas, Archiepiscopos, & Episcopos, cum Sacris vestibus obedientiam nobis præstantes exceperimus.

Tum idem Stanislaus, præfati Sigismundi Regis Orator, Jemel, iterum ac tertio postulauit, ut Beatum Hyacinthum in Sactorum numerum refretremus. Nos ad singulas ipsius petitiones, Litanijs ac Sacris Hymnis per tria distincta intervalla recitatis preces adiunximus. Denique omnibus rite ac pie peractis, quæ hac in re alij Romani Pontifices predecessores nostri seruanda esse statuerunt, Sanctoque Spiritu, cuius Dinino numine Ecclesiæ afflata nunquam fallitur, multis cum precibus inuocato.

Decretum  
Canoniz.  
S. Hyacin-  
thi.

Ad honorem Sanctæ & indiuiduæ Trinitatis, ad exaltationem Fidei Catholicæ, ac Christianæ Religionis augmentum, Auctoritate eiusdem Dei Omnipotentis, Patris & Filij, & Spiritus sancti, Beatorum Apostolorum Petri, & Pauli & Nostra, de Fratrum nostrorum Cõsilio, decreuimus & definimus hoc. Beatum Hyacinthum Polonum Ordinis Fratrum Prædicatorum, Sanctum esse, ac Sanctorum Cathalogo adscribendum. Sicut per presentes definimus, decernimus & adscribimus. Statuentes ut ab vniuersali Ecclesiâ anno quolibet, in die XVI. Augusti, Festum ipsius, & Officium, sicut pro vno Sancto Confessore non Pontifice ad formam in rubricis Rom. Breuiarij præscriptam deuotè & solemniter celebretur.

Insuper eadem auctoritate, omnibus verè penitentibus & Confessis, qui annis singulis, eodem die Festo ad sepulturam in qua eius corpus requiescit, deuote acceperint, necnon Ecclesias & Altaria in ipsius honorem constructa deuote visitauerint, easdem indulgentias & peccatorum remissiones concessimus, & elargiti sumus, quemadmodum concedimus & elargimur, quæ cæteris dicti Ordinis Monasterijs & Ecclesijs, in diebus festis eiusdem Ordinis Sanctorum iam concessæ sunt.

Quibus rebus ad S. Hyacinthi Canonizationem necessarijs absolutis, & hymno ad laudem Dei & gratiarum actionem decantato, ac Diuina ope per eiusdem Sancti viri intercessionem deuota ac pia precatione, quam ipsi recitauimus implorata, tandem eodem in suggestu & Altari Missam solennem de Octaua Dominicæ Resurrectionis, cum eiusdem Sancti Hyacinthi commemoratione celebrauimus. & omnibus Christi fidelibus qui huic Canonizationi & Missæ interfuerant, ad laudem Dei, & Sancti sui gloriam, plenariam peccatorum suorum indulgentiam concessimus. Quocirca omnes Iesum Christum Dominum nostrum collaudemus, agnoscamusque, summa eius bonitate euenisse, ut in hoc perturbato rerum statu, noui apud Deum intercessoris meritis ac precibus adiuuari valeamus. magno quidem illud esse debet ad bene sperandum omnibus argumento, quod rem à tot Poloniæ Regibus, ipsisque Regni Ordinibus, iamdiu expectatam, communibus piorum ac religiosorum hominum votis ubique optatam, à plerisque etiam Romanis Pontificibus predecessoribus nostris suscepam, hoc tempore

tempore perficiendi facultatem nobis tribuerit. Itaque Deum in Sanctis suis  
mirabilem deprecemur, ut Sancto Hyacintho suffragante Ecclesia sua pacem  
& tranquillitatem, Regibus, & Principibus Christianis unionem, obsecatis  
haereticis Catholicæ veritatis viam ostendat, miseris infidelibus Christiani no-  
minis baptismus Orthodoxæ Fidei lucem largiatur. Ceterum quia nimis diffi-  
le foret præsentibus nostras originales literas ad singula loca, uti opus esset defer-  
ri, volumus ut earum transumptis, etiam impressis, manu Publici Notarii sub-  
scriptis, & sigillo alicuius personæ in dignitate Ecclesiastica constitutæ muni-  
tis, eadem ubique fides habeatur, quæ ipsis præsentibus, si exhibita & ostensa  
essent haberetur. Nulli ergo omnino hominum liceat, hanc paginam, nostrorum  
Decreti, Definitionis, Ascriptionis, Mandati, Statuti, Concessionis, elargitionis  
& voluntatis infringere, vel ei ausu temerario contraire. Si quis autem hoc  
attentare præsumperit indignationem Omnipotentis Dei, ac Beatorum Petri  
& Pauli Apostolorum eius se noverit incursurum. Datum Roma apud S. Pe-  
trum, Anno Incarnationis Dominicæ. Millesimo Quingentesimo Nonagesi-  
mo Quarto, .XX. Cal. Maij. Pontif. nostri Anno Tertio.

Ego Clemens Catholicæ Ecclesiæ Episcopus.

† Ego Alphonsus Episcopus. Ho-  
litiensis. Card. Gualdus.  
† Ego Innicus Episcopus. Por-  
tuensis. Card. de Arragona.  
† Ego M. Antonius Episcopus.  
Prænestinus. Card. Columna.  
† Ego Ptolomeus Episcopus. Tu-  
sculanus Card. Comensis.

† Ego Gabriel Episcopus. Sab. Car. Palæotus.  
† Ego F. Michael Episcopus. Albanensis. Card.  
Alexandrinus.

† Ego Iulius Antonius tit. S. Bartholo-  
mæi in Insula Card. S. Severinæ Ma-  
ior Pœnitentiarius.

† Ego Hieronymus tit. S. Sufannæ Pres-  
byter Card. Rusticinus.

† Ego Petrus tit. S. Hieronymi Illyrico-  
rum, Presbyter Card. Beza.

† ————

† Ego Alexander tit. S. Prædix. Card.  
Florent.

† ————

† ————

† Ego Augustinus tit. S. Marci Presby-  
ter Card. Veronensis.

† ————

DEV. S.	PROTECTOR		NOSTER
	Sāctus	Petrus	
	Sāctus	Paulus	
	Cle-	mens	
	Papa	VIII.	
ASPICE			

† Ego Simeon tit. S. Anastasie Presbyter Card. de Terra noua.

† Ego Scipio tit. S. Saluatoris in Lauro Presbyter Card. Lancelotus.

† Ego Henricus tit. S. Pudenzianæ Presbyter Card. Caietanus S. R. E. Camerarius.

† Ego Ioannes Baptista tit. S. Io. & Pauli Presbyter Card. Castrucius.

† Ego Dominicus tit. S. Grisogoni Presbyter Card. Pinellus.

† Ego Antonius Maria tit. S. Agnetis in agone Presbyter Card. Gallus.

† Ego F. Constantius tit. S. Petri in monte Aureo Presb. Card. Sarnanus.

† Ego Antonius tit. S. Stephani Presbyter Card. Saulus.

† Ego Euangelista tit. S. Matthæi in Merulana Presbyter Card. Cosentinus.

† ————

† Ego Ioannes Franciscus tit. S. Mariæ in via Presbyter Card. Maurocenus.

† Ego Marianus tit. S. Petri & Marcellini Card. de Camerino.

† Ego F. Gregorius tit. S. Augustini Presbyter Card. de Montelpeto.

Ego

† Ego Paulus tit. S. Cæcilie Presbyter Card. Sfondratus.	Presbyter Card. Saxus.
† Ego Benedictus tit. S. Marcelli Presbyter Card. Iustinianus.	† Ego Franciscus tit. S. Mariæ Transpontinæ Presbyter Card. Toletus.
† Ego Augustinus tit. S. Laurentij in pane & perna Presb. Card. Cusanus.	† — — — — —
† Ego Franciscus Mariæ tit. S. Mariæ in Ara cœli Presb. Card. à Monte.	† — — — — —
† Ego Octavius ti. S. Alexij Presb. Car. Paravicinus.	† Ego Alexander S. Laurentij in Damaso Diaconus Cardin. Montaltus, S. R. E. Vicecancellarius.
† Ego Philippus tit. S. Onuphrij Presb. Card. Placentinus.	† Ego Ascanius S. Mariæ in Cosmedin Diac. Card. Columna.
† Ego Hieronymus tit. S. Pancratij Presbiter Card. Mattheus.	† Ego Guido S. Eustachij Diac. Cardin. Pepulus.
† — — — — —	† Ego Odoardus S. Adriani Diac. Cardin. Farnesius.
† Ego Flaminius tit. S. Clemētis Presb. Card. Platus.	† — — — — —
† Ego tit. S. Mariæ Angelorum Presbyter Card. Borromæus.	† Ego Antonius Diac. Card. SS. Quatuor Coronatorum.
† Ego Lucius tit. S. Quirici & Iulitæ	† Ego Petrus S. Nicolai in carcere Diac. Card. Aldobrandinus.
	† Ego Cinthius Diac. Card. S. Georgij.

M. Vestrius Barbanius.

Sebastianus Marcha Notarius R. apud Marcellum Secretarium.

## CAPVT VIGESIMVM QVARTVM.

*Offa Beati Hyacinthi pululantia ex Mausoleo suo in Ecclesia Sanctissimæ Trinitatis.*



**E**CCELESIAM & Conuentum Cracouiensem Sanctissimæ Trinitatis præcipue exornat insignis sepultura S. Hyacinthi Confessoris tutelaris Poloniæ. Proinde reuersus ad eandem Ecclesiam quisquis es viator, ad manum laeuâ ingressus Ecclesiæ ascende per hos altissimos gradus ad eiusdem D. Hyacinthi prominens Sacellum, monumentum hoc quod cernis ex alabastro perlucido, & alio subfuso artificio cum materie decertans, sarcophagum est S. Hyacinthi Thaumaturgi Poloni. Poloni dico, non tantum Poloniæ. Vides & audis quomodo pullulât ossa Hyacinthi de loco suo. Vides quo gemina hæc preciosissima lapide licet obruta, stupendas tamē virtutes ubiq; terrarum post apothecosim operatur. Placet ex innumeris quæ aspeximus & didicimus, aliquorum reminisci, quæ tū in Hispanijs, tum in lectissima Italia, alijsq; amplissimis prouincijs per hæc fere tēpora, post Canonizationem, S. Hyacinthi inuocatione, miranda patrata sunt. Bononia felicissima illa studiorum, mater totius Italiæ florentissima ciuitas, mille plus minus milliaribus disiecta est à monumēto hoc Hyacinthi,

thi, totidem fere Venetiārū vrbs, Placentia, Ferraria, Mutina, Parma, Cremona, Mantua, Mediolanum, Casalī Montisferrati: maiori verò interstitio Florentia, Sena, Camerinum, siue Camertum Vmbriæ, Roma & Neapolis. In ijs tamen & alijs vrbibus remotioribus, non modo ægri sanitate, verum & mortui vita precibus S. Hyacinthi, postquā is catalogo Sanctorum adnumeratus est, donati sunt.

Quo die referebatur Hyacinthus in album Sanctorum, anno Domini 1594. Rodigij apud Fratres Minores; ad imaginē Sanctissimæ Virginis, energumini nescio quo spiritu acti, proclamantes accurrebant. Hodie (inquiiebant) in Ecclesiam introducitur, quidam qui magnā castris nostris inferet cladē. Non sua sponte dæmones, nemine tamē extra exorcizante, sed Iacinto iam radios fulgoris sui per Italiam exerente, ab obsessis fugiebant. Ex tunc Icona illa miraculis indes fulgere cepit.

Florentiæ in dicta solēnitate S. Hyacinthi prima post Canonizationē, multam tunc lētitia vniuersa ciuitas, demonstrare nitebatur. Adornabāt magnificentissimo apparatu Ecclesias Ordinis nostri S. Mariæ Nouellæ, & S. Marci: Sabæos odores ubiq; suffumigabant. In omnibus fere turrib. copiosos ignes accendebant, lētitia ingentis indices. Inter hæc solemnia contigit quendam ex eminente turri S. Marci misere delabi in terrā. Fractæ erant ex lapidum & hominis casu aliquot tegulæ, Ecclesiæ, & Conuentus quā parte ceciderat ille. Tamen ille oratione S. Hyacinthi, cui festiuos honores parabat, infractus & illæsus ad terrā vsq; decidit. Ex qua illico profiliens ad ecclesiam incolumis & ouans processit, & nouis affectibus populos in Sanctum Hyacinthum inflammatos, nouo in se demonstrato miraculo ad nouam lētitiam inuitauit.

Ibidem quædā Monialis S. Dominiçi in Conuentu S. Catherinæ phry si diuturna iam fere cōsumpta, eodem pene tempore per vota S. Hyacintho nuncupata subita miraculosē sanitatem recepit.

Anno autem præfenti quo hæc scribimus, scilicet 1605. apud mōtem quem Varcum vocant Florentini, puer quidam in cellam vinariā, aquis ex imbrium vehementi decursu redundantē, è scalis cadit, obruitur, præfocatur. Diu alibi quæsitum, nec n. putabatur illuc cecidisse, tandē reperit mater, sed iam exanimem & turgidum: animi gratia aderat illic ciuis quidam Florentinus cum vxore, qui sorte fit obuiam matri necē pueruli deplorati. Explicat illi afflictæ matri quæ miracula D. Hyacinthus indes patrat, ad vota sibi sponsonā, ad hæc eandē debilem hortatur. Paret mulier, vota spōdet, supplicat, filium suum à mortuis viuum surgere videt, grates ingentes Deo & Sancto Thaumaturgo perfoluit.

Soncinni agebatur eadem solēnitas S. Hyacinthi anno Domini 1594. die 15. Iunij, aridam tubicem quidam habens manum, quæ nec victū quærere, nec cibos ori inferre poterat, accessit ad altare Sancti Confessoris, suppliciter exposcens Hyacinthū, sibi quoq; non deesse dignetur, sed vi-

u. do rore, desiccatos irrigare neruos, manumq; contractam rursus extēdere, & primo robori restituere velit. Dum in oratione persistit, ecce proficius quasi vincula quædam manus suæ contracta persensit: mox manum ac si nullo vnquam affecta fuisset malo protendit, prima sanitate recuperata.

Eodem anno die 16. Augusti, quæ S. Hyacintho consecrata solēni cæremonia à Mediolanensib. colebatur, dum statuam D. Hyacinthi Fratres religiosissimi ex conuentu S. Eustorgij in processione deferunt, quidā pater duas suas filiolas, diuturna & graui infirmitate confectas, Sancto cōmendatis, illico è lecto & infirmitate exilientes læsus aspexit.

Venetijs alter in Sanctum Hyacinthum nuper canonizatum, & ab vniuerso orbe summa cum animi alacritate in Patronum receptum, maledicam vibrans linguam, cum plurima indigna in eum protulisset, febris ardentissima correptus, totus exarsuans ardores inferni sustinere sibi visus est: Ad se reuersus, oratione ad S. Hyacinthum profusa, vt in se quoq; beneficium, quod in alijs etiam morbo afflictis ostendere velit, ab ea flamma ereptus est.

Ibidē Illustrissimi Bragadini S. Marci Venetiarum Procuratoris coniunx, pedum maximis cruciatibus multo tempore vexata, ita vt nec incedere, nec loco consistere posset antea, post supplicationes Hyacintho factas, doloribus abactis, vltimum eorum integerrimum obtinuit.

Anno 1595. intempesta nocte S. Antonij Confessoris, nauis quædā Veneta in Ionio mari periclitabatur, nymbus enim seuissimus excitatus, omnia conseruandæ & tuendæ nauis instrumenta partim fregerat, partim conuulsarat, vela disciderat, euulserat arborem, antennas disruperat, rudentes omnes minutatim distraxerat funesta illa tēpestas. Quodq; maius, nauclerum Bernardinum vocatum, in puppi pene exanimatum, restis ventorum furij impulsus in profundū pelagi septem passibus longius à nauigio eiecit. Obruebatur immensis fluctibus nauis exarmata. Nauclerus in abyssum deiectus pene iam absorptus fuerat, vbi ad D. Hyacinthū confugit, ipsius implorās suffragium, illico ei præsens adfuit. Apparuit supra fluctus visibili specie calcans vdo pede furibundas aquas, læuam tempestatem maris cohibuit, rudentis parte correpta, manus, Bernardino naufraganti porrexit, illum per septem passus incolumē ad nauim reduxit, sedatisq; procellis, vento prospero, & secūdis fluctibus Venetias sospitē comitatus est, tale testimonium votiua Diuo Hyacintho rabula perhibentem. A.D. 1595. la notte di S. Antonio io Bernardino trouandomi in mare con vna gran fortuna sopra Corsū (Corcyrea est in pla.) la scota mi buttò piu di sette passi de nauilio in mare. lui chiamando S. Giacinto glorioso, lui mi porse il cao della scota in mare, e così son liberato.

Alter a nauis Veneta, quam Triuifanā vocant vulgares, anno Domi-



ni 1597. die 26. mens. Februarij, in sinu Tarentino fluctibus maris agitabatur, maximū in modum, tempestate enim grauissima subito exorta, nautæ omnes vehementilimè consternati, ex animo penitus secesserunt. Non hic quispiam sua obibat munera, nullus retrahebat vela, nullus anchoras in profundum gurgitem iactabat, non naclerus flecebat gubernacula, vnus alterum præ immensa fluctuū iactatione non conspiciebat. Nulla omnino spes euadendi periculum fuit, oēs siquidem quasi inferni voraginem sibi apertam arbitrabantur. Carolus eius nauis naclerus, multos Sanctorum primò in auxilium vocarat, vbi tamen nullum sibi ad eū cōspexit auxilium S. Hyacinthi exoptulat interceptionem. Videres tunc, cum primum vota nuncupauit Hyacintho, quod de repente furentes venti in suas se cauernas abdiderunt: statim tumidi fluctus sedati, & naufragantes liberati sunt. Fidei ab eodem Carolo data ea series est: Io Carletto patron, con la naue Triuisana, in golfo di Taranto, alli 26. di Febraro, 1597. fui assaltato, da vna fortuna crudelissima, per la quale tutti s'hauemo visto persi, & tutti abbandonati. Doue ricorri al Signor Dio, vodà domi alla gloriosissima Vergine Madre sua, & a S. Giacinto, subito del tutto fussimo liberati, cessando immediate la fortuna. Et questo ho riceuuto per gratia speciale, oltre tante altre hauute & riceuute dal Sig. Dio, per intercessione della glorios. Vergine, & del glorioso S. Giacinto.

Nuper quoq; scilicet anno D. 1603. die 6. Octob. Venetijs, mulier quædam magno cum vitæ discrimine, puerum exanimatum peperit, cū Diuò Hyacintho deuouet, vitæ redditum miraculose letabunda accipit.

Bononiæ vero Anna de Coradinis morbo caduco acerrimè vexata, post supplices preces Hyacintho oblatas, à tam tetra malo liberata est.

In eadem vrbe Franciscus Trebilus manus inflata dolores maximos, votis Hyacintho factis simul cum tumore fugauit.

Dionysius Pas, Camillus ex Vrsinorum familia Margarita Vrsini dote re vehementissimo capitis Bononiæ discruciat, meritis S. Hyacinthi subleuari sunt. Vnus ibidem ex Illustrissima Maluciorum familia dolore gravissimo pedum, multis annis laborans, contractus, Hyacinthi oratione primæ sanitati restitutus fuit.

Non hic commemorabo Reuerendissimum Oliuetarum Generalè, quem iam oleo Sancto perunctum, viā vniuersæ carnis ingredi incipientem, Hyacinthus Bononiæ à porta mortis reduxit ad vitam.

Non eiusdem vrbis Satellitum præfectum: non duorum Nobiliū Bononiensium filios, non Barbatium perillustrem ibidem Bononiensem, vltimum agentes spiritum, per Hyacinthum à seuisissimæ mortis incursum præseruatos, & quasi iam ex tumulo erutos, proponam.

Proponam quod quidam in eadē vrbe vitæ functus, vitæ redditus est, sub annum Dominicæ incarnationis 1596. Ioannis Libbij Bonon. ciuis, Ioannes Iacobus filius quidpiam ludicri agens in domus altissimo sola-



rio (aiunt insecutum esse selem) de eminentiori fenestra in terram deorsum vsq; decidit: accurrunt parentes ad pueri casum, vehementissimè moti, atq; conturbati. Ad quem ubi veniunt, nec vnum verbum ab eo extorquere possunt, linguæ enim vsus statim ex grauissima collisione amiserat. Non ploratus aliquos vel singultus ex puero audiunt. Pectus siquidè contusum fibras occluserat vocales. Sanguinem tantum, ex oculis, naribus, ore, & auribus, & ex vulnere manare non stillare circumspectantes, iam iam animam spirare existimant. Non illa tantum hora horrendum spectaculum de se præstiterat miserabilis puer, illo toto integro die, & nocte sequente decubuit lecto, vsu loquelæ penitus amisso. Discerpebatur animo ex angustia parens, ciulatibus omnia complebat familia, vel mortem leuem & citam, non tantopere diuturnum cruciatum pulsionis, vel suos prius cinere sepulchri operiri oculos, ne miserandam tragediam conspiceret, optabat mater. Illuxerat altera dies, puer grauius ægrotare, & torqueri miserabilius cepit. sanie & sanguine repletum guttur, anhelitum illi præcludebat. Tandem paulatim tabescentibus artubus, extremum exhalauit spiritum. Hinc in lamenta resoluta mater fugientem animam persequitur, exanimis pene effecta in terrâ cadit, vocibus tragicis suam infelicitatem deplorans. Quid faciat, & quemadmodum animam pueri ad exangue corpusculum reuocet, perquirat. Venit illi tandem in mentem S. Confessor Hyacinthus, quem insignibus miraculis clarissimè in Sancti Dominici Ecclesia inaudierat, & aspexerat. Mox prostrata cum lachrymis animo merenti quidem, sed inflammato eius opem queritar. Miserere, aiebat afflictæ ancillæ, quæ ad tuum confugit patrocinium, ne despicias, oro, peccatricem hanc, quæ tuis aduoluit pedibus, succurre orbitati nostræ, spem meam quam in hoc filiolo meo locaram in eo collapsam erige. Subueni tandem & huic innocenti pulsioni, pro quo tuum posco patrocinium. Potestati tuæ, nihil esse vel difficile, vel impossibile, stupendis in nostrates mirabilibus gestis declarasti, declara & in me desolata, demonstra & in isto dira morte contuso infante. Nô vana fuit matris supplicatio, neque frustra lachrymæ profusæ. Cum primò ardentissimas Hyacintho fudit preces, is qui mortuus fuerat, reuixit, & post dies decem, quibus propter fibras gutturis sanguine concreto repletas, nil loqui poterat, perfectam à morte salutem, & membrorum sanitatem integrâ recepit: Tabella altari S. Hyacinthi Bononiæ appensa hæc in verba testatur, miraculū esse patratum. Anno D. 1596. à 27. d' Agosto, Gio. Giacomo figliuolo del M. Giouanni di Libbi, cadendo giù d'vna fenestra altissima il giorno seguente stette vn' hora morto, & giorni diece senza parlare, fu raccomandato al glorioso S. Padre Hyacinto, da suo padre, & così fu liberato. Latino idiomate is est tenor, fidei à parentibus in tabella prolata. Ioannes Iacobus Ioannis Libbij filius, ceciderat ex altissima domus fenestra, die sequenti vltimum obiit diem, postquam vnus ho-

re spatio exanguis iacuillet: diebus vero decem loquendi vsu priuatus esset. S. Hyacintho commendatus tandem sanus & incolumis parentibus restituitur. Hæc in Bononiensi amplissima ciuitate, acta esse, atque pub. tabul. consignata proprijs aspeximus oculis.

Placentiæ itidem (quæ Lombardiæ opulenta est ciuitas) quendâ puerum octo horarum spatio exanimem mortuumq; intercessione D. Hyacinthi ad vitam eodem anno reuocatum, vniuersi ciues apud ædem Prædicatorum ad eiusdē Sancti aram, miraculis fulgentem innumeris aspexerunt. Aspexerunt & sub eadem fere tempora Camertes ciues alterum mortuum Sancti Hyacinthi suffragijs à feretro ad vsuram lucis exsuscitatum.

Sed & Casalenses Montisferrati aspexerunt Carolum Zanchetum (is erat miles præfidiarius Ducis Mantuæ) ex grauiissima febre mortuum, ope Hyacinthi implorata rediuiuū. Iacuit is vna die & nocte defunctus. Mœrore perdita mulier, post multos ploratus S. Hyacintho vota spondet, si scilicet suum maritū à morte ad vitam excitare dignaretur, lychnum ad altare ipsius singulis Sabbathis perpetuo accendere, tor deinde sacra persolvere, voti soluendi gratia promittit. Virum postea nomine Hyacinthi compellat, vt ad vitam redire velit per Hyacinthi nomen obtestatur. Et ecce ad vota ore mulieris Hyacintho sponsonsa, nomenque Hyacinthi auribus mortui ingeminatum, qui exanguis decumbebat, repente surrexit: adq; Hyacinthi aram accurrens, vota nuncupata exoluit. Aspexit hoc miraculum Paulus Maria Brignanvs Sacræ Theol. Lector, aspexit & P. F. Dionysius Raymundi Finariensis, aspexerunt & vniuersi Fratres Cœnobij S. Dominici Casalensis, ad prodigium adspectandum congregati. Aspexit & vniuersa Cafalis, tabellam & lampadam, ex tolo pendilem ad altare S. Hyacinthi. Anno Domini 1594. mens. Septemb. affixam & appensam, quibus Carolus Zanchetus testimonium dabat, se vitam functum, meritis & intercessione S. Hyacinthi, rursus ad vitam resuscitatum.

Iam vero Romæ Tiberium Ceulum ciuem amplissimum, sub tempus Canonizationis suæ ad extrema vitæ deductum, propter vota sibi dicata ab desperata infirmitate, ipsiq; mortis faucibus sanitati vitæq; reddidit Thaumaturgus Hyacinthus.

In Hispanijs quoq; multa admiratione digna operatur Hyacinthus. Sub annum domini 1596. Hispalim amplissimam ciuitatem fluius æstu maris retrocedēs, immensaq; mole aquarum turgens, totam fere obruebat. Pro solenni celebratione tunc indicti futuri generalis Capituli, præfens tunc aderat Reuerendissimus Pater Generalis Magister, Prædicatorum Hippolytus Maria de Monte regali. Qui consilio diuinitus quidem inspirato compassione super miserandos ciues commotus, quin & periculo præsentissimo adactus, Processionem cum suæ religionis, Conuen-

tus S. Pauli Fratribus, instituit, vt cum Diui Hyacinthi sacrosanctis reli-  
quijs quas religiosa pietate gestabat patrociniū eius implorantes ad  
vīq; proximē labentes aquas exirent. Inspecatum prodigium, vbi San-  
cti Hyacinthi opem qualuerunt, & vbi cum eius sacro tosse brachij, ad  
aquis tumentes, saeuientesq; processerunt deuoti Religiosi, illico exi-  
lientes vndā, ac si flabro discussae, in momento horae in vastam maris a-  
byssum cœperunt.

Proluxior essem si recenserem illa miranda Cæsaraugusta facta, post-  
quam solennissimo ritu colere cœperunt D. Hyacinthum, suasu, impul-  
suq; Reuerēdissimi, nunc feliciter moderni, sapientissimi, & Religiosissi-  
mi Magistri Generalis P. F. Hieronymi Zauierre. Extat libellus ibidem  
apud Laurentium Robles Typographum Regni Aragoniæ 1595. de his  
Hispanico idiomate excusus. Mirum & inauditum est; qua deuotione ci-  
uium illorum, totiusq; Hispaniæ ad cultum admissus est D. Hyacinthus,  
mira inuisaq; apud eos vniuersos virtute sua operans. Ad hunc te remit-  
to. hæc pauca tamen de promo, quæ de miraculis S. Hyacinthi, in Hi-  
spanijs patris cæcinit inter alios Petrus Orlizius:

*Christus hæc nunquam legitur dedisse*

*Signa, sed raris decorasserarum.*

*Ipse communi modo lege fult.*

*Prodigiorum.*

*Numinis splendor, radiumq; lucis*

*Gloriæ lucem referentis æque*

*Hunc sibi refert, radiare passus*

*Luce minore.*

Nec in Europa solummodo his fulget miraculis Hyacinthus. Fulget  
& apud Antipodas, Indos Occiduos, & Orientales. Reminiscere eorum,  
quæ ipse audiui, tunc dum Romæ Capitulo generali multi Patres Reli-  
giosissimi ex Indijs, Orientalibus, & Occidentibus anno Domini 1601.  
interesserit. Innumera hi referebant apud illos populos extremos inuoc-  
catione Sancti Hyacinthi gesta miranda. Recensebant graui valetudine  
pressos, perfectē curatos, cæcos illuminatos, claudos in pedes erectos,  
surdorum aures patefactas, mutorum linguas solutas, mortuos vitæ red-  
ditos, ab energumenis dæmonia pulsa, votis Diuo Hyacintho dicatis.  
Inter alia illud apud omnes Peruanos clarissimum recensebant. In ciuita-  
te Argenti Hispanis della Plata dicitur, Satrapæ cuiusdam coniunx de-  
cennio integro à fluxu sanguinis vehemētissimo de vita periclitabatur,  
Mos apud eos inoleuit, labarum imagine S. Hyacinthi depictum & con-  
secratum à quocunque tum domi, tum in vineis & agris suspensum ha-  
beri, extra quidem grandinis, domi vero imminētis cuiusvis periculi  
propulsandi causa, oratione eiusdem Sancti. Desert illud Satrapa in do-  
mum, mulier rerum ignara auct scire quid sit. Explicat ille statim: mox  
virtutes

virtutes Hyacinthi extollit, corripit auida vxor sacram iconam, mox  
vtero applicat, seque inuoluit in eo, fide plena. Sanguis sistitur in oculi  
momento sistitur; & illa prodigio sanata ad aram Dni Hyacinthi, cu-  
ius ope incolumitatē accepit. Hæc ex minoribus operibus S. Hyacinthi  
aiebant illi esse, alia quæ eidem humanam excedere videntur prætereo.

Sacram vero aliquam vel minimam Reliquiarum Sancti particulam,  
quam pia contentione illi Patres extorquebant à nobis, ne dicam emen-  
dicabant? Thesauris quibuscunq; preciosiora illa sacramenta ossium, suis  
Indis delatum. Propter hæc & alia inuise magnitudinis miracula à D.  
Hyacintho, ubiq; terrarum patrata, ubiq; locorum, (in quibus vestigia  
Prædicatoriæ Religionis extant vel minima) videre licet Hyacintho ex-  
tructas aras, constitutas imagines, statuas erectas, consecrata sacella, or-  
nata & dotata. Ecclesias non paucas ædificatas, tabulas argenteas & au-  
reas, vota ex ceris, auro, argentoq; ficta, innumerabilia dicata, propter  
potestatem rerum maximarum, & admirabilem, in toto orbe terrarum  
ingentibus factis declaratam.

Deinde vides quomodo per tot annorum miriades, Mausolæum eius  
miraculis illustrissimum non tantum à Polonis, verum & ab extraneis,  
pura mente colitur & frequentatur. Quinquaginta quatuor ad vsque  
diē Canonizationis Sancti Hyacinthi morte absorpti mortales ope eius  
ad vitam reuocati hic censentur. Septuaginta sex iam morituris Hyacin-  
tus hic perfectam sanitatem restituit. Centum triginta quatuor graui va-  
letudine oppressos curauit. Triginta sex magno dolore capitis affectos  
liberavit: viginti duos vehemēti dolore dentium afflictos sanauit: quin-  
quaginta oculorum doloribus cruciatos, ex quibus nonnulli cæci erant,  
lumen reddidit: triginta tres gutturis, colli, linguæ, & oris doloribus  
pressos ad sanitatem reduxit: tribus surdis auditum restituit: quadra-  
ginta duos pectoris, stomachi, & intestinorum doloribus languentes  
adiunxit: octuaginta tres pedum & manuum dolore languentes libera-  
uit: quadraginta octo febribus vexatos sanos effecit. Ab octo celiacos  
dolores pepulit: vigintinouem ex elephantico morbo eripuit: decem &  
octo à morbo comitiali vindicauit: duobus tabe affectis, sanitatē dedit:  
sex paralyticis & membris dissolutis vires restituit: duodecim aqua in-  
tercure tumefcentes curauit: vigintitribus diuersis vulneribus concisis  
sanitatem reddidit: duas steriles matronas, prole donauit: triginta tri-  
bus parturientibus matronis, & in partu periclitantibus subuenit: qua-  
draginta totius corporis quassatis doloribus opem tulit: quinquaginta  
quinque diuersis casibus agitaris, succurrit: nouem animalia rationis ex-  
perta debilitata, atq; alio vitio affecta, in pristinum statum restituit: tri-  
ginta & octo extant visiones & apparitiones diuersæ, quibus ægri & moriē-  
tes sunt ab eo recreati & subleuati. Innumeri Christiani, varijs de causis  
afflicti, nō semel solū, sed sæpius voto facto, voti cōpotes effecti sunt.

Ad vsq;

*Camil. Ba-  
liani col-  
legit i O-  
rat.*

Ad vsq; diem quo Sanctus Hyacinthus Sanctorum titulo à Clemente Octauo Pontifice Maximo, summo applausu orbis insignitus est, percen-  
se mihi has tabellas pictas è cæris, argento, & puro auro formatas, voti-  
ua donaria, quas Italiæ, Galliarum, & Hispaniarum populi, vltra nostros  
populares, D. Hyacintho appensa esse voluerunt. Lychnus iste argenteus  
pensilis non minore precio quam arte, & etiam mole conspicuus dona-  
rium est Serenissimæ Ferdinandi Magni Etruriæ Ducis, consortis. Audis  
itaq; quomodo S. Hyacinthus, Romæ, Neapoli, Bononiæ, Mediolani, Ve-  
netijs, quin, vt breuissimè referam, tota Italia, Hispanijs, Indis, quoq; Oc-  
ciduis & Orientalibus innumeris fulget miraculis. Thaumaturgū hunc  
agnosce, teq; ei ad præcellam hanc aram deuoue. In hac enim ara, eo in  
loco, quo Sacerdos, Sacrum Eucharistiale explicat, reposita est eius gle-  
ba. Superius vero sub marmoreæ Diui statuae capite. B. Viti ossa condi-  
ta sunt.

F I N I S.











